


স্বামী-স্ত্রী

নাটক



শ্রীশচাঁদ্রনাথ সেনগুপ্ত

রঙমহলে অভিনীত

গুরুদাস চট্টোপাধ্যায় এণ্ড সন্স,
২০৩১১, কর্ণওয়ালিস্ স্ট্রীট, কলিকাতা

এক টাকা

মাঘ, ১৩৪৪

গুরুদাস চট্টোপাধ্যায় এণ্ড সন্সের পক্ষে তারতবর্ষ প্রিন্টিং ওয়ার্কস্ হইতে
শ্রীগোবিন্দপদ ভট্টাচার্য্য দ্বারা মুদ্রিত ও প্রকাশিত
২০৩১১১, কর্ণওয়ালিস্ স্ট্রীট, কলিকাতা

পাত্র-পাত্রী

পুরুষ

মি: দাস—রিটার্ড সিভিলিয়ান
ললিত—ঐ জামাতা (লিলির স্বামী)
মোহন—ধনীর ছালাল
কয়লার খনির কর্মচারীগণ, কুলি-কামিনী,
সর্দার প্রভৃতি ।

স্ত্রী

মিসেস্ দাস—মি: দাসের স্ত্রী
লিলি—ঐ কন্যা
মিনতি—লিলির মাসভূতো বোন
শাস্তা—লিলির বন্ধু
পার্কতী—শাস্তার বন্ধু
পরিচারিকা ।

নাটকখানি মৌলিক নয়। পঞ্চাশ বছর আগেকার লেখা একখানি বিদেশী নাটক থেকে আমি এর উপাদান নিয়েছি। ঊনবিংশ শতকের শেষের দিকে ইউরোপে যে-নাটক রচিত ও অভিনীত হয়েছিল, বিংশ শতকের মাঝামাঝি সময়েও তা বাংলা-রঙ্গালয়ে অভিনীত হয়ে আধুনিক বলে আদর পাচ্ছে! তার কারণ হয়ত এই যে, এ নাটকের বিষয়বস্তু আজও পুরাণো হয়ে যায়নি। স্বামী-স্ত্রীর মনের মিল-অমিল অতীতেও ছিল, বর্তমানেও আছে এবং ভবিষ্যতেও থাকবে। •এই দিক দিয়ে বিচার করে দেখলে এর মাঝে আধুনিকতার সন্ধান কিছু পাওয়া যাবে।

কিন্তু আধুনিক নর-নারীর মনস্তত্ত্বের দিক দিয়ে যারা বিচার করে দেখবেন, তাঁরা বুঝতে পারবেন নাটকখানি পুরো আধুনিক নয়— আধুনিক লক্ষণযুক্ত মাত্র। আমার মনে হয় সেই কারণেই নাটকখানি জনপ্রিয় হতে পেরেছে। এই ব্যাপার থেকেই জাতির প্রগতির পরিমাপ কতকটা পাওয়া যায়! ও-দেশে মানব-জীবনের নানা জটিল সমস্যা নাট্য-সাহিত্যে স্থান পেয়েছে। আমরা চোখ বুজে সব সমস্যাকেই এড়িয়ে চলি। তাই নাটকে আমরা চাই নানা আজগুবি ব্যাপার, নিরর্থক হাসি-কান্না, অহেতুক আক্ষালন, অনাবশ্যক নাচ-গানের জলসা। ফলে নাটক আর থিয়েটার আধুনিকও হতে পারছে না, জাতির জীবনেও নিজের স্থান করে নিতে পারছে না।

শক্তিমান নট শ্রীযুক্ত দুর্গাদাস বন্দ্যোপাধ্যায় এই নাটকখানি অভিনয়ের জন্ত মনোনীত করেন। তাঁর পরিচালনা, সূ-অভিনেতা সন্তোষ সিংহের সহায়তা এবং সম্প্রদায়ের সকলের সহযোগিতা নাটকের

রূপ ও অভিনয় সর্বোৎকৃষ্ট করে দিয়েছে। একটি সম্প্রদায়ের অকুণ্ঠিত
দৃষ্টিভঙ্গি এর আগে এর চেয়ে বেশি করে আমি কোথাও পাইনি।
দুর্গাদাসের দাবি অনুসারে আমি শেষ অঙ্কটি রচনা করিচি এবং আরো
কিছু কিছু পরিবর্তন সাধন করিচি।

শ্রীমণীন্দ্রনাথ দাস (নাট্যবাবু) এর দৃষ্টপট পরিকল্পনা করেছেন।
তাঁর সুরচিহ্ন ও কলাজ্ঞানের সখ্যাতি সকলের মুখেই শোনা যাচ্ছে।

শ্রীপ্রণব রায়ের সঙ্গীত রচনা যেমন সুন্দর হয়েছে, তেমনি সুন্দর হয়েছে
শ্রীতুলসী লাহিড়ীর দেওয়া সুর। দুজনাই আমার অনুজোপম।
দু'জনাই সখ্যাতি আমাকে আনন্দ দান করছে।

৮৪।১।২ খ্রিষ্টাব্দ

কলিকাতা

শচীন্দ্রনাথ সেনগুপ্ত

শক্তিমান নট ও সুদক্ষ পারচালক
শ୍ରীদুର୍গাদাস বন্দ্যোপাধ্যায়
ঐতিভাজনেমু—

স্বামী-স্ত্রী

আধুনিক আসবাব-পত্রে সজ্জিত একখানি ঘর। মেকের পুক কার্পেট, দেয়ালে দামী ছবি। পিছনের দিকে দুটি দরজা। ডাইনের দরজা দিয়া বারান্দার একটা অংশ, বারান্দায় উত্তিব্যার সিঁড়ি এবং বাগানের গোটা কত গাছ দেখা যাইতেছে। বাংয়ের দরজার পর্দা ঝুলিতেছে। ছ'পাশেও দুটি দরজা—দুটাই পর্দা দেওয়া। মেকের পুরোস্তাগে বাঁ-দিক ঘেঁসিয়া একখানি কোঁচে বসিয়া মিঃ দাস খবরের কাগজ পড়িতেছেন। পাশে টিপয়ের ওপর আরো কাগজ রহিয়াছে। মিঃ দাসের বয়েস ষাট উত্তীর্ণ হইয়াছে। মাথার সব চুল পাকিয়া গিয়াছে। মুখে দাঁড়ি-গোঁফ রহিয়াছে ফ্রেঞ্চ-কাট। তিনি একটি ড্রেসিং গাউন পরিয়া আছেন। মেকের পুরোস্তাগেই ডান দিক ঘেঁসিয়া আর একখানি কোঁচে মিনতি বসিয়া আছে। তাহার হাতে একখানা বই। ছিপ্-ছিপে চেহারা, রিম্‌লস পাস-নে, পরণে ঢাকাই নীলাশ্রী, হাতাবিহীন রাউজ। মেকের মাঝখানে একখানি ইজিচেয়ারে মিসেস দাস বসিয়া গলাবন্ধ বুনিতেন।

কাগজ হইতে মিসেস দাসের দিকে দৃষ্টি ঘুরাইয়া

মিঃ দাস। কালকের টেম্পারেচার কত ছিল জ্ঞান, রমা?

মিসেস দাস। আমি ও-সব দেখিনে।

স্বামী-স্ত্রী

মিঃ দাস। ওয়েদার রিপোর্ট ছাখা ভালো। সতর্ক হওয়া যায়। সাবধানে থাকা যায়। নইলে (দু-তিনবার শব্দ করিয়া কাসিলেন) এই রকম ভুগতে হয়।

মিসেস দাস। তুমি ত সাবধানে থাকবেনা!

মিঃ দাস। আবার কি সাবধানে থাকব?

মিসেস দাস। গলাটা খালি রেখে রোজ তুমি বিকেলে বাগানে বোসে থাক কেন?

মিঃ দাস। কি করি বল, তোমার ওই কমফার্টার তৈরী হতে শীত যে কেটে যাবে।

মিসেস দাস। চিরকাল যেন আমারই তৈরী কমফার্টার তোমাকে ঠাণ্ডা থেকে বাঁচিয়েছে!

মিঃ দাস। চিরকাল তোমারই দেওয়া কমফার্ট আমার কাম্য হয়ে রয়েছে, রমা।

মিসেস দাস। বুড়ো বয়েসেও কাব্যে কথা বলবার সখ! মিনি রয়েছে না।

মিনতি। (উঠিয়া) আপনার ওষুধটা এনে দোব, মেসোমশাই?

মিঃ দাস। না, না, ওষুধ কাজ নেই। তোমার মাসীমা কমফার্টার তৈরী করচেন, তাই দেখেই আমার কাসি সেরে যাবে।

আবার কাসিতে লাগিলেন

মিসেস দাস। ঠর কথা শুনোনা মিনি, তুমি ওষুধ এনে দাও।

মিঃ দাস। হুকুম ত করচ, কিন্তু জান যে ও-ওষুধটা খেতে হয় ব্রেকফাস্টের পরে।

মিসেস দাস। মিনি, তুমি তো মা, ব্রেকফাস্ট তৈরী কি না।

মিনতি পেড়নের ঝাঁক-ঝাঁক নরনার পর্দা টেলিয়া চলিয়া গেল।

মিঃ দাস। লিলি, না ফিরলে ত ব্রেকফাস্টে বসি যাবেনা।

মিসেস দাস। লিলির ফেরবার সময় হয়েছে।

মিঃ দাস। লিলি আমার ছেলে নয় মেয়ে। কিন্তু ঘোড়ায় চড়ে শিখেছে আমারই মত। জান ত, আমার মত ঘোড়ার ওপর তখন বেশি ছিল না। বিলেতেও আমি ঘোড়ায় চড়ে খ্যাতি পেয়েছিলাম।

মিসেস দাস। তোমার বিলেতেই বাড়ী করা উচিত ছিল।

মিঃ দাস। করতুমও তাহি।

মিসেস দাস। কেন করলে না?

মিঃ দাস। তুমি যেতে রাজী হলেনা বলে।

মিসেস দাস। আমার বাবাকে আমি ব্যথা দিতে পারতুম না। তিনি ছিলেন খাঁটি হিন্দু। অনাচার সহিতে পারতেন না।

মিঃ দাস। তাই বুঝি বেছে বেছে এই সদাচারী লোকটিকেই ভাঙাই করলেন।

মিসেস দাস। আহা! আচার-অনাচার বোঝবার বয়স তখন তোমার ছিল কি না!

মিঃ দাস উহিয়া দাঁড়াইতে দাঁড়াইতে বলিলেন

মিঃ দাস। সত্যি! এত ছেলেবেলায় আমাদের বিয়ে হয়েছিল

মিসেস দাসের ইজিচেয়ারের পাশে একখানা চেয়ার

টানিয়া বসিলেন। মিসেস দাসের মাথায় হাত

বলাইতে বলাইতে কহিলেন

কতদিন আগে আগে আমাদের বিয়ে হয়েছিল, রমা।

স্বামী-স্ত্রী

মিসেস দাস । তখন তোমার বয়েস ষোল আর আনার দশ ।

মিঃ দাস । এর মাঝে একটি দিনেও কিন্তু আমরা ঝগড়া করিনি ।

মিসেস দাস । আফশোষ থাকে আজ থেকে শুরু করে দাও ।

মিঃ দাস । হাঁ, লিলি জাহুক, ললিত বুকাক বিবাহিত জীবন কেমন করে কাটাতে হয় !

মিসেস দাস । মেয়েকে যা তুমি তৈরি করেচ ।

মিঃ দাস । ছেলে থাকলে তাকেই এই রকম গড়ে তুলতুম ?

মিসেস দাস । কিষ্ট এতটা কি ভালো ?

মিঃ দাস । মর্দ কি দেখলে ?

মিসেস দাস । “এই বোড়ায় চড়া, এয়ারোপ্লেনে ওড়া...”

মিঃ দাস । কি যে বল ! লিলি আমার মেয়ে, আমারই মতো হবে না ?

মিসেস দাস । কিন্তু তার বিয়ে হয়েছে, স্বামীর মতামত রয়েছে ।

মিঃ দাস । কেন, ললিত কিছু বলেছে নাকি ?

মিসেস দাস । বলতেও ত পারে ।

মিঃ দাস । বলুক না । বললে শুনিবে দোব না !

মিসেস দাস । কি শোনাবে ?

মিঃ দাস । আমার মেয়ে আমারই মেয়ে ভেনে সে বিয়ে করেছিল ।
‘আমার মেয়ে বোড়ায় চড়বে, মোটর হাঁকাবে, আকাশে উড়বে, রাইফেল
ছুঁড়বে...’

বাইরে ইংরেজি শব্দের গান শোনা গেল

ওই লিলি আসছে।

রাইডিং, রিচেস পরা লিলি প্রবেশ করিল, হঠাৎ হটপ।
বয়েস সতেরো-আঠারো।

লিলি। গুড্ মর্নিং ড্যাড।

মিঃ দাস। গুড্ মর্নিং ডালিং।

লিলি। গুড্ মর্নিং মা।

মিসেস দাস। গুড্ মর্নিং লিলি।

ললিত একপাশি খবরের কাগজ দেখিতে দেখিতে
নিঃশব্দে আসিয়া ডান দিকের কোণে বসিল। বয়েস
পঁচিশ-ছাব্বিশ।

লিলি। য়াম্ আই ভেরি লেট ফাদার?

মিসেস দাস। আমরা ব্রেকফাস্টে বসতে পারচি না।

লিলি। সরি মাদার ডিয়ার। বোড়াটা হঠাৎ ক্ষেপে উঠেছিল।

মিঃ দাস। ফেলে দেয়নি ত তোমাকে!

লিলি। চেষ্টা করেছিল, কিন্তু পারেনি।

ললিত। তেমন চেষ্টা করলে হয়ত পারত।

লিলি। লাগাম শুধু বরতে নয় কষতেও আমি জানি।

মিঃ দাস। মাই রেভ গার্ল!

লিলি। এক্সকিউজ মি। আই উটল জয়েন ইউ ইন এ মোমেন্ট।

পাশের ঘরে চলিয়া গেল

মিঃ দাস। ললিত।

ললিত। আঞ্জে, বলুন।

স্বামী-স্ত্রী

মিঃ দাস। আজ্ঞে !

ললিত। আজ্ঞে হ্যাঁ, বলুন।

মিঃ দাস। জাঁথ, ও-সব আজ্ঞে-আমুন বোষ্টমীভাব এ-বাড়ীতে
ওলবে না।

ললিত। আমাদের যে ওই-ই অভ্যেস।

মিঃ দাস। সে-অভ্যেস ছাড়তে হবে। মনে রাখতে হবে তুমি মিঃ
দাস, রিটার্ড সিবিলিয়ানের একমাত্র মেয়েকে বিয়ে করেচ।

ললিত। আজ্ঞে সে-কথা এক মুহূর্তের জন্তেও আমি ভুলি না।
লিলা আমার ভুলতে দেয়না।

মিঃ দাস। হ্যাঁ, তা ভুলো না। কিন্তু একটি জিনিষ তোমায়
ভুলতে হবে।

ললিত কাগজ হাতে মুখ তুলিয়া তাহার দিকে চাহিল


তোমাকে ভুলতে হবে যে তুমি গরীবের ঘরে জন্মেছিলে। তোমাকে
ভুলতে হবে তোমার পরিবারের তোমার সমাজের সেকেন্দ্রে সব আদব-
কায়দা। আমাদের মেয়ে বিয়ে করেচ বলে আমাদের পায়ের ধূলো
তোমাকে নিতে হবে না, আমাদের সঙ্গে তোমাকে কিছু হয়েও কথা কইতে
হবে না। আমরা তোমাকে বন্ধ বলেই গ্রহণ করেচি, তুমিও আমাদের
বন্ধ বলেই ছেনো। উই অর অল্ ফ্রেন্ডস্ হিয়ার। বন্ধুলে ?

ললিত। আজ্ঞে হ্যাঁ।

মিঃ দাস। আবার। আবার ওই সেকেন্দ্রে...

কথা শেষ না করিয়া কানিতে লাগিলেন

মিসেস দাস। ত্যাগ ললিত
ললিত। আঞ্জে বলুন।



মিসেস দাস। এ বাড়ীতে গুর অমতে যেনন কোনো কাজ
করা চলে না, তেরি উনি যাঁ পছন্দ করেন না, তাও কারু বলা
শোভা পায় না।

মিঃ দাস। কেউ কখনো তা করেনি, কেউ কখনো তা বলেওনি।

মিসেস দাস। আশা করি তুমিও তা করবেন।

ললিত ছুঁকনার মুখের দিকে চাহিয়া দেখিল,
কাহাকেও কোন কথা না বলিয়া আবার কানজে
মন দিল।

মিঃ দাস। আমরা কারু ওপর হুকুম চালাতে চাইনা। উই ওয়ান্ট
টু মেনটেন এ ডিসিপ্লিন।

ললিত। ডিসিপ্লিন!

মিঃ দাস। হাঁ, জাত হিসেবে আমরা বত বেশি ডিসিপ্লিন্ড্ হব,
তত শিগ্গীর আমরা উন্নতি করতে পারব।

মিনতি প্রবেশ করিল। তাহার সঙ্গে দুইটি হকলী

মিনতি। মাসীমা! এই ছাথ কে এসেচে।

মিসেস দাস। কে! শান্তা না?

শান্তা। চিন্তে ত পারলেন না দিদিমা!

মিসেস দাস। ওমা! তাই নাকি! (উঠিয়া) এস ভাই এস, বোস।
এ মেয়েটি কে?

স্বামী-স্ত্রী

শান্তা। আমার এক বন্ধু, নাম পার্কীতী।

মিঃ দাস। কী নাম বলো ?

শান্তা। পার্কীতী।

মিঃ দাস। পার্কীতী !

শান্তা। হাঁ, দাদা মশাই।

মিঃ দাস। আঃ ও-সব সেকলে নাম আর কেন ? নামটা বদলে দাও।

শান্তা। ওর বাবাকে আপনি জানেন, পাটনার মহেন্দ্র বাবু।

মিঃ দাস। আরে আমাদের মহেন্দ্রের মেয়ে ! বোস, বোস। মহেন্দ্রকে মনে আছে, রমা ?

মিসেস দাস। মনে পড়ে না ত।

মিঃ দাস। সেই ডেপুটি-চাকিম গো ! পাটনার ছিল, আরায় ছিল।

মিসেস দাস। হ্যাঁ, হ্যাঁ, মনে পড়েছে।

মিঃ দাস। পড়বেইত। তার পরিচয় ছিল পূজারী চাকিম। সকাল-সন্ধ্যায় ঘরে থিল দিয়ে শিব-পূজা করত।

পার্কীতী। এখনও তাই করেন।

মিঃ দাস। বেচারী ভাবচে কাজশ্রোতের প্রতি বোধ করবে ! আমি বলছি শান্তা, সে তা পারবেনা—আর পারেওনি।

মিসেস দাস। তোমার সঙ্গে দেখা হয়েছে নাকি ?

মিঃ দাস। না।

মিসেস দাস। তবে কি করে জানলে যে পারেনি।

মিঃ দাস। এই তার মেয়েকে দেখে। পূজারী-চাকিম মহেন্দ্রের

মেয়ে হিল-তোলা জুতো পরেচে, শাড়ীকে হবল-স্কাট করে তুলেছে, গারে.
একটা স্কাফ জড়িয়েচে ; দেখচনা !

পার্কী । কিন্তু আমার বাবা অন্তরে অন্তরে খাঁটি স্বদেশী । আর
আমিও তাই !

মিঃ দাস । তুমিও তাই !

পার্কী । আমার বাইরের এই বেশ দেখে বিচার করলে ভুল
করবেন ।

মিঃ দাস । আশা করি এটা তোমার অন্তরের কথা ?

পার্কী । তা বিশ্বাস করতে পারেন ।

মিঃ দাস । তা হলে সত্যি কথা বলতে কি তুমি অন্তরেও বা বাইরেও
তা, অর্থাৎ একেবারে ও-দেশী।

মিসেস দাস । কেন ওকে ওসব কথা বলচ, বলত ?

শান্তা । পার্কী চমৎকার গান গাইতে পারে, দিদিমা ।

মিসেস দাস । তাই নাকি ! আমাদের একখানা শোনাবে, মা ?

শান্তা । লিলিকে শোনাবো বলেইত ওকে নিয়ে এসেচি । লিলি
কোথায় ?

মিসেস দাস । লিলি এখুনি আসবে ।

শান্তা । দিদিমাকে একখানা গান শোনাবি ভাই পার্কী ?

পার্কী । তোমার দাদামশাই যদি তাও সেকেলে বলেন ?

মিসেস দাস । ঠাঁর কথা ছেড়ে দাও । উনি ওই রকমই বলেন ।

মিঃ দাস । হাঁ, মা, আমি চিরদিনই ওই রকমের । আমার মনেও
যা, মুখেও তাই । আমি বিশ্বাস করি কালস্রোতকে প্রতিরোধ করা

স্বামী-স্ত্রী

যায়না। তাই আমি শ্রোতের অন্তকূলে এগিয়েই যেতে চাই। আমি বিশ্বাস করি সেকেলে জীবনযাপন একালে সম্ভবপর নয়, তাই সবারকমেই আমি একেলে হতে চাই।

মিসেস দাস। দেখচ, তোমার বক্তৃতার রোগ আজও রয়েছে।

মিঃ দাস। বক্তৃতা নয়, রমা। আমি খোলসা সব কথা বলতে ভালবাসি। যিদ্ধে ভেঙ্গে তাকে পটৌল বলে পরিবেশন করতে আমি নারাজ।

শান্তা। যিদ্ধেকে পটৌল বলে চালাতে কে চায়, দাদামশাই ?

মিঃ দাস। 'অমেকেই চায়, দিদি, অনেকেই চায় !

মিনতি হাসিয়া চলিয়া গেল।

মিসেস দাস। ও ছেলেনামুস, অত সব কি বোঝে ? তুমি মা আমাদের একটা গান শোনাও।

পার্বতী। শান্তা, আমি দে বাজিয়ে গাইতে পারিনা, ভাই।

মিসেস দাস। তার ছন্ত ভাবচ কেন ? ললিত !

ললিত। আজ্ঞে !

মিঃ দাস পাশ্চাত্তিক করিতেছিলেন। দ্রুত তাহার দিকে ফিরিয়া চাছিলেন। শান্তা উঠিয়া ললিতের কাছে গিয়া নমস্কার করিল।

শান্তা। আমুন ললিতবাবু, আমার বন্ধুকে একটু সাহায্য করবেন।

ললিত উঠিয়া পাড়াইল

ললিত । ন্তবু ভালো চিন্তে পারলেন ।

শান্তা । অনেকদিন আগেই চিনেচি—আপনি কি রহ । আস্থন ।

ললিত ঘরের অপর দিকে গিয়া পিয়ানোয় বসিল ।

পার্বতী । ওর দরকার নেই । আমি একখানা কীৰ্ত্তন গাইব ।

মিঃ দাস । কেতন !

মিসেস দাস । তাই গাও মা, আমার বাবাও গাইতেন, ছেলেবেলায় শুনতুম ।

মিঃ দাস কোন কথা না বলিয়া বাহিরে চলিয়া গেলেন । পার্বতী কীৰ্ত্তন শুরু করিল ।

পার্বতীর গান—কীৰ্ত্তন

(যবে) যমুনার কুলে চাঁদ উঠেছিল, হেরেছিলুম সখি তারে

(তার) নামটি জানিনা, তবুও সরমে শুধাতে পারিনা কারে

(তার নাম জানিনা) (সেই রূপ কিশোরের)

(সেই তো আমার জীবন মরণ, এই ছাড়া আর নাম জানিনা)

তার এমনিকপের মায়া,

বুঝিতে পারিনি কে যে চাঁদ আর কেবা সে চাঁদের ছায়া ।

(তার) বেহু রবে যদি বনের হরিণী আপনি হয় অধীর,

(তার) গৃহ-কোণে মোর মনের-হরিণী কেমনে রহিবে খির ?

(সে যে ছুটে যেতে চায়) (গৃহ পিণ্ডর টুটে)

(তটিনী যেমন সাগরে মিশায়, তেমনি করেই ছুটে যেতে চায়)

সখি, মনে মনে যারে চাই,

স্বামী-স্ত্রী

(১) নয়ন হইতে জানিনা কখন হৃদয় নিয়েছে ঠাই ।

(সেই) নীল তরু অরি' রাঙা বাস মোর—

হ'য়েছে নীলাধরী,

(মোর) মধুর প্রণয় ফুল হয়ে বারে যেন মধু মঞ্জরী ।

(করে' পড়ে গো) (আমার প্রেমের মধু মঞ্জরী—

(দূর হ'তে সেই চরণতলে প্রণাম হয়ে)

কীৰ্ত্তন শেষ হইয়া গেল । সকলে চুপ করিয়া

রহিল । মিঃ দাস প্রবেশ করিলেন ।

মিঃ দাস । বাট্টের দাড়িয়ে শুনছিলুম, মা । চমৎকার গাইলে ।
বেশ লাগল ।

পার্বতী । সেকলে গান, মনে রাখবেন কিম্ব ।

মিঃ দাস । ভুল করলে মা ! এসব কালের গভীরে আবদ্ধ রাখা
চলেনা—A thing of beauty is joy for ever !

লিলি বেশ পরিবর্তন করিয়া ফিরিয়া আসিল ।

বাসন্তী রংয়ের শাড়ী, লাল টাউজ, পায়ে হিপার ।

লিলি । আই রাম রেডি কাদার ।

মিঃ দাস । ইউ লুকস্ প্রেনডিভ ঈন স্ট্রকরন ।

লিলি । ডু আই ড্যাড ?

একথানা চেয়ারে বসিল

মিঃ দাস । ডাজ্ন্ট সি, মাদার ?

মিসেস দাস । বলতে নেই, কিম্ব সত্যি স্বন্দর মানিয়েছে !

মিঃ দাস । Let us have the opinion of a more competent judge. ললিত তুমিই বল । এ ব্যাপারে তোমারই মতের দাম বেশী ।

ললিত । আমি নীল রংই বেশী পছন্দ করি ।

ললি । মিনি-দি নীলাঙ্গরী পরে বলেই বোধ হয় ?

ললিত । না, আকাশ নীল বলে ; সাগর নীল বলে ।

মিনতি প্রবেশ করিল । তাহার নীল
শাড়ী দেখিয়া ললি কহিল

ললি । • I hate blue !

শান্তা । লিলি, এই আমার বন্ধু পার্শ্বতী ।

ললি । উনিই বুঝি গান গাইছিলেন ।

শান্তা । তোমাকে গান শোনাব বলেই ওকে এনেছি ।

ললি । ও-ঘর থেকেই শুনলুম । বেশ গাইলেন ।

পার্শ্বতী । সবে শিখিচি ।

মিনি । ব্রেকফাস্ট তৈরি মাসিমা ।

মিঃ দাস । Come darling, ব্রেকফাস্টে বসে আমরা গানের আলোচনা করব ।

মিসেস দাস । তোমরাও চল, শান্তা ।

ললি । মিনিদি, তুমি এঁদের নিয়ে যাও । আমি একটু পরে যাচ্ছি ।

মিনতি । এস, শান্তা ।

শান্তা । চল, মিনিদি

তাহারা চলিয়া গেল

স্বামী-স্ত্রী

মিসেস দাস। চলগো ! আমরাও এগিয়ে পড়ি।

মিসেস দাস। উত্তরে হাওয়ায় ও-ঘরটা বড় ঠাণ্ডা থাকে। এইটে গলায় জড়িয়ে নাও।

মিস দাসের গলায় একটা স্কার্ফ জড়াইয়া দিলেন

মিস দাস। তোমার হাতের মতই নরম আর গরম।

মিসেস দাস। আঃ ! মেয়ে-জামাই রয়েছে না।

মিস দাস। Never mind ! We are all friends here !

সকলে সবাইকে সব কথা বলতে পারে।

কাসিতে কাসিত মিসেস দাসের বাহ অবলম্বন
করিয়া বাহির হইয়া গেলেন। লিলি ললিতের কাছে
থিয়া দাঁড়াইল।

লিলি। চল, ব্রেকফাস্টে যাবে না ?

ললিত। ক্ষিদে নেই।

লিলি কোঁচ তাহার পাশে বসিল

লিলি। আমাদের ফমা কর।

ললিত। তোমার অপরাধ ?

লিলি। মিনি-দির নীলাম্বরীর কথা বলেছিলুম বলে তুমি রাগ
কোরো না।

ললিত। মিনিকে নীলাম্বরী বেশ মানায়।

লিলি। কোন কিছু ভেবে আমি সে-কথা বলিনি।

ললিত। তবে বললে কেন ?

লিলি। নীল রং সত্যিই আমার ভালো লাগে না।

ললিত। এক দিন লাগবে।

লিলি। কবে ?

ললিত। চুল যে-দিন সাদা হবে, দৃষ্টি হবে ঘোলাটে।

লিলি। আমি কোন দিন ভেগন বুড়ো হব না। দেখো তুমি !

ললিত লিলিকে কাছে টানিয়া লইল

ললিত। আমারও কামনা চির-যৌবনাই তুমি থাক।

লিলি। তোমার ত আমাকে একটুও ভালো লাগে না।

লিলি নিজেই মৃত্ত করিয়া সরিয়া বসিল

ললিত। কি করে জানলে ?

লিলি। তোমার মুখ দেখে।

ললিত। তুমি আমার দিদির চিঠির কথা ভুলে যাচ্ছ।

কাগজ ভুলিয়া লইল

লিলি। ভুলিনি ত !

ললিত। কি ঠিক করেচ ?

লিলি। আমি যেতে পারব না।

ললিত। দু'দিনের জন্তেও না ?

লিলি। না।

উঠিয়া মিসেস দাস যে চেয়ারে বসিয়াছিলেন
সেই চেয়ারে গিয়া বসিল। ললিত কাগজ রাখিয়া
তাহার দিকে চাহিয়া রহিল। তারপর উঠিয়া তাহার
সাথে গিয়া দাঁড়াইল

ললিত। তুমি কেন যেতে পারবে না ?

লিলি। যেতে পারব না, এটুকুই কি যথেষ্ট নয় ?

স্বামী-স্ত্রী

ললিত। আমি যদি তোমার স্বামী না হতুম, তাহলে ওইটুকুই যথেষ্ট হতো।

ললি। স্বামী হয়েচ বলে সব কথাই তোমাকে বলতে হবে ?

ললিত। বলা উচিত।

ললি। তাহলে তোমারও ত সব কথা আমাকে বলা উচিত ?

ললিত। নিশ্চয়।

ললি। বেশ, তাহলে বল। কেন আমাকে তোমার দিদির বাড়ী যেতে হবে ?

ললিত। আমার দিদি যেতে লিখেছেন বলে।

ললি। তোমার দিদি লিখেছেন, তুমি যাও। আমি কেন যাব ?

ললিত। তোমাকেই নিয়ে যেতে লিখেছেন যে !

ললি। তিনি তোমার দিদি, কিন্তু আমার কে, যে আমাকেও তিনি হুকুম করবেন ?

ললিত। হুকুম করেন নি, স্নেহের দাবি জানিয়েছেন।

ললি। তাই আমার কোন দাবিই আর টিকবে না। না ?

ললিত। কেন এমন করচ বলত ?

ললি। তোমরা আমার মতামতের এতটুকুও মূল্য দাও না বলে।

দ্রুত উঠিয়া ঘরের বা পাশের দরজার পর্দা ধরিয়,
দাঁড়াইল। পেছন দিকের বা পাশের দরজায় মিনতি
আসিয়া দাঁড়াইল

মিনতি । •মেসোমশাই তোমাদের জন্তে বসে রয়েছেন, লিডি।

লিলি : দ্রুত ঘাড় বাঁকাইয়া মিনতির দিকে চাটিল ।
তারপর ললিতের দিকে, তারপর পর্দা সরাইয়া
চলিয়া গেল

ললিত । মিনতি ।

মিনতি আগাইয়া আসিল

মিনতি । লিলিকে ফের বুঝি চটিয়েচ ?

ললিত । লিলির কথা থাক । আমার কথাই শোন ।

মিনতি । বল ।;

ললিত । বোস আগে ।]

মিনতি কোঁচে বসিল

মিনতি । বল এবার ।

ললিত তাহার পাশে বসিল

ললিত । কাউকে বলবেনা, বল ।

মিনতি । কাউকে বলতে পারব না, এমন কোন কথা যদি থাকে,
তাহলে আমাকে তা বোলো না ।

ললিত । কেন ?

মিনতি । যদি গোপন রাখতে না পারি ?

ললিত । আমার জীবনের অনেক গোপন কথা তোমাকে বলিচি,
মিনতি ।

! মিনতির হাত ধরি।

স্বামী-স্ত্রী

মিনতি । এ আবার কি !

মিনতি হাত ছাড়াইয়া লটকা সরিয়া বসিল

ললিত । এই ত প্রথম নয় ।

ললিত তাহার দিকে সরিয়া বসিল

মিনতি । আগেকার সে-সব কথা ভুলে যাও ।

ললিত । কেন ?

মিনতি । তুমি এখন বিবাহিত ।

ললিত । না, বিয়ে আমার হয়নি !

মিনতি । তাই নাকি !

ললিত । হেঁদে উড়িয়ে দিও না মিনতি । তুমি বুদ্ধিমতী, তীক্ষ্ণ তোমার দৃষ্টি । তুমি নিশ্চয় বুঝেচ, নিশ্চয়ই ধরতে পেরেচ যে, লিলিতে আমাতে সত্যিকারের মিলন আজও হয়নি ।

মিনতি । এই লিলিকেই কি তুমি চাওনি ?

ললিত । যাকে চেয়েছিলুম তাকে পাইনি ।

মিনতি । পেয়েও যারা হারায়, তারা দুর্ভাগা ।

ললিত । দুর্ভাগারাই চায় সাহসনা । তোমার কাছে তা-ই আমি চাই মিনতি ।

মিনতি । আমার সাধ্য কি যে তোমায় দোব সাহসনা !

মিনতি উঠিয়া দাঁড়াইল,

ললিত । বোস ।

মিনতি । না, আর বোসব না ।

ললিত । আমার সব কথা বলা হয়নি, মিনতি ।

মিনতি। তোমার সব কথা শোনবার অবসরও যেমন আমার নেই, তেমন নেই কোন প্রয়োজন।

ললিত । আমার ওপর রাগ করেচ ?

মিনতি । এ সন্দেহ কেন বলন্ত ?

ସିନତି ବଜିନ

ললিত । কেবলই আমায় এড়িয়ে চল ।

মিনতি । তাই চলাই ভালো !

দলিত। ভালো !

মিনতি । নয় কি ?

ললিত। কিন্তু তোমার স্নেহ পেয়েছিলুম বলেই ও এ বাড়ীতে আজ স্থান পেয়েচি।

মিনতি । তুমি কী বলতে চাও !

ললিত। শকুড না হয়ে শোন মিনতি। 'আমি তোমাকে নিয়ে
বায়োঙ্কোপে বেতুম লিলিও তোমার সঙ্গে থাকবে বলে, তোমাকে আমি
গান শোনাতেম, গল্প শোনাতেম লিলিও শুষ্টে পাবে বলে। লিলি ভাবত
তোমার সঙ্গে সঙ্গে থেকে সে তোমাকেই সাহায্য করচে, আর—

মিনতি। আর আসলে আমিই তোমাকে সাহায্য করতুম লিলির
হৃদয় জয় করতে। না ?

ললিত। হাঁ, তাই করতে। কিন্তু না জেনে। আর সেইটেই হচ্ছে
 সবাই ~~এই~~ ~~কর~~ ~~কথা~~

মিনতি । হাঁ, সেইটেই সব চেয়ে মজার কথা !

ললিত । তারই মাঝে কানাকানি শুরু হলো । লোকে বলতে

স্বামী-স্ত্রী

লাগল তোমার সঙ্গেই আমার বিয়ে হবে, লিলি আমাদের দূতী। লিলির সেই দুর্গাম দূর করবার জন্যই আমাকে তাড়াতাড়ি সব করতে হোলো।

মিনতি। তাড়াতাড়ি লিলিকেই বিয়ে করতে হোলো !

ললিত। That was a big surprise ! Was'nt it ?

মিনতি। হাঁ, সবাইকেই তুমি চমকে দিয়েছিলে।

ললিত। তোমাকেও !

মিনতি। স্বীকার করচি।

ললিত। তোমার মেসো, মাসি, এমন কি লিলি অবধি বুঝতে পারেনি যে তোমাকে ছেড়ে লিলিকেই আমি বিয়ে করতে চাইব।

মিনতি। বলতৈ তোমার বেশ আনন্দ হচ্ছে ?

ললিত। না। লজ্জা হচ্ছে।

মিনতি। লজ্জা হচ্ছে !

ললিত। লজ্জা হচ্ছে আমার নির্বুদ্ধিতার কথা মনে করে। লজ্জা হচ্ছে বুদ্ধির দোষে আমি আমার জীবনের সুখ শান্তি বিসর্জন দিয়েচি বলে।

মিনতি। ওসব আমি শুনতে চাইনা।

ললিত। সব না শুনেই চঞ্চল হয়েনা, মিনতি। আমি জাহ্নবী লিলির ব্যয়স কম। একেবারে ছেলেমানুষ। ভালোবাসার কিছুই সে জানেনা। কিন্তু আমি বিশ্বাস করতুম সে যখন বড় হবে, তখন সে জানবে ভালোবাসা কি। আজ ওকে দেখি আর আমার মনে হয়, ও-যেন এমন একটি কুড়ি বা কখনো আর ফুটবেনা।

উঠিয়া একটু দূরে গিয়া দাঁড়াইল।

স্বামী-স্ত্রী

লিলি প্রবেশ করিল। সে শাড়ী বদলাইয়া,
আসিয়াছে—নীলাম্বরী পরিয়াছে।

লিলি। মিনিদি, তোমার এই নীল শাড়ীখানা আমি ভাই নিলুম।

মিনতি। আমার সবইত তোমার বোন্।

উঠিয়া দাঁড়াইল

লিলি। চমৎকার মানিয়েচে ত !

মিনতি। আমি দেখে আসি গুঁরা কি করচেন।

ললিত। কিন্তু তোমাকে আমার সব কথা বলা হয়নি মিনতি।

মিনতি। আসচি ভাই, লিলি।

চলিয়া গেল। লিলি ললিতের সঙ্গে গেল

লিলি। মিনিদিকে তুমি কি বলছিলে ?

ললিত। তোমারই কথা।

লিলি। সত্যিই আমি যেন কী হয়ে যাচ্ছি ! তুমি কিন্তু রাগ
কারোনা।

ললিত। তোমার ওপর রাগ করব আমি !

লিলি। তোমার দিদির বাড়ী আমি কেন যেতে চাইনা, জান ?

ললিত। তাই জান্তেইত চেয়েছিলুম।

লিলি। মা-বাবাকে ছেড়ে আমি যেতে চাইনা বলে।

কোঁচে বসিল

লিলি। এই ফুল !

লিলি। হাঁ !

ললিত। দূর ! এও আবাসী একটা কারণ !

স্বামী-স্ত্রী

লিলি। এতই কি তুচ্ছ !

ললিত। মোটেই দু'দিনের জন্তে যাব।

ললিত তাহার পাশে বসিল

লিলি। দুদিনও আমি আমার মা-বাবাকে ছেড়ে থাকতে পারবনা।

ললিত। একথা আর কাউকে বোলোনা, শুনে হাসবে।

লিলি। যারা হাসবে, তারা ত আমার মা-বাবার দুঃখ বুঝবেনা।

ললিত। তুমি আমার সঙ্গে গেলে তোমার মা-বাবা দুঃখ পাবেন ?

লিলি। জানিনা, তাঁরা আমায় চোখে আড়াল করতে পারেন না।

উঠিয়া গিয়া চেয়ারে বসিল। ললিত তাহার সামনে
গিয়া দাঁড়াইল।

ললিত। লিলি, তুমি আর ছেলেমানুষটি নেই।

লিলি। তা নেই বলেই ত মা-বাবার সুখ-দুঃখ আজ আমাকে বড় করেই দেখতে হবে।

ললিত। কিন্তু তোমার মা-বাবা যে দুঃখ পাবেন, তাইবা তোমাঙ্কে কে বলে ?

লিলি। তাঁরাই বলেছেন। তাঁদের ইচ্ছে নয় যে আমি তোমার সেই পাড়ারগেয়ে-দিদির বাড়ী যাই।

ললিত। কিন্তু আমার ইচ্ছানত কোন কাজই কি তুমি করবেনা ?

লিলি। করব। কিন্তু মা-বাবার অনুমতি লাগবে।

ললিত। তুমি তাহলে আগে তাদের মেয়ে, তারপর আমার স্ত্রী ?

লিলি। তা কি মিথ্যে ?

ললিত। আজ তা সত্য নয়।

লিলি। একদিন বা সত্য থাকে আর একদিন তা মিথ্যে হ'তে পারেনা।

ললিত। কিন্তু বিয়ের আগে তোমার মা-বাবা যা ছিলেন, এখন তা নেই।

লিলি। আগেকার চেয়ে তাঁরা আমার একটুও কম ভালো-বাসেন না।

ললিত। আমি সে-কথা বলচিনে।

লিলি। তবে ?

ললিত। বিয়ের মানেই হচ্ছে...

লিলি। স্বামীর দাসত্ব স্বীকার ?

ললিত। না, নতুন সংসার গড়বার প্রয়াস।

লিলি। নতুন করে সংসার গড়বার কথা ভাবব তখন...

ললিত। কখন ?

লিলি। যখন এ সংসার ভেঙ্গে যাবে।

ললিত। তার মানে ?

লিলি। যখন আমার মা-বাবা এ সংসার থেকে চিরকালের ভেঁ
চলে যাবেন।

দুই হাতে মুখ ঢাকিল

ললিত। তার আগে নয় ?

লিলি। না, না।

ললিত তাহার পিছনে বসিল, তাহার পিঠে হাত
বুলাইতে লাগিল।

স্বামী-স্ত্রী

ললিত। তুমি কাঁদচ কেন ?

লিলি। তুমি আমায় কেবলই কাঁদাও কেন ? ওঁরা কি মনে করবেন, বল ত ?

ললিত। কারা ?

লিলি। মা আর বাবা !

ললিত। কে তাঁদের বলবে ?

লিলি। কেঁদে কেঁদে আমার চোখ লাল হবে। দেখেই বুঝবেন আমি কাঁদছিলুম।

ললিত। সারা জীবন ধরে কাঁদবার চেয়ে দু-চার ফোঁটা চোখের জল ফেলে বিষয়টার মীমাংসা এখনই করে ফেলা ভালো নয় কি ?

লিলি। কী আমি করিচি বলতে পার ?

ললিত। তুমি আমায় বিয়ে করেচ কিন্তু আমায় ভালোবাসনি। কী যে তুমি করেচ, তাও তুমি বোঝনি। তাই তোমাকে কাছে পেয়েও আমি তোমাকে আপন করতে পারলুমনা। আর তা পারলুমনা বলেই স্নেহের বদলে দুঃখই পেলুম, ভবিষ্যতের জন্তও সঞ্চয় করে রাখলুম নিরাশার বেদনা।

লিলি। সবই আমার দোষ ?

ললিত। না দোষ তোমার নয়, আমার। আমিই বোকার মত ভেবেছিলুম আমার ভালোবাসা দিয়ে তোমারো ভালোবাসা জাগাতে পারব। কিন্তু আমি তা পারিনি। আমি নিজেকে প্রকাশ করতে পারিনি। ফ্রটি আমার সর্বত্রই রয়ে গেছে। আজ...

লিলি। বল, আজ...

ললিত। আজ সমস্ত শক্তি দিয়ে শেষ চেষ্টা আমি করে দেখব।

ললি। শেষ চেষ্টা!

ললিত। হাঁ, নিজেকে বোঝাবার শেষ চেষ্টা। ললি! ললি!

ললি। বল, আমি শুনচি।*

ললিত। আমি বুঝিয়ে বলতে পারচিনা আমি তোমাকে কত ভালবাসি!

ললি। ভালো যদি বাসতে তাহ'লে কি আমাকে তুমি ব্যাথা দিতে পারতে? .

ললিত। কিন্তু এতে ব্যথা পাবার কি আছে? দু'দিনের জন্ত, শুধু দু'দিনের জন্ত, তুমি আমার সঙ্গে যাবে। আমার এই অম্লরোধটুকু রাখলেই আমি খুশী হব, ভবিষ্যতে অনেক কিছু পাবার আশা নিয়ে ন্দে দিন কাটাতে পারব। বল, ললি, বল তুমি যাবে।

ললি ধীরে ধীরে উঠিয়া দাঁড়াইল।

ললি। না, আমি যেতে পারব না।

ললি আর অপেক্ষা না করিয়া সোজা ডাইনিং হলের দিকে চলিয়া গেল। ললিত বাহুগলের মাঝে মাঝে গুঁজিয়া বসিয়া রহিল, মিনতি প্রবেশ করিল। ধীরে ধীরে আসিয়া ললিতের পিছলে দাঁড়াইল।

মিনতি। তোমার কমল-কলি কি আজও ফুটল না?

ললিত মাথা তুলিয়া চাহিয়া দেখিল।

ললিত। না মিনতি। আমার অম্লরাগে সে তাপ নেই, যার স্পর্শে হুঁড়ি ফোটে!

স্বামী-স্ত্রী

মিনতি । দুঃখের কথা ।

মিনতি ফিরিয়া যাইতে উত্তত হইল ।

ললিত । মিনতি !

উঠিয়া গিয়া তাহার হাত ধরিল ।

তুমিই পার মিনতি, শুধু তুমিই পার ।

মিনতি । কি পারি বলে তোমার মনে হয় ?

ললিত । আমার ওই কমল-কলি তুমিই ফুটিয়ে তুলতে পার ।

মিনতি । পারলেই বা আমি তা করব কেন ?

ললিত । তুমিই ত করবে । তোমার দয়া আছে, মায়া আছে, অপরের জন্যে স্বার্থত্যাগের শক্তি আছে । আর—

মিনতি । বল আরো কি বড় বড় কথা শুনিয়া আমাকে ফুলিয়ে ফাঁপিয়ে তুলতে চাও ?

ললিত । আর এই বিয়ের ব্যাপারে তোমারও অনেকখানি দায়িত্ব রয়েছে ।

মিনতি । আমার দায়িত্ব !

ললিত । তোমারও দায়িত্ব রয়েছে বৈকি ! লিলিকে লক্ষ্য রেখে তোমাকে উপলক্ষ্য করে আমি বা বলতুম, তা যদি তুমি লিলির কাছে পৌঁছে না দিতে তাহলে লিলি হয়ত আজও কুমারী থাকত ।

মিনতি । তোমার সেদিনকার সে ছলনা ধরতে পারিনি বলেই কি আজ তোমার বিবাহিত জীবনে সুখ-শান্তি এনে দেবার দায়িত্ব আমাকেই নিতে হবে ?

ললিত । লিলি বিয়ের জন্যে আদৌ তৈরি ছিল না । বিবাহিত

জীবনের স্বতন্ত্র ব্যবস্থার জ্ঞান আজও সে তৈরি নয়। তুমি তাকে তৈরি করে দাও মিনতি। তার বাপ-মায়ের স্নেহের নাগ-পাশ থেকে মুক্ত করে আমি যাতে তাকে আমার স্ত্রীর আসনে বসাতে পারি, তারই ব্যবস্থা তুমি কর।

মিনতি। স্নেহের বাঁধনকে নাগ-পাশের সঙ্গে তুলনা করে স্নেহের অমর্যাদা তুমি কোরো না।

ললিত। কিন্তু বাপ-মায়ের যে স্নেহ স্ত্রীকে তার স্বামীর কাছ থেকে দূরে টেনে রাখে, সে স্নেহকেও তুমি মর্যাদা দিতে চাও মিনতি? ওই স্নেহের খরস্রোতেই ওর অন্তরে ভালোবাসার অঙ্কুর গজাতে পারচে না। তুমি ওকে শুধু ওর বাপ-মার কাছ থেকে দূরে সরিয়ে গেনে আমার হাতে সঁপে দাও।

মিনতি। আমি?

ললিত। আমার এই উপকারটুকু তুমি করবে না?

মিনতি। না।

ললিত। কেন করবে না? তুমি ত তাকে ভালোবাস।

মিনতি। বাসি। কিন্তু এ কাজ...

ললিত। এ কাজ একা তুমিই করতে পার মিনতি। তুমি ঠিক আমাদের মত নও। তুমি সহজেই মানুষের অন্তর স্পর্শ করতে পার... ভালোবাসা দিয়ে সবাইকেই তুমি জয় করতে পার।

মিনতি। চুপ্! চুপ্! ও-সব কথা আর বোলো না।

ললিত। বল, তুমি তা করবে?

মিনতি। আমি পারব না, লিলির মনে আমি ভালোবাসা জাগিয়ে তুলতে পারব না।

স্বামী-স্ত্রী

ললিত। কেন পারবে না? চেষ্টা কেন তুমি করবে না মিনতি?
বল। তোমাকে বলতেই হবে।

মিনতি। বলো তুমি বুঝবে না।

মিনতি যেন জবাবদিবার জগ্মমুখ ফিরাইল। কিন্তু কোন
কথা না বলিয়া দ্রুত ঘর হইতে বাহির হইয়া গেল।

এটা এই বাড়ীর দোষ। এ বাড়ীতে মানুষ বাড়তে পাবে না, নিজেকে
প্রকাশ করতে পারবে না। মানুষের কথা কেউ এখানে শুনবে না, কেউ
বুঝবে না মানুষের ব্যথা। *

মিনতি আবার আসিয়া দরজার কাছে দাঁড়াইল।
এই যে মিনতি আবার এসেচ! ছাথ দাঁড়িয়ে কেমন করে এ-বাড়ীর সব
নিয়ম-কানুন শৃঙ্খলা আমি ভেঙ্গে ফেলি। ওই টেবিলটা ওই কোনেই
কেন অচল থাকবে?

ছুটিয়া টেবিলের কাছে যাউয়া সেটাকে টানিয়া
সরাইয়া রাখিল।

এই কৌচখানা কেন রোজ রোজ এক ভাবেই এখানে পড়ে থাকবে।

ছুটিয়া কৌচখানিকে সরাইয়া দিল। চাতিয়া ঘরটা
ভালো করিয়া দেখিল তারপর কয়েকখানি চেয়ারের
কাছে গিয়া এক একখানি করিয়া ফেলিয়া দিতে
লাগিল।

এই চেয়ারগুলো সৃষ্টির আদি থেকেই যেন এখানে রয়েছে। মানুষকে
চলতে দেয় না, নড়তে দেয় না, পঙ্গু করে রাখে। আমি দূর করে ফেলে
দেব এসব। এগ্নি করে, এগ্নি করে...

ঘরের মাঝখানে দাঁড়াইয়া

এক বছর, জান-মিনতি, এক বছর তোমাদের এই পাপ-দুরীতে বাসা
বৈধেচি। এই এক বছর আমি ভালো করে নিজের পায়ের শব্দও শুনিনি,
নিজের কণ্ঠস্বরও যেন আমি ভুলে গেছি। এরা সবাই চুপি চুপি কথা
কয় আর বসে বসে কাঁসে। আজ আমি সব নিয়ম বদলে দিলুম, তোমার
মেসোর সব ডিসিপ্রিন ভেঙে ফেল্লুম, আজ আমি মুক্ত, আমি মুক্ত!

সহসা থামিল। ডাইনিং হলের দরজায় মিঃ দাস,
মিসেস দাস, লিলি আসিয়া দাঁড়াইল। মিনতি
সরিয়া গেল।

মিসেস দাস। ললিত! ললিত!

ললিত। আমায় বলচেন?

মিঃ দাস। এটাকে কি বাংলা থিয়েটারের স্টেজ মনে করেচ?

লিলি। এ-সব কি করেচ, তুমি!

ললিত। একটুখানি আমোদের আয়োজন লিলি।

মিসেস দাস। জিনিষপত্রের সব এমন ওলট-পালট করলে কেন?

ললিত। পরখ করে দেখলুম শক্তি এখনো অবশিষ্ট আছে কি না।

মিঃ দাস। অমন করে চোঁচাচ্ছিলে কেন?

ললিত। পরখ করে দেখলুম আমি বোবা হয়ে গেছি কি না।

মিসেস দাস। কাছেই একটা বন আছে দরকার হলে সেখানে
গিয়ে গলা সেধো।

মিঃ দাস। পাশেই একটা মাঠ আছে দরকার হলে সেখানে গিয়ে
আত্মত্যাগ কোরো।

স্বামী-স্ত্রী

ললিত। তার আর দরকার হবে না। আমি বুঝিচি, আমি বেঁচে আছি, এখানকার শৃঙ্খলার শৃঙ্খল পরেও আমি বেঁচে আছি। কিন্তু আমি ছিঁড়ব, ছিঁড়ব এই বান্ধন !

ললি। তুমি কি ক্ষেপে গেলে ?

ললিত। এখনো একবারে যাইনি, কিন্তু শিগ্গীরই যাব।

মিসেস দাস। কি হয়েছে তাই তুমি বল না।

ললিত। আমি তা বলে বোঝাতে পারব না।

ললি। দেশের কোন চিঠি এসেছে নাকি ?

মিসেস দাস। 'থারাপ থপর কিছু ?'

ললিত। না, না, সে সব কিছুই নয়।

ললিত কিছুকাল ঘরের মাঝে পায়চারি করিয়া
একখানি কোচে বসিয়া পড়িল। মিসেস দাস তাহার
কাছে গিয়া দাঁড়াইলেন।

মিসেস দাস। ললিত ! What ails you, my boy ?

ললিত। Nothing, sir, nothing !

উঠিয়া অকৃত্রিমক যাইতেছিল। মিসেস দাস তাহার
সাথে গিয়া দাঁড়াইলেন।

মিসেস দাস ! ললিত, বাবা, আমি তোমার মা...

ললিত। মানলুম। বলুন কি করতে হবে।

মিসেস দাস। তোমাকে বলতে হবে তোমার কি হয়েছে।

ললিত সেঃ হইয়া মুখোমুখি দাঁড়াইল।

ললিত। সত্যিই শুন্তে চান ?

মিঃ দাস। আমরা সকলেই শুন্তে চাই।

ললিত। বেশ! শুনুন তবে বলি। আপনাদের এখানে থেকে আমি সুখী নই।

মিসেস দাস। সেকি কথা! এই ত সেদিন তোমাদের বিয়ে হেলো।

মিঃ দাস। তুমি সুখী নও, সেই কথাটি বোঝাতে এত কাণ্ড তোমায় করতে হোলো? টেবিল চেয়ার সব উল্টে দিতে হোলো? You have a very odd way of showing your temper, my boy!

ললিত। মাঝে মাঝে এই ভাবেই বিদ্রোহ করতে আমার ইচ্ছে হয়, ইচ্ছে হয় সব কিছু এগ্নি করেই ওলট-পালট করে দি। *

মিঃ দাস। সদিচ্ছা সদ্বেদহ নেই। কিন্তু কথাটা আর একটু খোলসা করে কি বলা চলে না?

ললিত। অনেকদিনই ভেবেচি কথাটা আপনাদের বলব।

মিসেস দাস। কেন বলনি বাবা?

ললিত। সাহস পাইনি।

মিসেস দাস। কেন আমরা কি তোমার সঙ্গে খারাপ ব্যাভার কিছু করিচি?

ললিত। না। You are much too good to me. বড় বেশী আদরে রেখেচেন।

* কৌচে আসিয়া দুই হাতে মাথা চাপিয়া ধরিয়;
বসিয়া রহিল।

স্বামী-স্ত্রী

মি: দাস। And so you are playing the part of a naughty boy ? য্যা ?

লিলি। ভেবেচ, বাবা তোমাকে বকবেন ?

মিসেস দাস। উনি কাউকে কখনো বকেন না।

ললিত। আপনারা আমার কথা বুঝতে পারছেন না। আপনারা আমায় আদর দিয়ে দিয়ে নষ্ট করছেন। আপনাদের কৃপায় না চাইতেই সব আমি পেয়েছি...

মি: দাস। আমাদের সে কাজটা বোধ হয় খুবই অন্ডায় হয়েচে ?

ললিত। অন্ডায় আপনাদের নয়, অন্ডায় আমার। আমারই অন্ডায় যে নিজেকে আমি আপনাদের কৃপার পাত্র করে রেখেছি, নিজের শক্তি দিয়ে নিজেকে প্রতিষ্ঠিত করবার চেষ্টা করিনি, নিজের আশা-আকাঙ্ক্ষা পূর্ণ করবার ভুল জীবনের পথে আজও আমি পা বাড়াইনি।

মি: দাস। Dear me ! what do you want, if you please ?

ললিত। আমি কাজ চাই, খ্যাতি চাই, প্রতিপত্তি চাই।

মি: দাস। Really !

ললিত। যা বললুম তার একবর্ণও মিথ্যে নয়।

মি: দাস। What a foolish idea ! এস মা লিলি, আমাদের এখানে থাকবার দরকার নেই।

লিলি। বাবা !

মি: দাস। Nothing serious, darling.

লিলি। নিশ্চিত কেউ ওকে এই কুবুদ্ধি দিয়েচে, বাবা।

ললিত । জান, কে এই কুবুন্ধি জাগিয়েচে ?

লিলি । কে !

ললিত । তুমি ।

লিলি । আমি !

ললিত । হাঁ, তুমি !

মিঃ দাস । Look here sir ! What you need is a big dose of bromide to get your nerves cooled ! That's my opinion.

ললিত । Most respectfully I beg to differ, sir !

মিঃ দাস । How dare you contradict me !

প্রবলবেগে কাসিতে লাগিলেন

লিলি । বাবা ! বাবা !

মিসেস দাস । (ললিতকে) ঘাথ কি করলে তুমি ।

ললিত । I am sorry, sir.

মিঃ দাস । তুমি জান এ বাড়ীতে কখনো কেউ আমার কোনো কথা প্রতিবাদ করেনি, আমার মুখের ওপর কথা বলতে কেউ কখনো সাহস পায়নি ।...

ললিত । আমি ত ঠিক এ বাড়ীর লোক নই ।

মিঃ দাস । এ বাড়ীর লোক নও ! Do you mean to say you are a stranger here ! আমরা তোমাকে আমাদের সর্বস্ব দিলুম—

মিসেস দাস । স্নেহ দিলুম, ভালবাসা দিলুম, আমাদের চোখের মণি এই লিলিকে দিলুম...

ললিত । সবই দিয়েছেন কিন্তু নিষেচেন কি জানেন ? আপনারা

স্বামী-স্ত্রী

আমার স্বাধীনতা নিয়েছেন, শক্তি নিয়েছেন, কর্মপ্রবৃত্তি কেড়ে নিয়েছেন। আপনারা আমাকে একেবারে রিক্ত করে রেখেছেন। তাই আপনাদের সর্বস্ব পেয়েও আমি আজ সর্বহারা। স্ত্রী ভালবাসেনা, বন্ধু বিশ্বাস করে বিপদে সাহায্য করে না, আত্মীয়স্বজন করে পরিহাস—আর আমি নিজেকে ভুলে, নিজের কর্মশক্তি হারিয়ে পঙ্গুর মত আপনাদের এখানে পড়ে রয়েছি।

মিঃ দাস। কি করতে চাও তুমি?

ললিত। আমি কাজ করতে চাই।

মিসেস দাস। কোন্‌ ছুঁথে তুমি চাকরি করবে, বাবা?

ললিত। চাকরি করব না, ব্যবসা করব।

মিঃ দাস। মুদির দোকান, না বিড়ির দোকান?

ললিত। আপনি ভুলে যাচ্ছেন আমি এঞ্জিনিয়ার।

মিঃ দাস। এঞ্জিন চালাবে? মালগাড়ীর, না প্যাসেঞ্জার ট্রেনের? য্যা?

ললিত। আমি শিবপুর কলেজ থেকে সসম্মানে এঞ্জিনিয়ারিং পাশ করিছি।

মিঃ দাস। ত্যালাপোকার তাই পাখী হবার সখ হয়েছে। কিন্তু সে সখ মেটাবে কেমন করে? এখানে ত দেখতে পাচ্ছ চারিদিকে বন আর মাঠ, দূরে ছ'চারটে পাহাড়। এখানে তোমার এঞ্জিনিয়ারিং বিদ্যের পরিচয় কি করে দেবে?

ললিত। এলাহাবাদে আমার মানার একটা মাইন আছে। আমি সেই মাইনের ভার নোব।

মিঃ দাস । Wirelessএ কাজ চালাবে নাকি ?

ললিত । মানে ?

মিঃ দাস । এখানে বসে এলাহাবাদের ব্যবসা চালাবে কি করে ?

ললিত । আমি এলাহাবাদেই যাব ?

মিসেস দাস । তুমি বলচ কি ললিত !

ললিত । মনে মনে যা আমি স্থির করিচি ।

মিঃ দাস । লিলির কথা ভেবেচ ?

ললিত । লিলিও আমার সঙ্গে যাবে !

মিঃ দাস । লিলি তোমার সঙ্গে যাবে !

মিসেস দাস । দস্যুর মত তুমি আমাদের • মেয়েকে কেড়ে নিতে চাও !

ললিত । আপনারা ভুলে যাচ্ছেন লিলি আপনাদের মেয়ে হলেও আমার স্ত্রী ।

মিঃ দাস । But Lily is not your slave.

মিসেস দাস । তার ইচ্ছার বিরুদ্ধে তাকে তুমি নিয়ে যেতে পার না ।

ললিত । Are you of the same opinion, sir ?

মিঃ দাস । No. The law has given you that right, I believe.

ললিত । I hope you will not push the matter to such an extreme.

মিসেস দাস । লিলিকে আমরা ছেড়ে দিতে পারব না ।

ললিত । ধরে রাখলে তারই ক্ষতি করবেন ।

স্বামী-স্ত্রী

মিঃ দাস। লিলির ক্ষতি করব আমরা! You are crazy, man! You are crazy.

মিসেস দাস। লিলির ভালো-মন্দ আমরা বুঝিনে!

ললিত। দেখুন, কথাটা আপনারা কেন বুঝতে পারছেন না জানি না। আপনারাও চান লিলি সুখে থাক! আমিও তাই চাই।

লিলি। সেই জন্যই কি তুমি আমাকে আমার মায়ের কোল থেকে কেড়ে নিতে চাও?

মিঃ দাস। এ দেখছি মোল্লার মূর্গা পোষা!

ললিত। Please don't misunderstand me!

মিসেস দাস। মেয়েকে পর করে দেবার জন্তে আমরা তার বিয়ে দিইনি।

ললিত। বিয়ে কেন দিয়েছেন, তাই ভেবে দেখুন। বিয়ে দিয়েছেন সে সুখী হবে বলে। কিন্তু আপনারা কি বিশ্বাস করেন যে স্ত্রী স্বামীকে ভালো না বেসে সুখী হ'তে পারে?

মিঃ দাস। What do you mean, sir?

ললিত। লিলি আমাকে ভালোবাসতে পারে নি, ভালোবাসতেই সে শেখেনি। আপনারা ভানেন না কিন্তু মিনতি জানে।

মিসেস দাস। মিনতি আবার ভালোবাসার কি জানে? নিজেকে সে কাউকে ভালোবাসে না। একটি নয়, দুটি নয়, কত ভালো ভালো ছেলের সঙ্গে আমরা তার পরিচয় করিয়ে দিলুম, কারও জন্য সে জ্বল করতে পারল না। এই তোমারই সঙ্গে তার, লিলির আগেই, আলাপ হয়েছিল। পারলো তোমাকে ভালোবাসতে!

স্বামী-স্ত্রী

ললিত। মিস্ত্রির ওপর আপনি অবিচার করছেন !

মিসেস দাস। আমার বোনের মেয়ে। খাইয়ে পরিয়ে লেখা-পড়া শিখিয়ে আমি তাকে মানুষ করলুম আর আমি করব তার ওপর অবিচার ! মিনি ! মিনি !

মিনতি প্রবেশ করিল

কী তুমি লাগিয়েচ ললিতের কাছে ?

মিনতি। তুমি কি জ্বালন্তে চাও মাসিমা ?

মিসেস দাস। তুমি ললিতকে বলেচ ললি তাকে ভালোবাসে না ?

ললিত। মিনতি কখনো তা বলেনি।

মিসেস দাস। ওকেই বলতে দাও। মিনতি !

ললি। মিনিদি !

মিঃ দাস। মিনি !

মিনতি একে একে সকলের মুখের দিকে চাহিয়া দেখিল

মিনতি। আমি কাউকে কিছুই বলিনি। তবে আমি জানি...

মিসেস দাস। বল কি জান ?

মিনতি। আমি জানি...

ললি। কী তুমি জান মিনিদি ?

মিনতি। জানি যে তোমরা স্ত্রী নও।

ললি মুখ দূরাইয়া দাঁড়াইল

ললিত। তুমি যা জেনেচ তাই সত্য মিনতি।

মিনতি কোন কথা না বলিয়া চলিয়া গেল

স্বামী-স্ত্রী

মিঃ দাস। মিনতি মিথ্যে কথা বলে না, আমি জানি।

ললিত। মিনতি জানে লিলি আমায় ভালোবাসে না।

মিঃ দাস। লিলি!

লিলি মুখ ফিরাইল

লিলি। ওর মাথায় কে যেন তাই ঢুকিয়ে দিয়েছে বাবা।

ললিত। ভালোবাসা কাকে বলে লিলি তা জানে না। আর যত দিন এ বাড়ীতে থাকবে ততদিন তা জানবেও না।

মিঃ দাস ও মিসেস দাস। কেন?

ললিত। লিলি শুধু আপনাদেরই ভালোবাসে।

মিঃ দাস। Good God! Are you jealous of us?

মিসেস দাস। এমন কথা জীবনে আমি কখনো শুনিনি।

ললিত। শোনেননি বলেই তা মিথ্যে বলে উড়িয়ে দেবেন না। আপনাদের আমি ভক্তি করি, শ্রদ্ধা করি। আপনাদের স্নেহ পেয়ে আমি ধন্য, আপনাদের পরিবারে স্থান পেয়ে আমি গৌরবান্বিত। আর এসব আমি পেয়েছি লিলিকে বিয়ে করবার ফলেই।

মিসেস দাস। দেখচ, তুমি তা অস্বীকার করতে পারচ না।

ললিত। সবই পেয়েছি কিন্তু পাইনি লিলির ভালোবাসা। আমার কাছে লিলির কোন দাবিই নেই, আমার থাকা না থাকার কোন অর্থও নেই তার কাছে। সে চায় শুধু আপনাদেরই সুখী করতে আমাকে নয়। আমি দেন তার খেলার পুতুল। খেলে সে আমোদ পাবে বলে আপনারা আমাকে তার হাতে তুলে দিয়েছেন। পুতুলকে যতটুকু আদর করা চলে,

সে আমায় ততটুকুই আদর করে। অতিরিক্ত কিছু সে আমায় দেয় না, আপনারাও তাকে তা দিতে দেন না।

মিঃ দাস। Ridiculous !

ললিত। আমার অনুরোধ কথাটা এমন করে উড়িয়ে দেবেন না। লিলিকে আপনারা বাড়িতে দেননি, কচি খুকিটাই রেখেছেন। খুকীরা চকোলেট খেতে পারে, পুতুল নিয়ে খেলতে পারে, নেচে-গেয়ে আনন্দও দিতে পারে—কিন্তু স্ত্রী হতে পারে না।

লিলি বাহির হইয়া গেল

মিসেস দাস। বিয়ের আগেও ত তুমি লিলিকে জাস্তে। জেনেই ত তাকে বিয়ে করেছিলে।

মিঃ দাস। বিয়ের আগে বার বার তোমাকে আমি সাবধান করে দিইনি, বলিনি এখনও ও ছেলেমানুষ রয়েছে।

মিসেস দাস। একদিন তুমিই কি বলনি, 'ওর জীবন একটা স্বপ্ন, কঠোর আঘাত দিয়ে তা ভেঙ্গে দেওয়া কার উচিত নয়।

ললিত। বিয়ের আগে যে দৃষ্টি দিয়ে ওকে দেখতুম, বিয়ের পর সে, দৃষ্টি দিয়ে ওকে দেখতে পারিচিনা বলেইত আমার এই অভিযোগ। তখন ওকে প্রথম প্রভাতের মতই, সুন্দর বলে মনে হতো, তাই ধ্যান মগ্নের মতই দূরে বসে আমি ওকে দেখতুম। আমার কল্পনায় ও ছিল তখন চির-কিশোরীর এক অপক্লপ মূর্তি! বাস্তবের ঘটনা আমার কল্পনার সেই মূর্তিকে রূপান্তর দান করেছে। কুমারী কিশোরী আজ স্ত্রী হয়েছে। তাই আমারও, তাঁর স্বামীরও, অন্তর জেগেচে তাকে আপন করবার এক দুর্জয় বাসনা। আমার স্ত্রীকে আমি একেবারে নিজস্ব করে পেতে

স্বামী-স্ত্রী

চাই, চাইনা যে তার মেহে তার ভালোবাসায় ভাগ বসাতে আর কেউ আমাদের মারুখানে থাকে।

মিঃ দাস। লিলিকে এত ভালোবেসেও তুমি স্মৃথী নও।

ললিত। আমার এ ভালোবাসা একেবারে নিরর্থক হয়ে যাবে যদি লিলিকে আমি হাত ধরে ঠিক পথে নিয়ে যেতে না পারি। আমি যদি তা না করি তাহলে আমি আমার নিজের ক্ষতি করব, লিলির ক্ষতি করব, হয়ত আপনাদেরও ক্ষতি করব। আপনাদের এখানে থাকতে হচ্ছে বলেই লিলি আপনাদেরকেই তার সর্পস্ব বলে মনে করে। কিন্তু আপনারা যখন আর বেঁচে থাকবেন না, তখন? তখন কাকে সে আশ্রয় করবে, যদি আজ থেকেই তার স্বামীকে আপন বলে জান্তে বুঝতে না পারে! এ বাড়ীতে থাকলে তা সে জানবেও না, বুঝবেও না।

সকলেই চুপ করিয়া রহিল। কেহ কোন কথা কহিল না।

মিঃ দাস। ললিত তুমি শুধু তোমাদের কথা ভাব। তুলে যাচ্ছ যে চার চারটি সন্তান পর পর এসেচে আর মৃত্যু একে একে তাদের ছিনিয়ে নিয়ে গেছে। লিলি আমাদের শেষ সন্তান!

মিসেস দাস। সব শেষে পাওয়া বলেই ও আমাদের বড় আদরের।

মিঃ দাস। বড় দুঃখের পর ওকে আমরা পেয়েছি, ললিত।

মিসেস দাস। তাই বুঝে মৃত্যুও ওকে কেড়ে নিতে হাত বাড়ায়নি।

মিঃ দাস। মৃত্যুর চেয়েও কি তুমি কঠোর, ললিত?

মিসেস দাস। চেয়ে ছাথ ললিত, লিলি কঁদাচে!

মিঃ দাস। আমাদের সাথে দাঁড়িয়ে আমাদের মেয়েকে তুমি কঁদাও ললিত!

লিলি। আমি কীদিন!

ললিত। আজ যদি আমার ইচ্ছেমত কাজ ও না করে, তাহলে সারা জীবনই ওকে কেঁদে কাটাতে হবে।

মিঃ দাস। এ বাড়ীতে কোনদিন কেউ কারু সঙ্গে কখনো কঠোর ব্যবহার করেনি। আমার মনে হচ্ছে আমি যেন একটা দুঃস্বপ্ন দেখছি। সেই দুঃস্বপ্ন ভেঙ্গে দেবার জন্য এত চেষ্টা করছি, কিন্তু কিছুতেই পারছি না। আমি পারছি না।

বলিয়া থানিকটা ঘুরিয়া বেড়াইলেন তারপর ললিতের সন্মুখে আসিয়া দাঁড়াইয়া বলিতে লাগিলেন।

শোন ললিত, আমার মেয়েকে তোমার হাতে সঁপে দেবার সময় তোমার কাছে কোন প্রতিশ্রুতিই আমরা চাইনি। আমরা তোমাকে সাদরে আমাদের মাঝে গ্রহণ করেছি, তোমার অর্থের অভাব ঘুচিয়েছি, ভবিষ্যতেও যাতে তুমি স্বচ্ছল অবস্থায় দিন কাটাতে পার, তারও ব্যবস্থা করিছি। আমরা আশা করেছিলুম বিনিময়ে আমরা তোমার কৃতজ্ঞতা পাব, তোমার ভালোবাসা পাব, অন্তত থানিকটা শ্রদ্ধাও পাব। কিন্তু তোমার ব্যবহারে মনে হচ্ছে তুমি যেন দুর্যোগ-রাতের অকৃতজ্ঞ এক অতিথি। কোথাও ঠাঁই না পেয়ে আমাদেরই রুদ্ধদারে এসে আশ্রয় করলে। আমরা দোর খুলে দিলাম, আশ্রয় দিলাম, সেবা দিলাম। আর সকালে উঠে দেখলাম তুমি চলে গেছ, বাড়ীর সব চেয়ে মূল্যবান সম্পত্তি নিয়ে আমাদের আশ্রিত্যের অবমাননা করে তুমি উধাও হয়েচ। তোমার হাতে আমাদের স্নেহের পুতুল, নয়নের মণি, একমাত্র সম্ভ্রান্তকে সঁপে দিলাম—তোমার হাতে, সদয়হীন কৃতজ্ঞতাবিহীন একটা অপদার্থের হাতে!

স্বামী-স্ত্রী

ললিত। আমি বুঝতে পারিনি যে মেয়েকে তার স্বামীর সঙ্গে পাঠাতে আপনারা এমন বিচলিত হবেন। কিন্তু আপনারা ব্যথা পাচ্ছেন নলেই যদি আমি আজ একথা চাপা দি, তাহলে আমাদের বিবাহিত জীবন যেমন ব্যর্থ হবে, তেমনি ব্যর্থ হয়ে যাবে আমাদের এতদিনকার বন্ধুত্বের প্রীতি। আমরা সবাই ব্যথা পাচ্ছি আর তা পাচ্ছি বলেই এই আলোচনা আজকেই আমাদের শেষ করে ফেলা উচিত।

মিসেস দাস। তুমি আমাদের একটুও সময় দেবে না ?

ললিত। যত বেশী সময় নেবেন, তত বেশী ব্যথা পাবেন। আজই, এখনই এ আলোচনা শেষ করতে হবে।

মিঃ দাস। ললিত, হয়ত তুমি যা বলচ তা সবই সত্য। হয়ত তোমার যাওয়াই উচিত। লিলিকে সঙ্গে নিয়েই যাওয়া উচিত। স্বামীর অধিকার থেকে তোমাকে বঞ্চিত করতে আমি পারি না। তাই আমার কোন জোর নেই। কিন্তু ভিক্ষের অধিকার ত সবারই থাকে। কখনো কারু কাছে আমি কিছু চেয়ে নিইনি। আজ তোমার কাছে আমি ভিক্ষে চাইচি আমার মেয়েকে। তুমি দয়া কর ললিত, দয়া করে আমাদের মেয়েকে কেড়ে নিয়ো না। আমি, লিলি, লিলির মা, আমরা কেউ তা সহিতে পারব না।

ললিত। অমন করে ও-কথা আপনারা বলবেন না। আপনাদের ব্যথায় গলে আজ যদি আমি সঙ্কল্প হারাই, তাহলে চাঁপকালের জন্তে লিলিকেও আমি হারাব। আপনারা প্রসন্ন মনে লিলিকে আমার সঙ্গে যেতে দিন।

মিসেস দাস। না, না, লিলি যাবে না, আমরা তাকে যেতে দোব

না। তুমি যদি সত্যিই লিলিকে ভালোবাসো তাহলে লিলির পাশে, এইখানেই, আমাদের এই বাড়ীতে তুমি থাকবে।

লিলি। এইখানেই আমি থাকব মা। মৃত্যু ছাড়া কেউ আমাকে ছিনিয়ে নিতে পারবে না।

মাকে জড়াইয়া ধরিল, ললিত অশ্রুদিকে মুখ ফিরাইল। কিছুকাল কেহ কোন কথা কহিল না।
মিঃ দাস অনেকক্ষণ মাথা নীচু করিয়া বুরিয়া বেড়াইলেন। তারপর যেন আপন মনেই কহিলেন

মিঃ দাস। না। বিয়ের দাবীকে আমরা ব্যর্থ করে দিতে পারি না।
স্ত্রী স্বামীর সহচরী, সহধর্মিণী, স্বামীর পাশেই তার স্থান।

ইজিচেয়ারে শুইয়া চোখ বুজিয়া বলিলেন,
ললিত, যখন ইচ্ছে, যেখানে ইচ্ছে লিলিকে নিয়ে তুমি যেতে পারো।

লিলি। বাবা তুমিও এই কথা বলচ ?

মিঃ দাস। বলতে বুক ফেটে যাচ্ছে মা, তবুও বলচি। স্বামীর
সঙ্গে স্বামীর ঘরেই তুমি যাও।

মিঃ দাস ঘর হইতে বাহির হইয়া গেলেন

লিলি। মা গো!

মায়ের কাছে মাথা রাখিল

মিসেস দাস। চল মা, আমরা গুর কাছেই যাই।

লিলিকে লইয়া চলিয়া গেল। তাহার চলিয়া
যাইবার পর ললিত দু-বাহু উক্কে তুলিল

ললিত। মুক্ত! মুক্ত আমি!

স্বামী-স্ত্রী

• মিনতি প্রবেশ করিল

ললিত। মিনতি, তোমার সাহায্য না নিয়েও লিলিকে আমি জয় করব।

মিনতি। যে কুঁড়ি আপনি ফোটে না, জোর করে তাকে ফোটানো যায় না।

ললিত। তাই নাকি মিনতি দেবী!

মিনতি। এরই মাঝে পরিচাস বন্ধু?

ললিত। শেষ দেখবার জন্য নিমন্ত্রণ রইল। শুধু যাবার আগে তার কোরো।

মিনতি। ধন্যবাদ! কিন্তু লিলি গেলে আনাকেও যে যেতে হবে, এ-কথা তোমার কেন মনে হয়নি?

ললিত। তোমাকেও যেতে হবে! কেন?

মিনতি। নইলে তোমার ওই কমল-কলি কে ফুটিয়ে তুলবে?

দুই হাতে ললিতের দুই কাধ ধরিয়া তি-তি করিয়া
হাসিতে লাগিল। দ্রুত যবনিকা পড়িল

দ্বিতীয় অঙ্ক

লোকালয়ের বহু দূরে এক বনানীর একটা অংশ। বড় বড় গাছ আকাশে মাথা তুলিয়া দাঁড়াইয়া আছে। লতা-গুল্মেরও অভাব নাই। ছোট-ছোট প্রস্রুত ও উত্প্রস্রুত দেখা যাইতেছে। সেই বনের মাঝ দিয়া একটি রাস্তা চলিয়া গিয়াছে। একখানি মোটর দাঁড়াইয়া রহিয়াছে। মঞ্চের পুরোভাগে একটি মোটা গাছের গুঁড়িতে ঠেস দিয়া মিনতি বসিয়া আছে।* একটি ফার-কোট গায়ে দিয়া লিলি বঙ্ক-পারিসর স্থানে দ্রুত পায়চারি করিতেছে। মোহন মোটরের এঞ্জিন দেখিতেছে। মোহনের বয়েস দেখিয়া মনে হয় বাইশ তেইশের বেশি হবে না, সুন্দর যুবক। একটা আগুনের ধুঁি জ্বলিতেছে। চাঁদের আলোয় বন প্রাণিত।

মোহন এঞ্জিন দেখিতে দেখিতে

মোহন। দোষ আমারই।

লিলি দ্রুত তাহার দিকে ঘুরিল

লিলি। বার বার ওই একই কথা কেন বলচ, বলত !

মোহন। কল-কল্ল। সম্বন্ধে কিছুই না জেনে গাড়ী চালানো সত্যিই একটা অপরাধ।

মাথা তুলিয়া কহিল

লিলি। Rubish !

‡

আবার পায়চারি করিতে লাগিল

মিনতি। ড্রাইভ করতে তুমি ত বেশ পার, মোহন !

স্বামী-স্ত্রী

মোহন। তাই কি ছাই ভালো পারি ?

মিনতি। বেশ পার। Go ahead !

মিনতি অশ্রুদিকে মুখ ঘুরাইল। লিলি দ্রুত তাহার
কাছে অগ্রসর হইল

লিলি। What do you mean to say মিনিদি ?

মিনতি। মোহন ছেলেমানুষ, বাবড়ে গেছে। তাই ওকে একটু
উৎসাহ দিলুম।

লিলি। তোমার বর্ণে ব্যঙ্গের সুর কেন ?

মিনতি। কই, না ত !

লিলি। আমি কি এতই বোকা, মিনিদি ?

মিনতি। কী করলে বলত মোহন। বনে বাঘ-ভল্লুকও ত থাকতে
পারে।

মোহন। না, না, বাঘ-টায় এদিকে বড় দেখা যায় না।

লিলি। আর থাকলেই বা কি করচি বল !

মিনতি। নাঃ, করবার কিছু নেই, কিন্তু ভাববার আছে অনেক।
আচ্ছা মোহন, গাড়ীর এঞ্জিন কি এমন বিগড়ে গেছে যে আর কিছুকাল
চেষ্টা করেও তুমি মেরামত করতে পারতে না ?

লিলি। মোহন, কিছুতেই তুমি এ প্রশ্নের জবাব দিয়ো না। আমি
বলচি, তুমি জবাব দিয়ো না।

মিনতি। কেন দেবে না ?

লিলি। ওই প্রশ্নের পিছনে অত্যন্ত অপমানের এক। ইঙ্গিত রয়েছে।

মিনতি। না লিলি, প্রশ্নের পিছনে রয়েছে ভয়, উদ্বেগ, উত্তেজনা...

লিলি। কিসের এত ভয় শুনি ?

মিনতি। জানোয়ারের।

লিলি। কোথায় জানোয়ার ?

মিনতি। তারা যে হঠাৎ দেখা দেয় লিলি। দেয় না মোহন ?

লিলি। কেন ওই ছেলেমানুষকে মিছিমিছি ভয় দেখাচ্চ মিনতি ?
মোহন, আর পরিশ্রম তুমি কোরো না। এস এক যায়গায় আমরা বসি।

মোহন আগাইয়া আসিল

বোস ওইখানে।

মিনতির পাশে বসাইয়া দিল

মোহন। গাড়ীখানা খারাপ না হলে, এতক্ষণ আমরা বাড়ী
পৌচে যেতুম।

লিলি মোহনের পাশে একটা পাথরের ওপর বসিল

লিলি। মায়ের জন্তে তোমার মন কেমন করচে মোহন ?

মোহন মাথা ঘুরাইয়া তাহার দিকে চাহিল

মোহন। কি যে বলেন আপনি !

লিলি। মায়ের জন্তে মন কেমন করা লজ্জার কথা নয়। আমার
যে মা-বাবার জন্তে দিন-রাত মন কেমন করে। এই যে গাড়ী খারাপ
হয়ে যাওয়ায় আমাদের আজ এই বনেই রাত কাটাতে হচ্ছে,—এ-সময়
আমার বাবা যদি কাছে থাকতেন, তাহলে এমন গল্প ফেঁদে বসতেন যে
রাতটা কোথা দিয়ে কেটে যেত, তা আমরা বুঝতেও পারতুম না।

মিনতি। এঞ্জিনিয়ার সাহেব থাকলে কি করতেন লিলি ?

স্বামী-স্ত্রী

লিলি। তাঁকে আমার চেয়ে তুমিই ভালো জান।

মিনতি। আমি বলতে পারি তিনি কি করতেন। ঘুরে ঘুরে দেখতেন মাটির নীচে কয়লা পাওয়া যায় কি না।

মোহন। তিনি হয়ত আমাদের খুঁজতে বেরিয়েছেন।

লিলি। আমরা যদি তাঁর ঠিকাদার হতুম, তাহলে আমাদের অদর্শনে নিশ্চিতই তিনি ব্যাকুল হয়ে বেরিয়ে পড়তেন। কিন্তু আমরা ত তা নই।

মোহন। এঞ্জিনিয়ার সাহেবকে দেখলে আমার ভয় হয়। এমন গম্ভীর তিনি।

মিনতি। তাঁর মেমসাহেব কিন্তু তেমন নন।

মোহন। সত্যি! আপনাকে কিন্তু ভয় হয় না।

মিনতি। দেখলেই দাঁত বার করে হাসতে ইচ্ছে হয়।

লিলি। ওর সঙ্গে কেন লাগচ বলত!

মিনতি। লাগব না! এই গহন বনে কার জন্তে আমাদের রাত কাটাতে হচ্ছে?

লিলি। ওর দোষ কি। ওকে ত আরাই এনেছিলুম।

মিনতি। কিন্তু গাড়ীর কলও কি আমরা খারাপ করে দিয়েছিলুম?

লিলি। ও কি ইচ্ছে করে তা করেছে?

মিনতি। কিছু না জেনে গাড়ী চালাবার সখ ভালো নয়।

লিলি। ও যতটুকু চালিয়েচে, তার চেয়ে ঢের বেশি চালিয়েচি আমি। হয়ত আমারই দোষে কল খারাপ হয়েছে।

মোহন। না, না আমারই দোষে।

লিলি। হয়েছে। বেশ হয়েছে। এত আফশোষ কিসের? আমার কাছে বনও যা গৃহও তা!

মিনতি। বথারণ্যং তথা গৃহং!

লিলি। নয় কি?

মোহন। আপনি কি এতই অসুখী?

মিনতি। Buck up, boy, buck up!

লিলি। ফের মিনিদি!

মিনতি। • ওকে উৎসাহ দিচ্ছি, ছেলেমানুষ, পাছে ঘুমিয়ে পড়ে।

লিলি মোহনের কাঁধে দুই হাত রাখিল

লিলি। তোমার ঘুম পাচ্ছে মোহন?

মোহন। নাঃ। এমনি করে সারারাত আমি বসে কাটাতে পারি।

মিনতি। Cheerio!

লিলি। মিনিদি, তুমি যে ইংরিজি জান মোহন তা বুঝে।

মিনতি। কিন্তু আমি যে Psychologyও বুঝি তা জানলে ও চূপ করেই থাকত।

লিলি। জানলে মোহন, মিনিদি মাসিক কাগজে গল্প-টল্প লেখে।

মোহন। ও, আপনি একজন লেখিকা!

মিনতি। And an old maid too!

লিলি। সৈ খবরটা ওকে দিয়ে লাভ কি মিনিদি।

মিনতি। Don't you know my dear that a love forlorn maiden is anxious to show her off?

লিলি। তোমার সঙ্গে কথায় কে পারবে বল।

স্বামী-স্ত্রী

মিনতি । স্মরণঃ তুমি মোহনের সঙ্গেই কথা কও ।

লিলি । আর তুমি ? তুমি বুঝি এখন ঘুমুবে ?

মিনতি । ইচ্ছে ছিল । কিন্তু ক্ষিদেয় পেট যে জলে যাচ্ছে ।

মোহন । খাবার ত গাড়ীতেই রয়েছে ।

মিনতি । কিন্তু তাতেই ত পেট ভরবে না । যাই, নিয়ে আসি ।

লিলি । একা পারবে তুমি ?

মিনতি । জীবনেই দোসর পেলাম না যখন, তখন এই বনে কি
আর পাব ?

মিনতি উঠিয়া দাঁড়াইল

মোহন । 'চলুন, আমি আপনার সঙ্গে যাচ্ছি ।

লিলি । বাঃ রে ! আমি বুঝি একা থাকব ?

মোহন । চলুন আমরা তিনজনেই যাই ।

মিনতি । হায়রে বোকা ছেলে ! তুমি জাননা two is company
but three is none ! আমি একাই চল্লুম ।

মিনতি অগ্রসর হইল

লিলি । দরকার হলে আমাদের ডেকো, মিনিদি ।

মিনতি গিয়া মোটরে উঠিয়া টফিন বাস্কেট হইতে,
খাবার বাহির করিতে লাগিল

মোহন । মিনতি দেবী সাম্নে থাকলে আমি ভালো করে কথা
কইতে পারি না ।

লিলি । এখন ত নেই ! এখন ভালো করে কথা কও ।

মোহন। কি কইব!

লিলি। তোমার যা ইচ্ছে।

মোহন। আমার কি বলতে ইচ্ছে হচ্ছে জানান? আমার বলতে ইচ্ছে হচ্ছে গাড়ীর এঞ্জিন বিগড়ে ভালোই হয়েছে।

লিলি। তারপর?

মোহন। তারপর কি!

লিলি। কেন ভালো হয়েছে, বলত।

মোহন। বেশ একটা নতুন experience হোলো।

লিলি। এই বনে রাত কণ্টানো?

মোহন। না।

লিলি। তবে?

লিলি মোহনের পাশে বসিল

মোহন। আপনার স্নেহের পরশ, আপনার সান্নিধ্য পাওয়া গেল।

লিলি। তোমার ভালো লাগচে মোহন?

মোহনের হাত ধরিল

মোহন। হাঁ, বড্ড।

লিলি। আমরা ভালো লাগচে।

হাত ছাড়িয়া উঠিয়া দাঁড়াইল

মোহন। উঠলেন যে!

লিলি। আমার এত ভালো লাগচে যে স্থির হয়ে আমি বসতে পারচি না।

স্বামী-স্ত্রী

নীরবে একটুখানি ঘুরিল। তারপর মোহনের কাছে
আসিয়া দাঁড়াইল।

আমার কি নতুন experience হোলো জান, মোহন ?

মোহন। না বললে কেমন করে জানব ?

লিলি। Guess it.

মোহন। আপনার কথা, আমি কি করে বলব ?

লিলি। এই experience হলো যে রাতটা যারা ঘরের ভেতর
ঘুমিয়ে কাটায়, তারা ক্লান্ত পাত্র। এন্নি চাঁদনি-রাতে পৃথিবীতে রূপের
বহা বয়ে যায় তার ঘুম-কাতুরে যারা, তারা তা উপভোগ করতে
পারে না।

মোহন। আমি আজ একটুও ঘুমবো না।

লিলি। কি করবে ?

মোহন। আপনার দিকে চেয়ে থাকব।

লিলি। তাহলে তুমি ঠকবে, মোহন !

মোহন। কেন ?

লিলি। পৃথিবীর এই অপক্লপ সৌন্দর্য্য তুমি দেখতে পাবে না।

মোহন। পৃথিবীর সব সৌন্দর্য্য যে আপনারই দেহে ঠাঁই নিয়েছে।

লিলি। এ-কথা কেউ ত আমাদের কখনো বলেনি।

মোহন। এমন করে আপনাকে দেখবার সৌভাগ্য কারু তাহলে
হয়নি।

লিলি। তুমিত বেশ শুছিয়ে বলতে পার মোহন।

মোহন। মিনতি দেবী কাছে থাকলেই সব কেমন গুলিয়ে যায়।

স্বামী-স্ত্রী

লিলি। মিনিদিকে ভয় কোরোনা মোহন। মিনিদি এমন মায়া জানে যাতে সকলে সহজেই তার বশ হয়। আমার বিয়ে সহজ করে দিয়েচে কে জান ? মিনিদি !

মোহন তাহার দিকে চাহিয়া রহিল। লিলি সহসা মোহনের মুখোমুখি বসিল।

আচ্ছা মোহন, আমাকে দেখেচ ত ! দেখে তোমার কি মনে হচ্ছে ?

মোহন। মনে হচ্ছে আজকার রাত বেন অন্তহীন হয়, যুগান্তেও যেন তা না পোহায় !

লিলি। That's absolute flattery !

মোহন। No. That is my soul's desire.

লিলি। ও কথা থাক। তুমি আমায় বল মোহন আমাকে দেখে কি মনে হয় যে আমি ভালোবাসতে জানি না ?

মোহন। কেউ কি কখনো সন্দেহ প্রকাশ করেছিল ?

লিলি। অনেকেই করে।

মোহন। তারা কুপার পাত্র।

লিলি খিল খিল করিয়া হাসিয়া উঠিল

হাসচেন ?

লিলি। তুমি বেশ বিজ্ঞের মত কথা বলতে পার।

মোহন। * মুহূর্তের ভালোবাসা মানুষকে যুগের অভিজ্ঞতা এনে দেয়।

লিলি। তুমি তাহলে ভালোবেসেচ ? এত অল্প বয়েসে !

মোহন। আমার বয়েস কত জানেন ? বাইশ !

লিলি। বা-ই-শ !

স্বামী-স্ত্রী

মোহন । বিস্মিত হচ্ছেন ?

লিলি । আমার চেয়ে বড় !

মোহন । হাঁ, চার পাঁচ বছরের ।

লিলি । But you look so young !

মোহন উঠিয়া দাঁড়াইল । লিলির কানের কাছে মুখ
আনিয়া কহিল

মোহন । Am I in anyway worse for that ?

লিলি । No. You are beautiful !

মোহন হাত বাড়াইয়া তাকে ধরিতে যাইতেছিল

মিনতি । (নেপথ্য হইতে) একটু এগিয়ে এস না লিলি । আমি
আর বইতে পারছি নে ।

মোহন । May I help you ?

মোহন চলিয়া গেল । লিলি পাথরের উপর চুপ
করিয়া বসিয়া রহিল ।

মিনতি । আমার সন্দেহ হচ্ছে মোহন, পরিত্রী কি সত্যিই নারী !
এত ভার তিনি কি করে বহন করছেন ?

মোহন । দিন, আমাকেই দিন ।

মোহন মিনতির হাতের বোঝা লইতে উদ্ধত হইল !
মিনতি তাহাই চাপাইয়া দিল

মিনতি । মোহন নিজেই বোঝা তুলে নিল ।

মোহন । ভাবচেন চিনির বলদের মত বোঝা বইবই, খেতে পাব না !

স্বামী-স্ত্রী

মিনতি । তোমাদের ত ক্ষিদে নেই ।

মোহন । তখন ছিল না । এখন হয়েছে ।

মিনতি । ভাগ্যিস আমি আনলুম ।

মোহন । আপনার সাহায্য চিরকাল মনে থাকবে ।

মোহন গাড়ীর কাছে গেল

মিনতি । চিরকাল মনে রাখবার মত কিছু ঘটেচে নাকি,
লিলি ?

লিলি । • যে বলচে, তাকেই জিজ্ঞেস কর ।

মোহন দুখানা কঁষল, কুশন লইয়া আসিল

মোহন । কঁষল একখানা বিছিয়ে ফেলি ।

কঁষল বিছাইয়া কুশান রাখিয়া

আসুন, বসা যাক্ ।

মিনতি । এস লিলি !

লিলি । তোমরা বোস মিনিদি, আমার ক্ষিদে নেই ।

মিনতি খাবার বাহির করিতে লাগিল

মিনতি । সেই সকালে খেয়ে বেরিয়েচ ।

মোহন লিলির কাছে গেল

মোহন । আসুন, কিছু মুখে দিতেই হবে ।

লিলির হাত ধরিল

একি ! কাঁপচেন কেন ?

স্বামী-স্ত্রী

লিলি। আমার বড় শীত করচে।

মিনতি। এই আগুনের কাছে এসে বোস

লিলি আগুনের পাশে কয়লার উপর বসিল। মোহন
অর একটা কয়ল লইয়া লিলির পায়ে চাপা দিয়া
দিল।

মোহন। বেশ করে বসুন।

লিলি। ফ্রাই আমি চাই না।

মোহন। এই যে স্টাণ্ডউইচ রয়েছে।

লিলির হাতে তুলিয়া দিল

মিনতি। তুমি এই সন্দেশটা নাও মোহন।

মোহন। ফাউল রোস্ট ফেলে ?

মিনতি। Are you very fond of meat ?

মোহন। Very !

লিলি। রাত কটা হোলো।

মোহন। বারোটা।

লিলি। আমি আর খেতে পারচি না মিনিদি।

মিনতি। এইটুকু খেয়ে নাও বোন।

মোহন। We are gypsies !

মিনতি। নাচতে ইচ্ছে হচ্ছে নাকি ?

লিলি। আগুনটা নিভে যাচ্ছে মিনিদি।

মিনতি। মোহন খানকত কাঠ ফেলে দেবে এখন।

মোহন। তেমন শীত ত নেই আজ।

মিনতি। হিম পড়ে। গাড়ীতে গিয়ে ছড়ের নীচে বসলেই ভালো হয়।

মোহন। সেই বাইরেই যদি থাকতে হোলে, তাহলে বন্ধ যায়গায়

আর কেন?

মিনতি। সব বাঁধন-ছেঁড়বার তাগিদ এসেচে নাকি!

মোহন। বলুন ত, মুক্ত জীবনের এ আনন্দ কজনায় ভাগ্যে জোটে!

মিনতি। লিলি, সত্যিই তুমি আর থাকবে না?

লিলি। আর পারছি না, মিনিদি।

মিনতি ও মোহন নীরবে পাইতে লাগিল

মিনিদি!

মিনতি। কি বোন?

লিলি। তোমার শরীর ভালো নয়।

মিনতি। হাঁ, সেই পাঁজরের বেদনাটা আবার একটু কষ্ট দিচ্ছে।

মোহন। আমি ভাবছি gypsyর জীবনে কি আনন্দ। ঘর বাঁধবার
ভাবনা নেই।

মিনতি। ঘর ভাঙতে তুমি এত ব্যাকুল কেন, মোহন?

লিলি। ঘর কি, তাই যে ও জানলে না। আমিও জানলুম না।

মিনতি। আমিই শুধু জেনেছি! না?

লিলি। তুমিও নও মিনিদি!

মোহন। তিনটি গৃহহারা ছন্নহাড়া আজ আমরা একত্র মিলেছি।

লিলি। কিন্তু কেউ আমরা আনন্দ করতে পারছি না।

মিনতি। ঘরের ডাক এখানেও এসে আমাদের উতলা করে দিচ্ছে।

স্বামী-স্ত্রী

মোহন । একটি রাতের জন্তও কি আমরা তা উপেক্ষা করতে পারিনা ।

লিলি । পারি না, মিনিদি ?

মিনতি । মনে প্লানি না থাকলেই পারি ।

মোহন হাত ধুইতে দূরে সরিয়া গেল

লিলি । আচ্ছা মিনিদি, আমি কাউকে ভালোবাসি না এ-কথা
কি সত্য ?

মিনতি । আগে যা সত্য ছিল, এখন হয়ত তা সত্য নেই ।

লিলি । কতদিন আমাদের শুষ্টে হয়েছে যে আমি ভালোবাসতেই
জানি না ।

মিনতি । যখন তা শুনেছিলে, তখন হয়ত সত্য কথাই শুনেছিলে ।

লিলি । কিন্তু আমি যদি প্রমাণ করে দিতে পারি যে ভালোবাসতে
আমি জানি ।

মিনতি । আমি বিশ্বিত হব না ।

লিলি চুপ করিয়া রহিল । তারপর প্রথমে গুনগুন
করিয়া পরে গলা ছাড়িয়া গাহিতে লাগিল

গান

(তব) কানন-পথের ধারে যে ফুল বুয়ায় প্রিয়,

(তারে) বরণ মালায় গাঁথি' (তব) কণ্ঠে ছুলায়ে দিও ॥

কত না মাধবী রাতে না পেয়ে তোমার দেখা,

সাধিহারি বনফুল (বুঝি) স্বপ্ন দেখেছে একা,

(তুমি) এবার জাগায়ে তারে (কর) অমুরাগে রমনীয় ॥

- (প্রিয়) এত' নহে শুধু ফুল, (এয়ে) মুদিত ভার হৃদয়,
 (জেনো) গোপনে লুকানো আছে (তার) যত মধু সঞ্চয় ;
 (তুমি) বনের কুহুম সাথে (এই) মনের কুহুম নিও ॥

লিলির গান শেষ হইতে না হইতেই মোহন অগ্ৰস্থান
 হইতে গান ধরিল এবং গাহিতে গাহিতে লিলির
 কাছে আগাইয়া আসিল

গান

- দক্ষিণ সমীরণ ডাকে, শোনো শোনো হে নিশিগন্ধা !
 (তব) জাগার সাথী (জাগে) এ মায়া রাত, হে নিশিগন্ধা !
 (জাগো) আধো-আলো আধো-জোছনাতে
 (জাগো) মুকুলিত নব কামন্বতে,
 (আজি) গুপ্তরে তোমারে ঘিরে

মোর যত গান মধুচ্ছন্দা ।

জাগো জাগো হে নিশিগন্ধা ॥

মোহনের গান শুনিয়া মিনতি উঠিয়া দরে গিয়া
 দাঁড়াইল । মোহনকে লিলির কাছে উপস্থিত হইতে
 দেখিয়া ডাকিল

• মিনতি । মোহন ! দিনের আলো যখন দেখা দেবে তখন আমাদের
 মুখের দিকে অসঙ্কোচে চেয়ে দেখতে পারবে ?

মোহন । না পারবার মত কোন কাজ ত করিনি ।

মিনতি । লিলি পর-স্ত্রী, তা ভুলো না । তুমি যে ছেলেমানুষ নও,
 তাও ভুলো না ।

স্বামী-স্ত্রী

মোহন। আমি তা ভুলিনি। ছেলেমানুষ নয় বলেই ত আমি বুঝেছি
লিলি কারু 'স্ত্রী' নয়।

মিনতি। চুপ! ওর ঘুম বড় হাল্কা।

লিলি। আমি ঘুমুইনি মিনিদি।

মিনতি তাড়াতাড়ি তাহার মাথার কাছে গিয়া বসিল

মিনতি। বেশ ত আমার কোলে মাথা রেখে তুমি ঘুমোও বোন।

কোলে মাথা তুলিয়া লইল

লিলি। মোহনকে তুমি বকো না মিনি-দি। মোহনের কাছে আমি
কৃতজ্ঞ।

মিনতি। কারণ?

লিলি। তোমরা তা না-ই শুনলে।

মিনতি। কাকে শোনাবে?

লিলি। শোনাবার দিন যদি আসে, তাহ'লে লোকের অভাব হবে না।

দুটনেই চুপ করিয়া রহিল।

মিনিদি, বাইরের একটি রাত ভেতরে এত বড় পরিবর্তন এনে দিতে পারে?

মোহন দূরিয়া বেড়াইতে লাগিল। মিনতি থুৎ থুৎ
কাসিতে লাগিল। লিলি উঠিয়া বসিল।

মোহন। আপনাদের সত্যিই অসুবিধে হচ্ছে। আমি ওই দিকে
গিয়ে বসি।

লিলি থুৎ করিয়া তাহাকে ধরিল

লিলি। সত্যিই যখন অসুবিধে হবে, আমরা তখন তা বলতে পারব।

মোহন। কিন্তু সব কথাই কি আপনারা বলে বোঝান?

মিনতি। না-বলা কথাও তুমি বুঝতে শিখেচ মোহন?

লিলি। মিনিদি, তোমার কি খুবই কষ্ট হচ্ছে।

মিনতি। ব্যাথাটা বেড়েই চলেচে। বোধ হয় ঠাণ্ডা লেগে।

লিলি। তুমি গাড়ীতে গিয়ে বোস, মিনিদি।

মিনতি। তুমিও সঙ্গে চলো না।

মিনতি উঠিয়া দাঁড়াইল

লিলি। না, আমি একটু বাইরে থাকি।

মিনতি বুক চাপিয়া কাসিতে লাগিল

লিলি উঠিয়া দাঁড়াইল

লিলি তোমার কাসিটা হঠাৎ বেড়ে উঠল, হিমে আর দাঁড়িয়ে
না তুমি।

মিনতি তাহার দিকে চাহিয়া হাসিল

হাসচ যে!

মিনতি। ললিতের কথা মনে পড়ে গেল।

লিলি। তার কথাই কি আমাদের জপের মস্তুর হবে?

মিনতি। শোনই না। সে যেদিন বিদ্রোহ ঘোষণা করল,
সেদিন আমাদের বাড়ীর কথা তুলে সে বলল, এ-বাড়ীতে সবাই
চুপি চুপি কথা কয় আর বসে বসে কাসে। সত্যি! এই কাসিই
আমাদের কাল।

স্বামী-স্ত্রী

লিলি। চল তোমায় মোটারে বসিয়ে রেখে আসি।

মিনতি। যাতে কেসে তোমাদের বিরক্ত না করি ?

লিলি। যা ইচ্ছে বল। কিন্তু ভুলো না তোমার অসুখ হলে আমাদের একটি দিনও চলবে না।

মিনতি। তোমাদের চালিয়ে নিতেই ত আমি জন্মিছি !

লিলি। মিনিদি !

মিনতি। কিছু ভেবে বলিনি, লিলি !

লিলি। তুমি এস।

তাহাকে লইয়া মোটারে বসাইল। গায়ে একটা
কম্বল জড়াইয়া দিল।

বেশ সাবধানে থেকো কিন্তু।

ফিরিয়া আসিয়া কম্বলে বসিল

লিলি। আচ্ছা মোহন, আমরা যে গান গাইলুম, তা তোমার
কেমন লাগল ?

মোহন কাছে আসিল

মোহন। চমৎকার !

লিলি। আমাদের গান কি সবারই ভালো লাগে ?

মোহন। দুর্ভাগ্য সে, যার ভালো লাগবে না।

লিলি। কিন্তু এমন করে রোজ আমি গাইতে পারি না। কেন
পারি না বলতে পার ?

মোহন। হয়ত এখানে সঙ্কোচ করবার কিছু নেই বলে।

লিলি। সঙ্কোচের কারণ কখনোই আমার কিছু থাকে না। জান

মোহন, কখনো কেউ আমাকে শাসন করেনি, কেউ কখনো আমার কোন কাজের প্রতিবাদ করেনি। শুধু...

মোহন। শুধু এঞ্জিনিয়ার সাহেব করেচেন।

লিলি। কি করে জানলে তুমি।

মোহন। না জানলেও আমি বুঝতে পারি।

লিলি। এইখানে এসে বোস না তুমি।

মোহন বসিল

লিলি। আমার সব চেয়ে ব্যথা কি জান?

মোহন। এঞ্জিনিয়ার স্নাহেবের অবহেলা।

লিলি। না। আমার সব চেয়ে বড় ব্যথা যে আমি মা-বাবার কাছে থাকতে পাইনে।

মোহন। তাঁদের কাছে যেতে আপনার ইচ্ছে হয়?

লিলি। হয় না?

মোহন। তবে যান না কেন?

লিলি। বাবার উপায় নেই বলে।

মোহন। এখানে যেমন করে এলেন, তেমন করেই যদি কোন দিন চলে যান?

লিলি। এখানে তবু বন আশ্রয় দিয়েচে, কিন্তু বাপ-মা তাও দেবেন না।

মোহন। তাড়িয়ে ত দিতে পারবেন না।

লিলি। তা দেবেন না। কিন্তু ভালো করে আমার সঙ্গে কথাও কইবেন না, হয়ত সাহেবকে তার করবেন, তিনি গিয়ে ধরে আনবেন।

স্বামী-স্ত্রী

মোহন। তিনি ধরে আনবেন কেন ?

লিলি। তাঁর যে অধিকার রয়েছে।

মোহন। কিসের অধিকার ?

লিলি। তুমি জান না, আইন স্বামীদের কি অধিকার দিয়েছে, সমাজ তাদের কি অধিকার দিয়েছে ?

মোহন। আমি আইনও জানি না, সমাজও মানি না।

লিলি। সিবিলিয়ানের মেয়ে আমি, তাই আমাকে প্রথমটা জান্তে হয়েছে, আর দ্বিতীয়টা মানতে হয়েছে আমার না খাঁটি ব্রাহ্মণের বংশে জন্মেছিলেন বলে।

মোহন। আপনারা ব্রাহ্ম, না হিন্দু ?

লিলি। কিছুই নই।

মোহন। খৃষ্টান ?

লিলি। তাও নই।

মোহন। সে কি !

লিলি। হতাশ হলে ?

মোহন। কেন ?

লিলি। কোন ধর্মেরই নয় বলে।

মোহন। দেখুন, একটু আগে আমি বলেছিলুম আপনি কারু স্ত্রী নন। তারপর বুঝলুম আপনি কারু কন্যাও নন, এখন স্তনটি আপনি কোন ধর্মেরও নন।

লিলি। কি বুঝলে ?

মোহন। বুঝলুম আপনিই আমার আদর্শ নারী।

লিলি। তার মানে ?

মোহন। নারীর যা হওয়া উচিত আপনি ঠিক তাই।

লিলি। নারীর কি হওয়া উচিত ?

মোহন। কথাটা শুস্তে ভালো শোনাবে না।

লিলি। তবুও বল।

মোহন। জাত, কুল, সংস্কার সবই তুচ্ছ করে তার আত্মপ্রকাশ করা উচিত।

লিলি। আর নরের ?

মোহন। তারও তাই কল্পা উচিত।

লিলি। এমন নর-নারী কটি তুমি দেখেচ, মোহন ?

মোহন। একটি নারীই দেখিছি।

লিলি। সে ত আমি !

মোহন। হাঁ।

লিলি। আর নর ?

মোহন। তেমন কার সঙ্গ আমার পরিচয় হয়নি।

লিলি। হয়ত একটিও নেই ?

মোহন। নিজে যতক্ষণ বেঁচে রয়েছি, ততক্ষণ সে-কথা বসতে পারি না।

লিলি। ও, তাহলে অদ্বিতীয় সেই নর হচ্ছে তুমি !

মোহন। আপনি আমাকে ঠাট্টা করছেন ?

লিলি। মোটেও না। আচ্ছা মোহন, আদর্শ নর তুমি, আর আদর্শ নারী আমি, যদি কোথাও মিলনের একটা যায়গা করতে পারি ?

স্বামী-স্ত্রী

মোহন। তাও কি সম্ভব।

লিলি। ধর যদিই সম্ভব হয়?

মোহন। তাহলে আমরা নতুন সমাজ গড়তে পারি, মানুষকে নব-জীবনের অধিকারী করতে পারি। পারবেন আপনি? আসবেন আমার সঙ্গে?

লিলি। কোথায়!

মোহন। যেখানেই হোক।

লিলি। যদি নরকে নিয়ে যাও?

মোহন। আর যদি স্বর্গে স্থান দি!

লিলি মোহনের মুখের দিকে স্থির দৃষ্টিতে চাহিল।
তারপর হাসিল।

লিলি। তুমি অনেক অর্থহীন কথা বলতে পার, মোহন।

মোহন। অর্থহীন!

লিলি। হাঁ। কিন্তু, তবুও শুন্তে তা ভালো লাগচে।

মোহন। আমার কথা শুন্তে আপনার ভালো লাগচে!

লিলি। হাঁ। রোজ রোজ প্রেম আর জীবন সম্বন্ধে তবুপূর্ণ উপদেশ শুনে শুনে আমি ক্লান্ত হয়ে পড়িচি। তাই আজ তোমার অর্থবিহীন কথাও আমার ভালো লাগচে।

মোহন। Do you expect me to take this as a compliment?

লিলি। শুধু তোমার কথাই ভালো লাগচে না মোহন, তোমাকে

স্বামী-স্ত্রী

দেখতেও বড় ভালো লাগচে । তোমার চোখ থেকে থেকে জলে উঠছে, তোমার গলার শিরা ফুলে উঠছে, হয়ত গাল দু'খানিও লাল হয়ে উঠেছে । মোহন, তুমি সত্যিই সুপুরুষ !

মোহন । মিথ্যে বলব না সুপুরুষ বলে মনে মনে সত্যিই আমার অনেকখানি অহঙ্কার ছিল । কিন্তু...

লিলি । কিন্তু ?

মোহন । কিন্তু যতই আপনাকে দেখছি, আপনার ওই দুটি চোখ, ওই দু'খানি ঠোঁট...

লিলি । মোহন ! মোহন !

আর্জনাৎ করিয়া উঠিল । মোহন তাহার হাত
দু'খানি চাপিয়া ধরিল ।

মোহন । বলুন, কি আপনি চান ?

লিলি । তোমার ঠোঁট নড়চে...তোমার গা কাঁপচে...তোমার চোখ দিয়ে আগুন বেরুচ্ছে...

মোহন । হাঁ, হাঁ, আমি জানি আমি সুপুরুষ ।

মোহনলিলিকে বাঁ হাত দিয়া জড়াইয়া ধরিল । মিনতি
নিঃশব্দে গাড়ী হইতে নামিয়া আসিল ।

লিলি । * মোহন !

মোহন । আমি শুধু সুপুরুষই নই লিলি, শক্তিমান পুরুষও আমি ।

লিলি ডান হাত দিয়া মোহনকে দূরে রাখিবার চেষ্টা
করিতে করিতে বাঁ-হাত কামড়াইতে লাগিল ।

স্বামী-স্ত্রী

মিনতি । শক্তির পরিচয় সত্যিই যদি দিতে পার, তাকাল আমরা
স্বীকার করব তুমি শক্তিমান পুরুষ !

লিলিকে ছাড়িয়া দিয়া মোহন মিনতির দিকে
চাহিল ।

উঠে এস ।

মোহন উঠিয়া গিয়া তাহার সামনে দাঁড়াইল

শক্তির দস্ত করিতে তোমার লজ্জা করেনা, কাপুরুষ ! এতখানি ছলনা
এই বয়েসেই তুমি শিখেচ ।

লিলি ধীরে ধীরে উঠিয়া দাঁড়াইল

শক্তিমান পুরুষ ! কেন তুমি মিথ্যে কথা বলে এই গভীর রাতে আমাদের
এই গহন বনে ফেলে রেখেচ ? এই তোমার শক্তির পরিচয় !

লিলি । মিনিদি ।

মিনতি । ওইখানে দাঁড়িয়ে শোন লিলি, শক্তিমান, সত্যবাদী ওই
অপুরুষ মিথ্যে করে আমাদের বলেচে যে মোটারের এঞ্জিন খারাপ
হয়ে গেছে ।

লিলি । সে কথা মিথ্যে !

মিনতি । পারে অস্বীকার করুক !

লিলি মোহনের পিছনে আসিয়া দাঁড়াইয়া কহিল

লিলি । সে কথা কি মিথ্যে, মোহন ?

মোহন মাথা নীচু করিল

মিনতি। বল শক্তিমান সত্যাশ্রয়ী পুরুষ !

মোহন। মিথ্যে !

লিলি। একটা মিথ্যে কথা বলে সারা রাত কেন তুমি আমাদের এই বনে ফেলে রাখলে ?

মিনতি। কেন রেখেচে তা কি এখনও বোঝনি ?

লিলি। এত নীচ তুমি !

মিনতি তাহার ওভার কোটের পকেট হইতে একটা
রিভলভার বাহির করিয়া একটু দূরে সরিয়া
দাঁড়াইল।

মিনতি। দেখচ আমার হাতে এটা কি ?

মোহন। আপনি...আপনি কি আমাকে খুন করবেন ?

লিলি। মিনিদি, এবারটি ওকে ক্ষমা করো।

মিনতি। শক্তির পরিচয় দিতে সাহস হয় ?

লিলি। মিনিদি, তুমিও কি ক্ষেপে গেলে !

মিনতি। এখন একবার ওর মুখের দিকে ভালো করে চেয়ে তাকাত

লিলি, তাকাত ও কেমন সুপুরুষ ! ভয়ে ঠোঁট সাদা হয়ে গেছে, চোখ
পাথরের চোখের মত বোলাটে হয়ে গেছে, নিটোল সেই গাল গেছে
চূপসে... তাক আর বল ওই কি সেই সুপুরুষ !

লিলি। মিনিদি ! ক্ষমা করো, আমাকেও তুমি ক্ষমা করো।

মিনতি। পার বীর ? পার শক্তির পরিচয় দিতে ? অবলা
ভেবে যে লিলি স্বর্কনাশ করতে উদ্যত হয়েছিলে সেই লিলিও

স্বামী-স্ত্রী

পারে অব্যর্থ লক্ষ্যে একটা গুলি ছুঁড়ে তোমার ওই গোবর-পোরা মাথার খুলি উড়িয়ে দিতে। আমিও পারি। চাও আমাদের শক্তির পরিচয় ?

মোহনকে লক্ষ্য করিয়া রিভলভার ধরিল

লিলি। মিনিদি! মিনিদি!

ললিত। (দূর হইতে) লিলি! লিলি!

লিলি। মিনিদি, আর ভয় নেই। ও এসেচে। এই যে আমরা এখানে।

ললিত কাছে ছুটিয়া আসিল

ললিত। ভালো আছ ত লিলি!

লিলিকে বাহুপাশে ধাঁধিল। মিনতিকে দেখিয়া
ছুটিয়া তাহার কাছে গেল।

মিনতি। তোমার হাতে রিভলভার কেন? গুলি ছুঁড়ে কাকে তুমি মারবে?

মিনতি। একটা জ্ঞানোয়ার বেরিয়েছিল, ভয় পেয়ে আবার তার গর্ভে ঢুকেচে। হয়ত আবারো বেরুবে।

ললিত। চল, এখন বাড়ী ফিরি।

মিনতি মোহনের দিকে ফিরিয়া দাঁড়াইল

মিনতি। জ্ঞানলে মোহন, এম্মি করে রিভলভার ধরলে লক্ষ্য কখনো ব্যর্থ হয়না।

স্বামী-স্ত্রী


ললিত । মোহন বুঝি খুব ভয় পেয়েছিল ।

মিনতি । মোহন জানোয়ার দেখিয়েচে ।

হাতে রিভলভার নাড়িতে নাড়িতে মোহনের দিকে
চাহিয়া কহিল

কিছু রিভলভারের কথা ভাবেনি ।

কৃত যবনিক' পড়িল



তৃতীয় অঙ্ক

ললিতের বসিবার ঘর। ঘরখানি অবিকল মিঃ দাসের ঘরের অনুরূপ, মায় আসবাব-পত্র। কোঁচ বসিয়া মিনতি একথানা বই পড়িতেছে। অর্গানে বসিয়া লিলি গা পাহিতেছে।

গান

তুমি কি ফিরে গেছ

মনের দ্বার থেকে,

ভোরের পানী সম

মধুর হুরে ডেখে।

আবার তুমি কবে

আমারে ডেকে লবে

(তাই) রেখেছি, মালাখানি

অঁচল তলে ঢেকে

তুমি কি ফিরে গেছ

মনের দ্বার থেকে ॥

গান শেষ হইলে লিলি উঠিয়া দাঁড়াইল। একটু

ভাবিয়া মিনতিকে ডাকিল

লিলি। মিনিদি!

মিনতি তাহার দিকে চাহিল

মিনিদি, একটু আগে যে বইখানা শোনাচ্ছিলে...

মিনতি। এই যে আমার হাতেই রয়েছে।

লিলি। পড় না, তার পর থেকে।

মিনতি। বেশ, শোন।

পাতা উন্টাইয়া যাগগাটা বাহির করিয়া পড়িতে
লাগিল

মিনতি। “দৃঢ়কণ্ঠে সে কহিল—‘না।’ তার পর দুজনাই নীরব
রহিল। প্রথম অপরাধ স্বামীই করিয়াছিল। স্বামী তাহাকে তাহার
পিতৃগৃহ হইতে পরিচিত আত্মীয় বান্ধবদের নিকট হইতে বাপ-মায়ের স্নেহের
কোল হইতে টানিয়া আনিয়াছিল সত্য। কিন্তু তার পর? তার পর
কি সে তাহার এই কঠোরতার জন্ত বার বার ক্ষমাপ্রার্থনা করে নাই?
নানা রকমে সে কি তাহাকে বুঝাইতে চেষ্টা করে নাই সে তাহাকে কত
ভালোবাসে? ধনী পিতার আদরে স্নানিতা কন্তা স্বামীর প্রেম-নিবেদন
প্রতিবারই প্রত্যাখ্যান করিয়াছে, পদে পদে করিয়াছে স্বামীর অপমান...”

লিলি। মিনিদি, সত্যিই কি তুমি ওই বই থেকে পড়চ?

মিনতি। তাই পড়চি লিলি।

লিলি। সত্যিই ওই সব লেখ্য রয়েছে?

মিনতি। নিজে পড়ে দেখনা।

মিনতি বইখানা তাহাকে দিল। লিলি বইখানি লইয়া
পড়িয়া দেখিল। তার পর বইখানি মুড়িয়া রাখিল।

লিলি। আমাদের জীবনের কথা। একেবারে অন্ধরে অন্ধরে মিলে
যাচ্ছে। কে লিখলে, মিনিদি?

স্বামী-স্ত্রী

মিনতি। টাইটেলই লেখকের নাম রয়েছে।

লিলি বইখানি লইয়া আবার দেখিল

লিলি। আমার মনে হচ্ছে এটা একটা Pseudonym ! কিন্তু যেই হোক, আমাদের কথা কি করে সে জানলে ?

মিনতি। জেনে কি আর লিখেচে। উপত্যাসের এমন কত কথা কত লোকের জীবনে বাস্তব হয়ে দেখা দেয়—It is a mere coincidence।

লিলি। না, মিনিদি, আমার তা মনে হয়না। এ বই যে লিখেচে সে অতি হীন প্রকৃতির লোক। এই রকম একটা কিছু কোথাও সে দেখেচে। কিন্তু বাপ-মায়ের স্নেহ যে কত পবিত্র তা বোঝবার তার শক্তি নেই। তা নেই বলেই সেই স্নেহ নিয়ে সে পরিহাস করেছে। হতভাগা হয়ত জীবনে স্নেহ কখনো পায়নি। আর যদি পেয়েও থাকে, তাহলেও তার মূল্য দিতে পারেনি।

মিনতি। এতটা উত্তেজিত হবার কারণ এতে কি আছে ভাই ?

লিলি। আমি সইতে পারিনা মিনিদি, স্নেহের এই অমর্যাদা আমি সইতে পারিনা। সম্ভান মা-বাপের স্নেহকে অমূল্য বলে মনে করবেনা? একনিষ্ঠ ভালোবাসা দিয়ে মা বাবাকে তুষ্ট করতে চাইবেনা ?

মিনতি। ও-প্রশ্নের জবাবও এখানে রয়েছে। শোন : “শৈশব থেকে কৈশোর, কৈশোর থেকে যৌবন এবং যৌবন থেকে বার্দ্ধক্য যেমন আমাদের জীবনে পরিবর্তন আনিয়া দেয়, তেমনি স্নেহের পাত্রেরও হয় পরিবর্তন। আর সেই পরিবর্তনের সঙ্গে সঙ্গে আমাদের কর্তব্যও হইয়া

উঠে নিত্যই নূতন। শৈশবে পিতা-মাতার প্রতি অবিচলিত নিষ্ঠা রাখিতে, হয়, বিবাহিত জীবনে সেই নিষ্ঠা থাকা প্রয়োজন স্বামী-স্ত্রী পরস্পরের প্রতি পরস্পরের, আর বার্লুক্যে সন্তান-সন্ততি সেই নিষ্ঠার দাবিদার হইয়া দাঁড়ায়। ”

লিলি। আর পড়তে হবে না মিনিদি। আমি আর ও-সব শুন্তে চাই না। জ্বন্ত বই! শুধু তুমি আমায় বলে দাও শেষটায় ওদের কি হোলো।

মিনতি। কাদের কথা জানতে চাইছ?

লিলি। ওই বইয়ের নামক নায়িকার।

মিনতি। মিলনাস্ত নয়।

লিলি। কার জীবন ব্যর্থ দেখানো হয়েছে?

মিনতি। বল ত কার?

লিলি। (সেলাই করিতে করিতে) নিশ্চয়ই ওই স্ত্রীরই।

মিনতি। তুমি ঠিকই অনুমান করেচ। স্ত্রীর জীবনে অল্প এক পুরুষ দেখা দেয়।

লিলি। অল্প এক পুরুষ!

মিনতি। হাঁ। জীবনের কোন না কোন এক সময়ে নারীর অন্তরে প্রেমের বান ডাকে। সে সময়ে সে যদি তার স্বামীকে ভালোবাসতে না পারে, তাহলে ওই বস্ত্রার স্রোতেই ভেসে গিয়ে পরপুরুষের কণ্ঠলগ্ন হয়। পুরুষকে ভালো না বেসে নারীর উপায় নেই—হয় স্বামী, নয় অপর কেউ!

লিলি। পরপুরুষ পর্যাস্ত তাকে যেতে হবে!

স্বামী-স্ত্রী

মিনতি । তাও হবে ।

লিলি । That is horrible !

আপন মনে একটু সেলাই করিল । সেলাই
রাখিয়া দিয়া উঠিয়া দাঁড়াইল । মিনতি তাহাকে
দেখিতে লাগিল । লিলি আবার বসিল, সেলাই
তুলিয়া লইল ।

তারপর, স্বামীটির কি হোলো ?

মিনতি । কোন্ স্বামীর ?

লিলি । তোমার ওই বইয়ে যার কথা লেখা রয়েছে ।

মিনতি । তাঁর অসুখ হোলো, শক্ত অসুখ । সেই সময় একজন
এসে তাঁর সেবায় আশ্র-নিয়োগ করল । পুরুষ নয়, নারী । আর সেই
নারীই তাকে শাস্ত দিল ।

লিলি । কি করে তা হোলো মিনিদি ?

মিনতি । হবারই ত কথা । স্বামীটির হৃদয় ছিল শূন্য । সেই শূন্য
হৃদয়ে নিজের আসন করে নিতে শুশ্রূষাকারিণী সুভাষিণীর বেগ
পেতে হবে কেন ?

লিলি । এই নারীর পরিচয় কি রয়েছে ?

মিনতি । মানুলি হতাশ-প্রেমিকা । ব্যর্থ প্রেমের স্মৃতি নিয়েই যারা
দিন গোঁগায়, তাদেরই একজন ।

লিলি হ্রস্বদৃষ্টিতে মিনতির মুখের দিকে চাহিয়া
রহিল, তারপর দৃষ্টি না ফিরাইয়াই কহিল

লিলি । মিনিদি ! তুমি ! তুমি কি এমন কাজ করতে পার ?

মিনতি। না। প্রেমের দ্বিতীয় সংস্করণের প্রতি আমার লোভ
নেই। I must be first or nothing !

লিলি। আচ্ছা, স্ত্রীর কি হোলো ?

মিনতি। স্ত্রীর ?

লিলি। হাঁ, স্বামীর ওই ব্যবহারের পর ?

মিনতি। স্ত্রী যখন দেখলে স্বামী অন্য নারীতে আসক্ত, তখন
স্বামীকে ফিরে পাবার চেষ্টা করতে লাগল।

লিলি। পারল ?

মিনতি। না। It was too late then ! .

লিলি গালে হাত দিয়া কিছুকাল চূপ করিয়া বসিয়া
রহিল, তারপর সহসা উঠিয়া দাঁড়াইল। দ্রুত ছুটিয়া
গেল কোণে স্থাপিত একটা টেবিলের কাছে।
একটা টানা থুলিয়া কি যেন খুঁজিল। না পাইয়া
কিছু কাল মাথা তুলিয়া দাঁড়াইয়া ভাবিল, তারপর
আবার খুঁজিতে লাগিল।

কি খুঁজচ তুমি ?

লিলি। একখানা ফোটোগ্রাফ ?

মিনতি। ললিতের ?

লিলি। না।

আবার খুঁজিবার হল করিল

এখানেই ছিল কি হোলো বলতে পার ?

স্বামী-স্ত্রী

মিনতি । একদিন তুমি বলেছিলে ফোটোখানা তুমি ছিঁড়ে ফেলবে ।
তাই আমি সেখানা লুকিয়ে রেখেছি ।

লিলি । তুমি !

মিনতি উঠিয়া দাঁড়াইল

মিনতি । হাঁ । চাইলেই ফেরত দোব বলে ।

তাহার ওয়ার্ক টেবিলের টানা খুলিয়া ফোটোখানি
বাহির করিয়া লিলিকে দিল

ওই নাও !

লিলি । তুমি দখল করেছিলে !

মিনতির দিকে চাহিয়াই ডুমারে ফোটো রাখিয়া
ডুমার বন্ধ করিয়া সোফায় আসিয়া বসিল । তখনই
আবার উঠিয়া গিয়া ডুমারে চাবি লাগাইল

ও পড়েচে ওই বই ?

মিনতি । কে, ললিত ?

লিলি । আর কে আছে আমাদের এখানে ।

মিনতি । পড়েচে কি না জানিনা । দোব পড়তে ?

লিলি । তোমার ইচ্ছে । হয়ত তুমিই তাকে পড়ে শোনাতে চাও ?

পরিচায়িকা আসিয়া চিঠি দিল । লিলি চিঠি
লইয়া দেখিল

আমার বাবার চিঠি !

পরিচায়িকা চলিয়া গেল

মাও লিখেচেন ।

স্বামী-স্ত্রী

লিলি চিঠি খুলিতে-খুলিতে বলিল

শুধু তোমরাই আমায় ভোলনি মা, তোমরাই আমায় ভোলনি বাবা ।

চিঠি লইয়া লিলি পাশের ঘরে চলিয়া গেল । ঠিক
দেই সময় সাহেবী কাজের পোষাক পরিয়া
ললিত প্রবেশ করিল । দাঁড়াইয়া দেখিল লিলির
পিছনে পর্দা পড়িল । টুপীটা •টেবিলের ওপর
ফেলিয়া সে কহিল

ললিত । আমাকে দেখলেই ও পালিয়ে যায় !

মিনতি । (উঠিয়া দাঁড়াইয়া) এখন কিন্তু পালিয়েছে অন্য কারণে ।

একটু আগাইয়া গেল

তোমার কি হয়েছে, ললিত !

ললিত । মনটা আজ ভালো, নেই মিনতি ।

চেয়ারে বসিল

নতুন নভেলখানা তুমি পড়েচ ?

মিনতি । কোন্খানা ?

ললিত । কাল যেখানা আনলুম ।

মিনতি । ও । সেইখানাই ত লিলিকে পড়ে শোনাচ্ছিলুম ।

ললিত । লিলিও পড়েচে !

মিনতি । হ্যাঁ, লিলির মতে গল্পটা বাজে ।

— ললিত । বাজে নয়, অসীম । পড়তে পড়তে আমি বার বার
চমকে উঠছিলুম । নিজেই যেন নিজেরই চোখের সামনে দেখতে

স্বামী-স্ত্রী

পাচ্ছিলুম। আরো আশ্চর্য্য, যে-সব ভাব ভালো করে আমার মনে দানাও বাঁধেনি, তাও যেন আমার মন থেকে নিয়ে ওই বইয়ে স্পষ্ট করে লেখা হয়েছে।

মিনতি। সব ভালো বইয়ে এমন কিছু-না-কিছু থাকে।

ললিত। আমি তোমায় বলে রাখছি মিনতি, বইয়ের ওই স্বামীর জীবনে যা ঘটেছে আমারও জীবনে তা সবই ঘটবে।

মিনতি। নতুন ডাক্তাররা শুনিচি তাদের পড়া সব ব্যাধির উপসর্গই নিজেদের দেহে অনুভব করে।

ললিত। না, মা, এ আমার নিছক কল্পনা নয়, মিনতি। প্রলোভন মূর্তি ধরেই আমার সাম্নে রয়েছে।

মিনতির দিকে চাহিয়া রহিল

মিনতি। সাম্নে তুমি কি দেখতে পাচ্ছ?

ললিত। ওই নভেলের নায়ক যা দেখেছিল। সেবাপরায়ণা, স্নেহশীলা একটি নারী।

মিনতি। আমার মনে হয় লেখক বোঝাতে চেয়েছে যে স্ত্রীর ভালোবাসা পেতে হলে স্বামীকেও সাধনা করতে হয়, স্ত্রী সম্বন্ধে সহিষ্ণু হতে হয়।

ললিত। মানি! কিন্তু কলেজ হষ্টেলের ছাত্র-বন্ধুদের সঙ্গে হৈ হৈ করে যে প্রথম যৌবন কাটিয়ে দিয়েছে, তেমন কোন পুরুষ কি নারী সম্বন্ধে অতটা ওয়াকিবহাল থাকতে পারে? সে কি সত্যিই বুঝতে পারে নারীকে আপন করবার জন্য কত ঝগড়ার, কত বিবেচনার, কত যত্নের প্রয়োজন হয়? বিয়ে একদিনেই হয়ে যায়, কিন্তু বিবাহিত জীবনটা দিনে

দিনে গড়ে ওঠে। সে জীবনের দায়িত্ব বহন করবার শক্তি পুরুষকে ধীরে ধীরে অর্জন করতে হয়। লিলিকে তার বাপ-মায়ের কাঁছ থেকে নিয়ে আসবার আগে আমি তার প্রতি কোন অবিচারই করিনি। নিয়ে যে এসেছি, তাও কেবলি আমার প্রয়োজনে নয়, তারও প্রয়োজনে। নিয়ে আসবার পর যখন আমি বুঝিচি যে আমি তাকে ব্যথা দিচ্ছি তখন থেকেই অবিরাম চেষ্টা করছি তার ব্যথা দূর করতে। কিন্তু আশ্চর্য্য এই যে, যতই চেষ্টা আমি করি, ততই দূরে সে সরে যায়। আমার জীবনের পথে সে যেন আলেয়ার আলো। কিন্তু মিনতি, আমারও বাসনা রয়েছে, কামনা রয়েছে। আমিও চাই নারীর সঙ্গ, নারীর ভালোবাসা। তারই তাগিদে মাঝে মাঝে আমি বিচলিত হয়ে পড়ি। তখনই আমি মনে মনে এমন একটি নারীর সন্ধান করি যার বৃকে মাথা রেখে আমি জীবনের এই আলা জুড়োবার অবসর পাই।

উঠিয়া দুয়ারের দিকে অগ্রসর হইল

মিনতি। ললিত!

ললিত ফিরিয়া দাঁড়াইল, তারপর ধীরে ধীরে
মিনতির মাঝে আসিয়া দাঁড়াইল

ললিত। মিনতি!

একটুকাল চুপ করিয়া রহিল

তুমিই মিনতি, তুমিই আমায় সাহসনা দিয়েচ, আমার জীবনের বহু অভাব পূর্ণ করেচ তুমি।

মিনতি। ক্রমে ললিত করবে। সবে ত একটি বছর তোমাদের বিয়ে হয়েছে।

স্বামী-স্ত্রী

ললিত। এই একটা বছর কি দুর্ভোগেই না কাটিয়েচি। এম্মি করে আরো একটা বছর কাটাতে হবে ভারতেও গায়ে আমার কাঁটা দেয়। তোমাকে সত্যি বলচি মিনতি, এই বইখানিই আমার মনে ভয় জাগিয়ে দিয়েছে।

মিনতি। ভালোই হয়েছে।

ললিত। এই এক বছরে কি শ্রম আমি করিচি, তা তো তুমি দেখেচ। কিন্তু কাকে তুষ্ট করতে পারলুম? কর্তব্যনিষ্ঠ একটা চাকরও যে পুরস্কার পায়, তাও আমি পাইনি। একটুখানি হাসি, এতটুকু কৃতজ্ঞতাও আমার ভাগ্যে জোটেনি। সূরাদিন কঠোর পরিশ্রম করে ঘরে ফিরিচি, কেউ ডেকে আদর করে আমায় কাছে বসায়নি। রাতের পর রাত আমি নীরবে কাজ করে কাটিয়েচি, কিন্তু বার জন্তে প্রাণপাত পরিশ্রম করিচি, সে কি একবারও আমার দিকে ফিরে চেয়েছে মিনতি?

মিনতি। তোমার এ প্রয়াস বিফলে যাবে না, বার্থ হবে না।

ললিত। এই যে তাকে তুষ্ট করবার জন্ত এত অর্থ ব্যয় করে এই বাড়ীটি ঠিক তার বাপের বাড়ীর অনুকরণে গড়ে তুলিচি' এই-ই কি সে লক্ষ্য করেছে? কেউ যদি তাকে বলেও দেয় যে তাকে ভালোবাসি বলেই এমনটি আমি করেচি, তাহলে সে ঠোট উল্টে নিশ্চয়ই বলবে— 'করবার দরকার ছিল কি, আমার বাবার বাড়ীত ছিলই।'

মিনতি। এইবার তোমার নব-জীবন শুরু হবে।

ললিত। তুমি কি বলতে চাও, মিনতি?

মিনতি। চুপ! ওই লিলি আসছে।

ললিত। কি হয়েছে মিনতি! ওর মুখ-চোখ এমন হলে কেন?

স্বামী-স্ত্রী

খোলা চিঠি হাতে লইয়া লিলি ঘরে ঢুকিল, ললিত
দূরের কোঁচে গিয়া বসিল। লিলি মিনতির কাছে
গিয়া দাঁড়াইয়া নিম্নস্বরে কহিল

লিলি। আমরা চলে এসেছি বলে মা আর বাবা বাড়ী থাকতে
পারছেন না। তাঁরা বিলেত চলে যাচ্ছেন। আর যাবার আগে একবার
আমাকে দেখবার জন্ত এখানে আসছেন।

মিনতি। এখানে আসছেন! কবে?

লিলি। আজই। হয়ত ট্রেন এতক্ষণ এসে পড়েছে।

মিনতি। ললিতকে বল।

লিলি। আমি বলব।

মিনতি। হ্যাঁ, তুমিই বলবে।

লিলি। আমি?

মিনতি। ললিত, লিলি তোমাকে কি যেন বলতে চায়।

লিলি। মিনিদি!

ললিত। This is something new.

লিলি। মিনিদি, তুমিই ওকে বল।

মিনতি কিছু না বলিয়া পিছনের দরজার কাছে গিয়া
দাঁড়াইল। ললিত উঠিয়া লিলির সামনে আসিয়া কহিল

ললিত। কি বলতে চাও, তুমি?

লিলি মাথা নীচু করিল। কুষ্ঠার সহিত কহিল

লিলি। মা আর বাবা আসছেন।

স্বামী-স্ত্রী

ললিত । এখানে ?

লিলি । হ্যাঁ ।

ললিত । কবে ? আজই কি ?

লিলি । হ্যাঁ । এখুনি হয়ত এসে পড়বেন ।

ললিত । আর কথাটা আমাকে জানানোও দরকার বলে মনে হয়নি ! বেশ !

ক্রত ফিরিল, টুপিটা তুলিয়া লইল

ললি । কোথায় যাও ?

ললিত । মাইন-এ । যতদিন তাঁরা এখানে থাকবেন, ততদিন মাইন-এই আমি থাকব ।

দুয়ারের দিকে অগ্রসর হইল

লিলি । যেয়ো না !

ললিত ফিরিয়া দাঁড়াইল

ললিত । আমাকে দেখতে তাঁরা আসছেন না, আর দেখেও খুব খুশী হবেন না ।

লিলি । তবুও তুমি যেয়োনা ।

মিনতি মাঝে আসিয়া দাঁড়াইল

মিনতি । যেয়োনা ললিত ।

ললিত । তাঁরা দিনকত থাকবেন ত ?

লিলি । তোমার যদি অমত না থাকে, তাহলে তোমার দরটাতেই তাঁদের থাকতে দোব ।

স্বামী-স্ত্রী

ললিত। আমি জানতুম এই-ই হবে, একদিন, আমার বাড়ীতে আমারই ঘরে তাঁরাই এসে জেঁকে বসবেন আর আমাকেই গড়তে হবে সরে।

মিনতি। সরে পড়তে হবে কেন? তুমি আমার ঘরে থাকবে। লিলি আর আমি তার ঘরেই একটা দিন কাটিয়ে দোব। কার কোন অসুবিধে হবেনা।

মিনতি চলিয়া গেল

ললিত। তাঁরা আসছেন বলে তোমাদের খুশী হওয়াই স্বাভাবিক। আমিও বেঁচে যাব যদি তাঁদের কাছ থেকে দূর থাকতে পারি। কিন্তু দুদিন আগে বল্লি কি ক্ষতি হতো? আমি নিজেকে তৈরি করতে পারতুম।

মিনতি। কিসের জ্ঞান নিজেকে তৈরি করতে?

ললিত। তাঁরা আসছেন লিলিকে নিয়ে যেতে। লিলি যাবে। তুমিও যাবে মিনতি। এখানকার খেলা এই ভাবে হঠাৎ শেষ করে চলে যেতে তোমরা ব্যথা পাবে না জানি, কিন্তু আমাকে কি হারাতে হবে, তা কি তোমরা ভেবে দেখেচ?

লিলি। এই চিঠি পাবার আগে আমি জানতুমনা তাঁরা আসছেন।

ললিত। আসছেন ত তোমারই চিঠি পেয়ে, আমার বিরুদ্ধে তোমার অভিযোগ শুনে!

লিলি। অভিযোগ আমি কখনো করিনি।

ললিত। শুধু জানিয়েচ এখানে তোমার জীবন দুর্ভাগ্য হয়ে উঠেছে!

লিলি। না। তাও জানাইনি।

স্বামী-স্ত্রী

ললিত। তাহলে রোজ রোজ তুমি কেন চিঠি লিখতে ? কি লিখতে চিঠিতে ?

লিলি। লিখতুম আমরা সবাই ভালো আছি, সুখে আছি।

ললিত। কেন তা লিখতে ?

লিলি। না লিখলে তাঁরা যে কষ্ট পেতেন।

ললিত। ও, তাঁরা কষ্ট পাবেন বলে !

লিলি। আমরা সুখী নই, তা জানলে তাঁরা কি খুশী হতেন ?

ললিত। তাঁদের জন্য সত্যিই আমি আজ দুঃখিত।

লিলি। কেন ?

ললিত। এসেই তাঁরা দেখতে পাবেন কী সুখেই আমরা রয়েছি।

লিলি। এখানে তাঁরা দিন দুই থাকবেন। তারপরই বেরিয়ে পড়বেন।

ললিত। কোথায় ?

লিলি। বিলেতে। মার এতদিন অমত ছিল। কিন্তু আমাদের ছেড়ে সে বাড়ীতে তিনি থাকতে পারছেন না বলেই দেশত্যাগ করছেন।

ললিত। তাদের সঙ্গে তুমিও তাহলে যাচ্ছ ? এ-দেশের কিছুই তোমার পছন্দ হয়না !

লিলি। তুমি ত যেতে পারবেন।

ললিত। তাই তুমি চলে যাচ্ছ। এ বাড়ীতে থাকব শুধু আমি আর মিনতি। ঠিক মিলে যাচ্ছে ওই নভেলখানার ঘাটনার সঙ্গে।

লিলি। মিনতি আর তুমি !

ললিত। আমি আর মিনতি।

লিলি। আচ্ছা, ওঁদের সঙ্গে মিসিংস্‌তে যেতে পারে।

ললিত। মিনতি না থাকলে এ বাড়ীতে মানুষ এক মুহূর্ত-টুকতে পরেবে না।

লিলি। আমি না থাকলে যখন এ বাড়ীর কিছুই এসে যায়না, তখন আমারই যাওয়া উচিত।

ললিত। যা তুমি ভাল বোঝো।

লিলি। জানি আমি না থাকলে তোমার ভালোই হয়। কিন্তু তবুও আমি যাবনা, আমি এইখানেই থাকব।

ললিত। থাকবে! আমার কাছে!

লিলি। হাঁ।

ললিত। শুধু তুমি আন আমি!

লিলি। হাঁ।

ললিত। আমাদের বাড়ীতে আমরাই শুধু থাকব।

লিলি। হাঁ, তাই থাকব।

ললিত। এটা কিন্তু তোমার মা-বাবাকে খুশী করবার জন্য বলচনা।

লিলি। না।

ললিত। তুমি আমায় ঠাট্টা করচ না ত?

লিলি। না।

মিনতি প্রবেশ করিল

মিনতি। কেন কোথায় থাকবে তারই ব্যবস্থা করে এলুম। তুমি অস্বস্তি না ত ললিত?

১. আমী-স্ত্রী

লিলি। ঠিক বলতে পারচিনা। আমার মনে হয় মিনতি (লিলির দিকে চাহিয়া) যে ক'দিন ওঁরা এখানে থাকবেন, সে কয়দিন আমার মাইন-এ থাকাই ভালো। তাই আমি যাই।

মিনতি। তাহলে আমিও যাব। ললিত।

লিলি। তুমি কোথায় যাবে মিনিদি!

ললিত। তুমি!

মিনতি। হাঁ। তুমি চলে গেলে এখানে যা হবে তা দেখবার জন্তে আমি এখানে থাকতে পারব না।

তিনজনেই তিনজনের দিকে চাহিল

ললিত। এখন কি হবে মিনতি?

মিনতি। সে আর মুখ দিয়ে বার নাই করলুম।

ললিত। তোমার বোনের প্রতি কি বড় বেশী অবিচার করচ না মিনতি?

লিলি। মিনিদি আমার আপনার বোন নয়।

ললিত। বন্ধুত্ব বটে।

লিলি। তাও নয়।

ললিত। তাও নয়!

লিলি। দিনের পর দিন যে শুধু প্রতারণাই করে এসেছে, সে আমার বন্ধু নয়।

ললিত। মিনতি প্রতারণা করেছে! কী তুমি বলচ, লিলি।

লিলি। মিনতির ওকালতি করতে তুমি পঞ্চমুখ হবে তা আমি জানি। তবুও আমি বলচি, তোমার ওই মিনতি দেবীর জন্তেই আজ আমি অসুখী। ছেলেবেলা থেকে ওই আমাকে চালিয়ে নিয়ে এসেছে

স্বামী-স্ত্রী

এই হৃৎ-হৃদশায় ডুবিয়ে দিয়েচে। ও আমাদের বাড়ীতে না এলে আমাদের আজ বিয়ে করতে হতো না, মা-বাবাকে ফেলে আমাদের এমন করে এখানে চলে আসতে হতো না। ও বলে, ও এসেচে আমাদের সাহায্য করতে। কিন্তু আমি জানি সে-কথা সত্য নয়। ও নীরবে নিজের কাজ করে যায়, গোপনে আমার সব-কিছু লক্ষ্য করে আর সুযোগ পেলেই নিজের সুবিধে করে নেয়। তোমাকে ও আদর করে, যত্ন করে, তার কারণ—থাক সে কথা আমি বলব না।...কর তোমাদের যা ইচ্ছে তাই, যত পার কর, যত্ন তোমরা দুজনায়—তুমি আজও আমি অবুঝ রয়েছি কি না। গাছকে মাটির বুক থেকে উপড়ে এনে টবে বসিয়ে তোমরা কর ফলের প্রত্যাশা! আজ ডাল ধরে যতই নাড়া দাও, ফল তার কাছে পাবে না, জেনো। ওই জঘন্ত নভেলের বাজে গল্প শোনাতে ওর আনন্দ উছলে ওঠে, কিন্তু ও জানেনা যে ওই গল্পের পরিণতি ভেবে আমি এতটুকু ভয় পাইনা। হোক আমাদের জীবনের সেই পরিণতি, তবু কারু ভালো-বাসা আমি ভিক্ষে মেগে নোবনা।...মা আসচেন, বাবা আসচেন... আসচেন তাঁদের মেয়ের বাড়ীতে। এসে তাঁরা দেখবেন মেয়ে তাদের কি সুখেই রয়েছে, তার স্বামী তাকে কি সুখেই রেখেচে। তাই দেখুন তাঁরা, তাই বুঝুন তাঁরা, তাই-ই আমি চাই!

ডুক্রাইয়া কাঁদিয়া ঘর ছাড়িয়া চলিয়া গেল। মিনতি
আর ললিত পরস্পর পরস্পরের দিকে চাহিয়া চূপ
করিয়া দাঁড়াইয়া রহিল। প্রথমে কথা বলিল ললিত

ললিত। এর অর্থ কি, মিনতি?

মিনতি। কিছুতেই আমাদের আর সইতে পারচে না।

স্বামী-স্ত্রী

ললিত। কবে থেকে এমন হোলো ?

মিনতি। ধীরে ধীরে ওর অন্তর-ভরে ঘৃণা জমে উঠেচে।

ললিত। মনের কথা তোমাকে আর কি ও বলেনা ?

মিনতি। আমাকে ও অবিশ্বাস করে।

ললিত। একদিন সবাইকেই ও বিশ্বাস করত।

মিনতি। আজ কাউকেই তা করে না।

দুজনাই একটু চুপ করিয়া রহিল

ললিত। আমি আরো একটা জিনিষ লক্ষ্য করলুম, মিনতি। আমি ভুল করিনি। ও তোমাকে হিংসা করে।

মিনতি। হাঁ, তাও করে।

ললিত। আমাকে নিয়ে তোমাকে ও হিংসা করবে! আশ্চর্য্য !
কোন কারণইত...

কথা শেষ না করিয়া মিনতির দিকে চাহিল। মিনতি
অশ্রুদিকে সরিয়া গেল

মিনতি। ভারচ কেন ? তাত্তে তোমারই ভালো হোলো।

ললিত। কি ভালো হোলো মিনতি ?

মিনতি। এখন ও তোমাকে ভালোবাসতে পারবে। 'ওর মত মেয়ে
শুধু ওই কারণেই ভালোবাসতে পারে।

ললিত। তোমার প্রাপ্য হবে ঘৃণা ?

মিনতি। আমি যে ওতেই অভ্যস্ত।

ললিত। তুমি কি জাননা ভালোবাসা কি ?

চমকাইয়া উঠিল। পরে নিজেকে সামলাইয়া লইল

মিনতি। জানি। আমি নিজের ভালো বেসেচি।

ললিত। হয়ত অসুখীই হয়েচ ?

মিনতি। সুখী হইনি। কিন্তু কেন জান্তে চাইচ, বল ত ?

ললিত। ভালোবেসে যারা প্রতিদান পায় না, আর তা না পেয়েও ভালবাসাকে যারা শ্রদ্ধার চোখে দেখে, তারাই পারে স্বার্থের উর্দ্ধে উঠতে।

মিনতি। ভালোবাসার মানাই হচ্ছে পরের কাছে নিজেকে উৎসর্গ করে দেওয়া।

ললিত। কখনো কখনো তাতেও দুঃখ পাওয়া যায়।

মিনতি। দুঃখ তারাই পায়, যারা নিঃস্ব হয়ে পড়ে, মর্যাদা হারিয়ে ফেলে।

ললিত। তোমার সঙ্গে আমার পরিচয় যত নিবিড় হচ্ছে, ততই মনে হচ্ছে তোমাকে আমি আজও চিনিনি। আমি ভাবচি মিনতি সে লোক কেমন, যে তোমার ভালোবাসাকেও উপেক্ষা করতে পেরেছে।

মিনতি। সে আমার উপকারই করেছে—বিয়ে করবার দায় থেকে আমাকে অব্যাহতি দিয়েছে।

ললিত। তুমি কি বলচ মিনতি !

মিনতি। ঠিকই বলচি। Marriage is not my vocation.

স্বামী-স্ত্রী

ললিত। What is your vocation then ?

মিনতি চুপ করিয়া রহিল

বল, জীবনে কি তুমি চাও ?

মিনতি। এ-কথা এখন থাক। কামনার ধন পাবার আগে তা ব্যক্ত করতে নেই। ভালোবেসে প্রত্যাখ্যাতা না হলে এ-সত্যও আমি বুঝতে পারতুম না।

ললিত। জীবনে কি তুমি শাস্তি পেয়েচ ? কিছুই কি চাওনা তুমি ?

মিনতি। হাঁ চাই, চাই ছুটে যেতে, দূর-দূরান্তে। লোকালয়ের বাইরে ; মনে এঁকে রাখতে চাই অতীত দিনের নানা মনোরম ছবি। তোমার...তোমার যদি আমার প্রতি এতটুকু শ্রদ্ধা থাকে...

ললিত। শ্রদ্ধা যে আছে, তা ত তুমি জান, মিনতি।

মিনতি। তাহলে লিলিকে তোমার কাছে টেনে নাও।

ললিত। তোমার কথা আমি বুঝতে পারছি না।...

মিনতি। লিলিকে তুমি কাছে টেনে নিলেই আমি এখান থেকে চলে যেতে পারব। আমি যদি দূরে চলে যেতে না পারি, তাহলে আমার অস্তরের এক মহামূল্য বস্তু চিরকালের জন্ত নষ্ট হয়ে যাবে।

ললিত। মিনতি, তোমার কোন কথাই আমি অবিশ্বাস করিনা। তুমি চেতে চাইছ ; বেশ, তাই তুমি যেয়ো।

মিনতি। কিন্তু যতক্ষণ লিলির সঙ্গে তোমার মনের মিল না হচ্ছে, ততক্ষণ যে তোমাদের আমি ছেড়ে যেতে পারব না। আমাদের তিনজনেরই জীবন কী ব্যর্থ হয়ে যাবে ?

ললিত । তিন জনের !

মিনতি । না, না, কথাটা ঠিক আমি গুছিয়ে বলতে পারি নি ,

ললিত । তুমি কি সত্যিই অসুখী, মিনতি ?

মিনতি । না । কিন্তু তুমি সুখ না পেলে আমি অসুখীই হব ।

আর অসুখী হব, যদি এখান থেকে দূরে—অনেক দূরে চলে যেতে না পারি ।

ললিত । আমি কি তোমার কোন উপকারই করতে পারি না ?

মিনতি । পার । লিলির মা আর বাবাকে সাদরে গ্রহণ কর ।

তাদের বুঝতে দাও যে তোমরা স্নেহে আছ, শাস্তিতে আছ । তাতেই আমার উপকার করা হবে ।

ললিত । আর লিলি ?

মিনতি । লিলিও তোমাকে সাহায্য করবে ।

ললিত । তুমি ঠিক জ্ঞান ?

মিনতি । আমি যে পথ তৈরি করে দিয়েছি !

ললিত । তুমি !

মিনতি । না, না, আমি কেবলই আজ ভুল বলছি !

ললিত । আমার কাছে কিছু গোপন করো না, মিনতি ।

মিনতি । তোমার কমল-কলি ফোটেনি বলে তুমি একদিন দুঃখ করেছিলে, তুমি আমার সাহায্য চেয়েছিলে...

ললিত । সেই থেকেই তুমি এই চেষ্টাই করে এসেচ ।

মিনতি । না, তা করিনি । কিন্তু সেদিন বনে রাত কাটাবার সময় প্রথম লক্ষ্য করলুম, তোমার কমল-কলি ফোট-ফোট হয়েছে, শতদল মেলে প্রেমের সৌরভ ছড়িয়ে দেবার জন্য উন্মুখ হয়ে উঠেচে । সেই দিনই আমি

স্বামী-স্ত্রী

বুঝতে পারলুম তোমাদের মিলনের সময় আসন্ন, সেই দিনই বুঝলুম তোমাদের মাঝখানে আর বেশি দিন থাকলে লিলির আর তোমার সর্বনাশ হবে। সেই দিন থেকেই আমি তোমাদের মিলনের পথ তৈরি করে এসেছি।

ললিত। তার আগে?

মিনতি। তার আগেকার কথা আর তুলো না। তখন আমি তোমাকে ভালো করে চিনি, আর তা ছাড়া নিজেও...

ললিত। এতদিন যা খুঁজে বেড়িয়েছি, এত কাছেই যে তা ছিল, আগে আমি তা বুঝিনি, মিনতি। তা যদি বুঝতুম...

বাহিরে গাড়ীর শব্দ হইল

মিনতি। ওই তাঁরা এসে পড়েছেন। লক্ষ্মীটি, তুমি যাও।

ললিত। আমি গিয়ে কি করব মিনতি!

মিনতি। ওঁদের অভ্যর্থনা করে নিয়ে এস। ওই ছাথ লিলি গেছে। এই সময়ে তুমি তার পাশে গিয়ে দাঁড়াও। তার মা-বাবার কাছে তাকে আর ছোট কোরো না।

ললিত চলিয়া গেল

এই ঠিক হোলো। এইবার সত্যি সত্যিই আমি জয়ী হলাম!

সেও বাহিরে চলিয়া গেল। অল্প দরজা দিয়া মিসেস দাস লিলিকে জড়াইয়া ধরিয়া প্রবেশ করিলেন। একটু পরে মিঃ দাস ও ললিত।

মিসেস। এলুম তোমার বাড়ী-ঘর দেখতে। বেশ বাড়ী করেছে ললিত। এতদিন পরে তোমাকে বুকে পেয়ে কি ভালোই যে লাগচে, লিলি। দেখি,

চিবুকে হাত দিয়া মুখ তুলিয়া ধরিল

স্বামী-স্ত্রী

শেষতে ঠিক তেমনটিই আছ মা, মুখের রংটা একটু যেন—তা সে ত হবেই, গিন্নীর গোলাপী গাল ঠিক মানায় না। না ? মায়ের কথা মনে করে রোজ তুমি চিঠি লিখতে, তাই তোমার বুড়ো বাপ-মাকে বাঁচিয়ে রাখত, জানলে ? এমন মিষ্টি করে চিঠি লিখতে কে শেখালে ! ললিত বুঝি !

মিঃ দাস গায়ের ওভারকোট খুলিতে উজ্জত হইলেন,
ললিত আগাইয়া গেল।

ললিত। May I ?

মিঃ দাস। Thank you. I can manage quite well myself.

ললিত। আমাকে দিন, আমিই রেখে আসচি।

মিঃ দাস। Much obliged. I will do it myself.

বাহিরে চলিয়া গেলেন। ললিত তাহার পিছু পিছু গেল

মিসেস দাস। উনি ত কিছুতেই আসবেন না। রাগটা এখনো একেবারে যায় নি। আমি বল্লুম আমার লিলিকে না দেখে আমি যেতে পারব না। ঠুরুও মনটা নরম হোলো।

মিঃ দাস প্রবেশ করিলেন। পিছনে পিছনে ললিত

ললিত। পথে আপনাদের কোন কষ্ট হয়নি ত ?

মিঃ দাস। কিছু না।

ললিত। ঠাণ্ডাও লাগেনি !

মিঃ দাস। সামান্য। কাসিটা একটু রয়েছে। You are well ?

ললিত। Very well. Thank you.

স্বামী-স্ত্রী

মিসেস দাস । ওগো দেখেচ—?

মিঃ দাস । কি বলত ।

মিসেস দাস । ওমা ! তুমি লক্ষ্য করনি ?

মিঃ দাস । না ।

মিসেস দাস । এ যে আমাদেরই বাড়ীতে ফিরে এসেচি ! এ যে আমাদেরই বসবার ঘর, দেখেচ না ।

মিঃ দাস । (চারিদিকে চাহিয়া) Upon my word !

মিসেস দাস । কার্পেট, কার্টেনস্, চেয়ার, টেবুল, কোচ, সোফা সবই যেন আমাদের ! যেখানে যে-জিনিষটি যেমন আমাদের ঘরে রয়েছে, ঠিক তেমনটি ! ললিত বাবা, আমার লিলিকে যে তুমি কত ভালোবাস তা এই থেকেই বোঝা যাচ্ছে । কেমন গো, তাই নয় ?

মিঃ দাস । Yes. হাঁ, তা মানতেই হবে ।

মিসেস দাস । (লিলির কাছে গিয়া) ছুটু মেয়ে এ-সব কিছুই আমাদের জানাওনি, তুমি !

মিনতি । শুধু এই ঘরটাই নয় মাসিমা, সারা বাড়ীটাই আপনাদের বাড়ীর মত করে তৈরি হয়েছে ।

মিসেস দাস । সত্যি ! ওগো, শুনচ ।

মিঃ দাস । তরুণী জীকে খুশী করবার এর চেয়ে ভালো ব্যবস্থা কেউ কখনো করেছে বলে আমি শুনি—It is the most charming way of giving pleasure to a young wife.

মিসেস দাস । কিন্তু আমি আশ্চর্য্য হচ্ছি এই ভেবে যে লিলি এসব কিছুই আমাদের কেন জানায়নি ।

মিসেস দাস। কিছুই জানায়নি।

মিসেস দাস। কেন, তুমি লিলির চিঠি পড়তে না।

মিসেস দাস। ও সেই কথা বলচ। তা জানাবে কি! লিলি রোজ রোজ এই ঘর দেখচে। আর জান ত মানুষ রোজ যা দেখে দেখে অভ্যস্ত হয়, তার নতুনত্ব তাকে চিঠি লেখবার সময় প্রেরণা দেয় না। সেই জন্তেই লিলি চিঠিতে এসব কিছু লেখেনি। Am I not right darling ?

মিসেস দাস। আর এসব ললিত করেছে, তার নিজের চেষ্টায়। সেটাও কম আনন্দের কথা নয়।

মিসেস দাস। Aren't you proud of that, my dear ?

মিসেস দাস। ললিত আমাদেরই সম্ভান-তুলা, শুনে আমরা খুলি হতুম।

মিসেস দাস। কিন্তু আমার লিলি মা যে মনের কথা খুলে প্রকাশ করে না। যাকে ১৩ বত বেশী ভালোবাসে, তার সম্বন্ধে ও তত কম কথা কয়।

মিসেস দাস। আর হালে ওর চিঠিতে থাকত শুধু ভালোবাসা সম্বন্ধে নানা রকমের গবেষণা।

লিলি। মা!

মিসেস দাস। আমি ললিতকে সব বলে দোব।

লিলি। না মা, ওসব কথা তুমি এখন তুলো না।

মিসেস দাস। আচ্ছা ললিত তোমায় এত সব দিলে আর তুমি ললিতকে কি দিয়েচ, মা।

স্বামী-স্ত্রী

মিঃ দাস। একটা কমফরটার কি আর কিছু বুনে দাওনি। এই
ছাথ তোমার মা এতদিনে এটা শেষ করে দিয়েচেন।

মিনতির দিকে ফিরিয়া

মিনি-মা, এই ছাথ তোমার মাসিমার জয়-পতাকা।

মিনতি। মাসিমা বেশ বোনেন।

মিঃ দাস। ললিত কোথায়?

মিনতি। 'আমি দেখছি কোথায় গেল।

মিঃ দাস। ওই যে, এসেচে। তোমার হাতে ও কি ললিত।

একখানি টের ওপর ছ'গ্রাস শেরি লইয়া ললিত প্রবেশ করিল

ললিত। মাঝে মাঝে একটুখানি শেরি আপনি ভালোবাসতেন।
তাই নিয়ে এলুম।

মিঃ দাস। You remember that!

মিসেস দাস। ললিত আমাদের সত্যিই ভালোবাসে।

মিঃ দাস একটি গ্রাস তুলিয়া লইলেন, ললিতও আর একটি

ললিত। আপনারা এসেচেন বলে লিলি আর আমি বড় খুশী হয়েছি।
আপনাদের সেবা করবার সুবিধে দিয়ে আপনারা লিলিকে আর আমাকে
অনুগ্রহীত করলে আমরা আরো খুশী হব।

মিঃ দাস। আমরা এসেছি বলে তোমরা খুশী হয়েচ। আর তোমরা
খুশী হয়েচ জেনে আমরা, তোমাদের বুড়ো বাপ-মা, মনের আনন্দ চেপে
রাখতে পারছি না। সত্যি কথা বলতে কি, আমাদের বড় ভয় ছিল।
তবুও আমাদের আসতে হোলো শুধু আমাদের সন্তানকে...

মিসেস দাস । ছুটি সন্তানকে ।

মিঃ দাস । হাঁ হাঁ, আমাদের এই ছুটি সন্তানকে, অস্তুত চোখের, দেখা দেখে যাবার জন্ত । লিলি তার চিঠিতে জানাত যে তোমরা বেধ স্নেহেই আছ, এসে দেখলুম সত্যিই তোমরা স্নেহে আছ । ~~এলাবে~~ তোমরা যে স্নেহের সন্ধান পাবে তা আমরা কল্পনাও করতে পারিনি । আর তা পারিনি বলেই আমরা তোমাদের চলে-আসা সমর্থন করিনি । আজ বুঝতে পারছি এসে তোমরা ভালোই করেচ । ভয়ের আল কোন কারণ নেই । দীর্ঘকাল তোমরা স্নেহে কাটাতে এ বিশ্বাস আমার হয়েছে । I have complete trust in you, Lalit, my dear son—God bless you.

মিঃ দাস ললিতের করমর্দন করিলেন

মিসেস দাস । আমার একটি কথা জাস্তে বড় ইচ্ছে হচ্ছে । তোমরা কেউ বলতে পার তা কি ?

সকলে । না ।

মিসেস দাস । ললিত আমাদের শোনাক কেমন করে লিলিকে সে জয় করল ।

লিলি । তোমার কি হয়েছে বল ত মা ।

মিসেস দাস । কেন, এতে লজ্জার কি আছে । আমাদের যে শুস্তে ভালো লাগে । স্বামীর ভালোবাসা পাওয়া নারীর ভাগ্য ।

মিঃ দাস । তোমার মা ঠিক কথাই বলেছেন লিলি । এস সবাই আমরা এখানে বসে বসে ললিতের কাহিনী শুনি ।

মিসেস দাসের কানের কাছে মুখ লইয়া

আর আমাদের কাহিনীর সঙ্গে মিলিয়ে দেখি । কি বল ?

স্বামী-স্ত্রী

মিসেস দাস। আঃ ওরা শুস্তে পাবে।

কৌচে বসিলেন।

মিঃ দাস। এস লিলি, তুমি তোমার মায়ের পাশে বসবে।

লিলিকে ধরিয়া তাহার মায়ের পাশে বসাইয়া দিল

মিনি-মাকে নিয়ে আমি এইখানেই বসি। ললিতের কথা শুনব আর লিলির মুখ দেখব।

সায়ের কৌচে বসিলেন। দু'খানি কৌচের মাঝখানে
একখানি আসন লইয়া ললিত বসিল।

মিসেস দাস। ললিত, কিছু লুকোতে কিন্তু পারবে না বাবা।

ললিত। বলা যায় এমন সব কথাই বলব।

মিঃ দাস। Good.

লিলি। কিন্তু ও যা বলবে...

ললিত। চিঠিতে যে-সব কথা লিখতে তুমি ভুল করেচ, তাই শুধু আমি বলব। আসল যা, তা ত আগেই তুমি জানিয়ে রেখেচ।

মিসেস দাস। বোস মা। চুপটি করে শোন। ভুল কোথাও যদি করে তুমি শুধরে দিয়ো। বল ললিত।

ললিত। আপনারা ত জানেন যে আমাদের মনোমালিন্য বড় কম ছিল না...

মিঃ দাস। Please pass over that, pass over that !

ললিত। আপনাদের ছেড়ে এসে লিলি যে কত কষ্ট পাচ্ছিল প্রথম প্রথম তা আমি তেমন বুঝতে পারিনি। তখন ভেবেচি দুদিনেই শান্ত

হবে। কিন্তু ও তা হোলো না। আমাকে স্যায়ে দেখলেই ওর সারা দেহ কেঁপে উঠত—হয়ত রাগে। ভাবলুম স্বামীত্বের দাবির জোরে ওকে ওর বাপ-মায়ের কাছ থেকে নিয়ে আসতে পারলুম, কিন্তু সেই দাবির জোরে ওর ভালোবাসা ত অর্জন করতে পারলুম না।

মিসেস দাস। লিলি ছেলেমানুষ হলেও লিলি জানত যে, দাবির জোরে দেহ অধিকার করা গেলেও হৃদয় জয় করা যায় না।

মিঃ দাস। হাঁ, হাঁ, আসবার দিন এমনি একটা কথাই ও বলেছিল। আমার বেশ মনে আছে।

ললিত। ক্রমে আমিও তাই বুঝতে পারলুম। মুহূর্তের ভুলে যে- ভালোবাসা আমি হারিয়েছি, তাই ফিরে পাবার জন্য আমি তার সেবায় আত্ম-নিয়োগ করলুম। বাড়ী-ঘর সবই আপনাদেরই অনুকরণে তৈরি করলুম, সংসারের বিধি-ব্যবস্থা এমন করলুম যাতে করে লিলি তার অভ্যস্ত কোন কিছুই অভাব অনুভব করতে না পারে। বুঝতেই পারচেন এ-সব করতে দিন-রাত আমাকে পরিশ্রম করতে হতো।

মিসেস দাস। সেত আমরা বুঝতেই পারছি।

ললিত। লিলিও বুঝত। আমাকে দেখলেই ও পালিয়ে যেত সত্য, কিন্তু আমি বেশ বুঝতে পারতুম আমি বাইরে চলে গেলে আমার জিনিষ-পত্র কত যত্ন করে ও গুছিয়ে রাখত।

লিলি। না, না, আমি তা করতুম না।

মিসেস দাস। লজ্জা কি লিলি, এক সময়ে আমিও তাই করতুম।

মিঃ দাস। তোমার মা আবার তাঁর উপস্থিতি বোঝাবার জন্য

স্বামী-স্ত্রী

আমার বইয়ের পাতার মাঝে চুলের কাঁটা গুঁজে রেখে যেতেন। কলেজে একদিন ছেলেরা আবার তা আবিষ্কার করেও ফেল।

মিসেস দাস। তোমার কথা কত আর শুনব, এইবার ললিতকে বলতে দাও।

ললিত। লিলি যে বড় নরম মেয়ে, তা আপনারা জানেন। সারারাত আমার ঘরে বসে ওরই সুখের উপাদান যোগাবার জন্ত আমি কাজ করতুম, আর পাশের ঘরে ও জেগে বসে থাকত, মাঝে মাঝে আমি যেন ওর পায়ের শব্দ শুনতে পেতুম। সারাদিন মাইন-এ কাজ করে আমি বাড়ী ফিরে এলে ও দৌড়ে আমার কাছে যেত না, হেসেও পাশে বসত না—কিন্তু নানা রকমে ও আমায় বুঝিয়ে দিত আমার নির্ভার মূল্য দিতে ও জানে। আমার পরিপূর্ণ ভালোবাসা না পেয়ে ও আমাকে ধরা দেবেনা এই ছিল ওর সঙ্কল্প।

লিলি উঠিয়া দাঁড়াইল

লিলি। এ-সব ও কি বলচে।

মিসেস দাস তাহাকে টানিয়া বসাইল

মিসেস দাস। বেশ বলচে। ওকে বলতে দাও।

মিঃ দাস। সুখের সন্ধান সহজে তোমরা পাওনি?

ললিত। না। যে সুখ সহজেই পাওয়া যায়, তাকে বেশি দিন ভোগ করা যায় না।

মিসেস দাস। কিছুই আমাদের জানায়নি।

ললিত। আপনাদের ভালোবাসে বলেই জানায়নি, আপনারা বাথা পাবেন বলেই জানায়নি।

মিসেস দাস । তুমি এত রূপণ তা তো জান্তুম না, লিলি ।

• ললিত । আমাকে না বুঝে ও আত্মদান করতে পারেনি । কিন্তু বুঝতে ওর দেরিও হোলোনা । অল্প ক’দিনেই ও বুঝতে পারল যে স্বভাবতই আমি কঠোর নই । ভুল করেই আমি কঠোর হয়েছিলুম আর সেই ভুলও করেছিলুম ওকে বড় বেশী ভালোবাসতুম বলে । ক্রমে ও আমার সাম্নে আসতেও লাগল, মাঝে মাঝে কথাও বলা শুরু করল । তারপর এক শুভ প্রভাতে, ঠিক আজকার মতই এক সু-প্রভাতে আমরা দু’জনা বসে একখানা বই পড়ছিলুম । সেই বই পড়তে পড়তে আমরা যেন শুষ্টে পেলুম আমাদের জীবনের সুখ-শান্তি সম্বন্ধে স্পষ্ট ভবিষ্যদ্বাণী । দুজনাই আমরা ভয় পেলুম । ভয়ে আমরা এক হলুম । দুজনাই দুজনার কাছে আশ্রয় চাইলুম, সাহায্য চাইলুম ।

লিলি ও ললিত পরস্পর পরস্পরের দিকে চাহিয়া রহিল ।

মিসেস দাস । তারপর, তারপর ললিত ।

ললিত । তারপর সহসা যেন ঊতলা বসন্ত-বায়ু আমাদের ঘরের দ্বার জানালা সব খুলে দিল । • এল আপনাদের চিঠি । উষ্ণ হাওয়ায় ঘর ভরে উঠল । আনন্দে লিলির মুখের দিকে চেয়ে দেখলুম আমার কমল-কলি • যেন দলে দলে ফুটে উঠেচে । আমি আর থাকতে পারলুম না । তার সাম্নে হাঁটু গেড়ে বসে তার কানের কাছে মুখ নিয়ে চুপি চুপি আমি বল্লুম—তোমার মা-বাবার কথা ভেবে দেখ, ভেবে দেখ কিসে তারা শান্তি পাবেন ; আমার কথা ভেবে দেখ, ভেবে দেখ কতকাল আর আমি

স্বামী-স্ত্রী

ভুলের এই শাস্তি ভোগ করব ; তোমার নিজের কথাও ভেবে দেখ,
ভেবে দেখ তোমার অন্তরের সঞ্চিত স্নেহ ভালোবাসা আর কতদিন
প্রকাশের পথ না পেয়ে তোমাকে পীড়া দেবে। সব ভেবে ছাখ লিলি—
ভেবে ছাখ পরস্পর পরস্পরকে পেয়ে আমরা ধন্ত হতে পারি কি না।

মিঃ দাস। লিলি কঁাদচে।

মিনতি। চলুন মাসিমা, বাড়ীটা এইবেলা দেখে নেবেন।

মিসেস দাস উঠিয়া মিঃ দাসের কানের কাছে মুখ
লইলেন।

মিসেস দাস। চল ওই দিকে।

মিঃ দাস উঠিলেন।

মিঃ দাস। কিন্তু লিলি যে কঁাদচে।

মিসেস দাস। আঃ একটুও বৃদ্ধি নেই তোমার !

মিঃ দাস। ও হো-হো মনে পড়েচে, মনে পড়েচে, হঠাৎ আনন্দ হলে
ভুমিও কঁাদতে।

মিসেস দাস। আঃ !

মিঃ দাস। But we are all freinds here !

তাহারা ঘরের বাহির হইয়া গেল। ললিত লিলির
পাশে গিয়া বসিল। ধীরে ধীরে তাহাকে কাছে
টানিয়া লইল।

ললিত। কঁাদচ কেন, লিলি !

লিলি। না জেনে কত ব্যথাই তোমাকে দিয়েছি।

• ললিত। তোমার মা বাবার কাছ থেকে নিয়ে এসেছিলুম বলে এখনও কি তুমি দুঃখিত ?

লিলি। না। এখন যে তোমার বুক ঠাই পেয়েচি।

ললিত। চিরদিনই এমনি থাক তুমি।

লিলি। আমার মনের সব কথা তুমি কেমন করে জানলে ?

ললিত। দেখলে ত একটিও মিথ্যে কথা বলিনি।

লিলি। মিনিদি যদি মা-বাবার সঙ্গে যেতে চায়, তুমি অমত কোরো না।

ললিত। সে-কথা আজ কেন ? ওঁরা দিনকত থাকবেন যে।

লিলি। না। আজই চলে যাবেন !

ললিত। না, না, তা কি করে হবে। আজই যাবেন কি করে। তুমি ওঁদের ধরে রেখো।

লিলি। না। আমি তা রাখব না।

ললিত। সে কি !

লিলি। আমি তা পারব না। কিছুদিন আমি তোমার সঙ্গে একা থাকতে চাই, শুধু তুমি আর আমি !

ললিত। বেশ তাই-ই হোক !

লিলি উঠিয়া দাঁড়াইল

লিলি। আমি একবার মা'র কাছে যাই। তুমি কিন্তু কোথাও ঘেয়োনা।

ললিত। একবার ঘণ্টাখানেকের জন্যে মাইন-এ যাব।

স্বামী-স্ত্রী

লিলি। না, না, মাইন-এর কুলীরা খেটে-খেটে কালো হয়ে গেছে
তাদের দিন কত ছুটি চাই। আজ থেকে মাইন বন্ধ। আমার হুকুম!

ললিত উঠিয়া দাঁড়াইয়া সেলাম করিল

ললিত। Your most obedient servant !

লিলি দৌড়াইয়া ঘরের বাহির হইয়া গেল। ললিত
নভেলখানা তুলিয়া লইয়া লুফিতে লাগিল। ধীরে
ধীরে মিনতি প্রবেশ করিল।

মিনতি। ললিত।

ললিত তাহার দিকে ফিরিল

আমি আজ ওঁদের সঙ্গে চলে যাব।

ললিত। চলে যাবে!

মিনতি। হ্যাঁ।

ললিত। কবে ফিরবে?

মিনতি। আর ফিরব না।

ললিত। আমাদের ভুলে যাবে না?

মিনতি। ভুলতে কি পারব?

ললিত। তুমি সব পার, মিনতি।

মিনতি। পারব না শুধু তোমাকে ভুলতে।

ললিত। বেশ! দেখা যাবে।

মিনতি। আমার নতুন নভেল বেরুলেই তোমায় পাঠিয়ে দোব।

ললিত। তোমার লেখা নভেল!

মিনতি । তোমার হাতেই একথানা রয়েছে যে ।

ললিতের হাত হইতে বইখানা পড়িয়া গেল । ললিত
সেখানা তুলিয়া লইতে মাথা নীচু করিল । মিনতি
সেই অবসরে ঘরের বাহির হইয়া গেল । ললিত
মাথা তুলিতে তুলিতে ডাকিল

ললিত । মিনতি !

ললি প্রবেশ করিল

ললি । মিনতিকে কেন ডাকছিলে ?

ললিত । মিনতি কোথায় ?

ললি । কেন ?

ললিত । সে কি সত্যষ্ট চলে যাবে ?

ললি । হাঁ, যাবে ।

ললিত । সে বলছিল, আর এখানে ফিরে আসবে না ।

ললি । না আসাই উচিত ।

ললিত । মিনতি ধূপের মতই নিজে থেকে পুড়িয়ে আমাদের অাজ
আনন্দের অধিকারী করেছে, ললি ।

ললি । মিনতির কথা ছাঁড়া কোন কথাই কি তুমি জাননা ?
কোন কথাই কি আর তুমি বলতে পারনা ? মিনতি, মিনতি, মিনতি !
আমি শুন্তে পারি না, তাও তুমি বোঝনা ।

ললিত । ললি, লক্ষ্মীটি, আজকার দিনে কার অমর্যাদা তুমি
কোরে না । ভুল না, আজই আমাদের সত্যিকারের মিলন হয়েছে ।

ললি । না, না, মিলন আমাদের হয়নি—মিনতি বেঁচে থাকতে মিলন

স্বামী-স্ত্রী

আমাদের হবে না। থাক তুমি তোমার মিনতিকে নিয়ে তোমাদের এই বাড়ীতে মনের আনন্দে—আমি আমার মা-বাবার সঙ্গে আজই চলে যাই...

ললিত। লিলি! লিলি!

মাইন-এর সাইরেন বাজিয়া উঠিল, ললিত দৌড়াইয়া গিয়া ভ্রূষয়ের কাছে দাঁড়াইল, সাইরেন আর্দ্রস্বরে সাহায্য চাহিতে লাগিল। ললিত লিলির সাম্নে আসিল।

লিলি, মাইন-এ কোন বিপদ ঘটেচে। আমি এখুনি যাচ্ছি। তুমি আমায় ভুল বুঝে না, ফিরে এসে আমি তোমাকে বুঝিয়ে দোব আমাদের জীবনে মিনতির স্থান কোথায়।

ললিত বেগে বাহির হইয়া গেল। মিনতি বেগে প্রবেশ করিল।

মিনতি। ললিত কোথায়?

লিলি। জানিনা মিনিদি, আমাকে তোমরা আর প্রশ্ন করো না।

মিনতি। ললিত কি মাঠনে চলে গেল?

লিলি। পথ ত তুমি চেন মিনিদি, ঠেছে হয় যাও।

মিনতি। ওরে অভাগী, তাকে তুই কেন যেতে দিলি। মাইনে আগুন লেগেচে, তারই মাঝে তুই তাকে ঠেলে দিলি।

লিলি। মিনিদি!

স্বামী-স্ত্রী

মিনতির হুই হাত চাপিয়া ধরিল। মিঃ দাস ও
মিসেস দাস প্রবেশ করিলেন।

মিঃ দাস। তোমাদের মাইন-এর এঞ্জিনটা কি ফেপে গেছে।

লিলি ছুটিয়া মিঃ দাসের বৃকে ঝাঁপাইয়া পড়িল।

লিলি। বাবা, মাইন-এ নাকি আগুন লেগেচে!

মিসেস দাস। ললিত? ললিত কোথায়?

লিলি। সে সেইখানেই চলে গেছে, মা।

মিঃ দাস। সেই আগুনের মাঝে!

মিনতি। আমি ললিতকে নিয়ে আসচি, মেসোমশাই।

মিনতি ছুটিয়া চলিয়া গেল

লিলি। আমিও যাব, বাবা, আমিও যাব।

মিঃ দাস। তুমি সেখানে গিয়ে কি করবে মা?

লিলি। কিছু না পারি, তার পাশে দাঁড়িয়ে থাকব।

লিলি অগ্রসর হইল

মিসেস দাস। পাগলের মত কী তুই বলচিস লিলি?

লিলি ফিরিয়া দাঁড়াইল।

লিলি। তোমরাই ত বলেছিলে মা, স্ত্রী স্বামীর সহচরী, স্বামীর
পাশেই তার স্থান। আমার স্বামীর পাশেই আমার স্থান।

উত্তরের অপেক্ষায় না থাকিয়া চলিয়া গেল। মিঃ দাস
তাহার পিছু পিছু থানিকটা অগ্রসর হইলেন। দ্রুত
যবনিকা পড়িল।

চতুর্থ অঙ্ক

মাইন-এর অভ্যন্তর। চারিদিকে হুড়ঙ্গ চলিয়া গিয়াছে, মাঝে মাঝে থাম, কাটা কয়লার দেওয়াল। নীচু হইতে দিকে দিকে ধোঁয়া বাহির হইতেছে। বহু নর-নারী শুকু হইয়া দাঁড়াইয়া রহিয়াছে। এক-কোণে কয়েকজন কর্মচারীর সহিত ললিত কথা কহিতেছে।

ললিত। কোন কিছু করবার নেই ?

১ম। না।

ললিত। অতগুলো লোক মাটির নীচে পুড়ে মরবে ? আমরা তাদের তুলতে পারব না ?

২য়। লিফ্ট নষ্ট না হয়ে গেলেও চেষ্টা করবার উপায় ছিল।

ললিত। ওই ক্রেনটা ? ওটা রয়েছে কিসের জন্তে !

১ম। ওতে যে শেকল রয়েছে, তা অত নীচু পর্য্যন্ত পৌঁছুবে না।

ললিত। সে ব্যবস্থা আমি করছি।

ললিত অগ্রসর হইল অনেকগুলো নর-নারী ললিতকে ঘিরিয়া দাঁড়াইল।

নর-নারী। হজুর, ওদের কি হবে হজুর ?

নারী। হামারা আদমী নীচে হজুর।

নর। হামার জর।

বৃদ্ধ। হামার ছেলে হজুর।

অনেকে । হজুর তাদের কি হবে ?

ললিত । ক্রেনে চেন লাগাও । বাকেরট নামাও ।

১ম কর্মচারী । তাতেও কোন লাভ হবে না । এখুনি হয়ত ভীষণ একটা explosion হবে । আমরা শুদ্ধ উড়ে যাব ।

২য় কর্মচারী । মাটিতে কান লাগিয়ে শুনতে পেলুম—উঃ কী সে ভীষণ শব্দ ।

৩য় কর্মচারী । উড়ে যাবে, এ খাদও উড়ে যাবে ।

ললিত । তোমরা সব এখানে কি করচ ? চলে যাও ওপরে ।

অনেকে । আমরা যেতে পারব না ।

১ম কর্মচারী । যেতে পারবি না ! সবাই মরাব ?

ললিত । তোমরা ওদের ওপরে তুলে দাও । আমি ক্রেনটা ঠিক করে ফেলি ।

একটা হুড়ঙ্গ দিয়া চলিয়া গেল ।

২য় । ওপরে চলে যা । আমার হুকুম ।

অনেকে । তুমার হুকুম নেহি মানেন্গা ।

১ম কর্মচারী । সাহেবের হুকুম !

অনেকে । সাহবকা হুকুম ত্ৰহি মানেন্গে ।

ললিত ছুটিয়া আসিল ।

ললিত । কে মানবে না আমার হুকুম ?

অনেকে । উও লোগকো ছোড়কে হম্ লোগ ক্যভী ত্ৰহী যায়েঙ্গে ।

তুম মত হুকুম দেও, তুম্‌হার হুকুম হম্‌লোগ নেহী মানেন্গে ।

ললিত রিভলভার বাহির করিল ।

স্বামী-স্ত্রী

ললিত। আমার হুকুম, এখনি সব ওপরে চলে যাও।

একবৃদ্ধ। মারো গোলী। হম্ লোগকে জরু লড়কাকো জমীনকে ।
নীচে জাগাকে মারো, হম্ লোগকো গোলী সে মারদো, বাস্, অব্ কেয়া
দেখতে হো।

২য় কর্মচারী। ওরে, এখানে থাকলে তোরা যে মরে যাবি।

একজন যুবক। ইয়ে তো তুম্হী করাতে হো।

ললিত। বাস! বাস! আর কোন কথা নয়। একটি লোকও
এখানে থাকতে পাবে না। যে যেতে না চাইবে, তাকে আমি গুলি করব।
যাও, যাও সবাই ওপরে!

কর্মচারীরা লোকগুলিকে টানিয়া সরাইয়া দিতে
লাগিল, কিন্তু তাহারা আবার গর্ভের মুখে ভিড়
জমাইল।

একজন। উও লোগকো উপর উঠাও তব হম্ লোক যায়েঙ্গে।

আর একজন। জমীনকে নীচে সবকোই জালকে ভস্ম হো জায়গা,
উনকো বচানেকে লিয়ে কোই হাত নহী উঠায়েগা।

কর্মচারী। তোরাও যে তাদেরই সাথে পুড়ে মরবি।

অনেকে। হাঁ, হাঁ, হম্ লোক এক সাথহী মরয়েঙ্গে।

ললিত। তবে তাই তোরা মর।

গুলি ছুঁড়িল, একটা লোক আশ্রয়াদ করিয়া
পড়িয়া গেল।

এক মিনিট দাঁড়ালে আবার গুলি করব, ভাগো, সব ভাগো!

স্বামী-স্ত্রী

লোকগুলো ভয়ে জুড়সড় হইয়া পিছাইয়া গেল, ললিত
আরো আগাইয়া আসিল।

যাও ; সব ওপরে যাও ।

লোকগুলো পিছনে হটতে লাগিল ।

আমি কাউকে নীচে থাকতে দোব না, তোমাদের কাউকে না ।

লোকগুলো অদৃশ্য হয়ে গেল ।

কর্মচারী । কিন্তু আপনি এ করচেন কি ?

ললিত । আমি ওই ফ্রেন ঠিক করব, নীচে নেমে যাব ।

কর্মচারী । কিন্তু তারি মাঝে যদি মাইন explode করে ।

ললিত । যদি তা না করে ?

কর্মচারী । করবার সম্ভাবনাই বেশি ।

ললিত । যদি তা না করে, তাহলে অতগুলো লোক নীচেয় পুড়েই মরবে ।

কর্মচারী । আর যদি করে ?

ললিত । তাদের সঙ্গে আর একটি মাত্র বেশী লোক মারা যাবে ।

কর্মচারী । আপনি বলচেন কি !

ললিত । দেখলে ত ওদের জন্ত ওদের আত্মীয়-স্বজনের ব্যাকুলতা,
ওদের জন্তে ওদের সংসারে যে হাহাকার উঠবে, আমার জন্তে তা উঠবে
না । তোমরা নিজেদের জীবন বিপন্ন করো না । যখনই বুঝবে অবস্থা
গুরুতর, তখনই তোমরা ওপরে উঠে যাবে, আমার জন্ত ভেবো না, আমার
জন্ত অপেক্ষা করো না ।

ললিত চলিয়া গেল ।

১ম । লোকটার মাথা খারাপ হয়ে গেল নাকি !

স্বামী-স্ত্রী

২য়। না হয় ক্রেনে করে নীচে নেমে গেল, কিন্তু কে তুলবে ?

৩য়। ওই ছাথ এই খাদেও আগুন আসচে।

১ম। পালাও ! আর এক মুহূর্ত এখানে নয়।

তাহারা পালাইয়া গেল। সেই সময়ে ক্রেনের মুখ
ঘুরিয়া আসিল, শেকলে বাধা বাকেট পিটের মুখে
আসিয়া দাঁড়াইল। একটি মজুরের সঙ্গে মিনতি
প্রবেশ করিল।

মজুর। হিঁয়া, মেম-সাব, সাহেব কো হাম হিঁয়া দেখা থা।

মিনতি। কিন্তু কোথায় তিনি ? ললিত ! ললিত !

মজুর। মেমসাব ! মালুম হোতা সাহাব নীচু মে গিয়া।

মিনতি। কোন পথে নীচে যেতে হয় ?

মজুর। এহি বাকেটপর বৈঠকে যানা পড়তা হয়।

মিনতি। আমি যাব।

মজুর। তব তো এই বাকেটপর বৈঠনে পড়েগা।

মিনতি। আমায় বসিয়ে দাও, দোহাই তোমার, আমায় বসিয়ে দাও।

মজুর। আইয়ে মেম-সাব।

মিনতিকে বসাইয়া দিল, ক্রেনের েন হড় হড় করিয়া
নামিয়া যাইতে লাগিল। মজুরটা নীচু হইয়া
দেখিল, তারপর পাগলের মতো হাসিয়া উঠিল

অকেলা হামারা আদমী সব নীচুমে জাল্কে ম্যরতা হয়—আন্নি তুম
যাও, মেম-সাব তুম যাও, হোঃ হোঃ হোঃ।

ললিত ছুটিয়া আসিল

ললিত । হাসতাহে কেঁও উল্লু ?

মজুর । হামারা আদমীসব নীচুমে জ্বাল্কে ম্যন্তা হয়, হামারা আদমীকো তুমনে গোল কিয়া হয়—আতি তোমারা মেম-সাব...

ললিত । মেমসাব !

মজুর । হাঁ, হাঁ, তুমহারা মেমসাবকোভী হাম নীচুমে ভেজা হয় ।

ললিত ঝাঁপাইয়া তাহার টুটি টিপিয়া ধরিল

ললিত । সাচ্ বোলো, উল্লু ।

মজুর । সাচ্ হি বোলতা হয়, সাব । অব সমঝো হামারা আদমীকো ওয়াস্তে হামারা কলিজামে কেইসে দরদ লাগতে হয় ।

ললিত । তুমি আমার মেমসাহেবকে নীচে ওই আঙনের মাঝে পাঠিয়ে দিয়েচ ?

মজুর । হাঁ, হাঁ, হামারা আদমীকো পাস ভেজা হয় ।

ললিত । তোমাকে আমি গুলি করে মারব ।

মজুর । *মারো ।

ললিত ইতস্তত করিল

ললিত । যাও, ক্রেন ঘুমাও ।

মজুর । নেহি সকেগা ।

ললিত । ঘুমাও ক্রেন, বাকেট উঠাও ।

মজুর । *আরে সাব তুম পাগল হো গয়া ? দেখতা নেহি বাকেট নীচুমে পৌছা চুকা, মেম-সাব ভি উতরা গিয়া ।

ললিত । Go to hell, you devil !

ললিত লাকাইয়া চেন ধরিয়া নিচে নামিয়া গেল

স্বামী-স্ত্রী

মজুর। হোঃ হোঃ হোঃ

টলিতে টলিতে লিলি প্রবেশ করিল।

লিলি। ওগো, তুমি কোথায়? কোথায় তুমি?

মজুর। এ ফিন কোন্ আতা ছায়? ছসরে ওরং!

লিলি। তুমি কে?

মজুর। বাউরা আদমী, মায়ী। বাউরা আদমী।

লিলি। তোমাদের সাহেবকে দেখেচ?

মজুর। হাঁ, হাঁ, দেখিয়েচি, ওই নীচুমে, ওই পাতালমে, খাঁহা আগ
ছায়, বাহা হামরা আদমীসব জাল্ রাহা হয়্।

লিলি। সাহেব নীচেয় রয়েচে?

মজুর। সাহেব ছয়, মেম-সাহেব ভী ছয়। হামরা আদমীকে সাথ শুব
জাল্কে মরেগা! হাঃ হাঃ হাঃ।

বলিতে বলিতে দূরে সরিয়া গেল

লিলি। ওগো! শোনো!

মজুর। (দূরে) হাঃ হাঃ হাঃ।

লিলি। তুমি যেয়োনা, আমার একটুখানি উপকার করে যাও।

মজুর। (দূরে) হাঃ হাঃ হাঃ।

লিলি। আমার স্বামীকে বাঁচাও, আমি তোমায় সর্বস্ব দোব।

মজুর। (আরো দূরে) হাঃ হাঃ হাঃ।

লিলি। শুনলে না। আমি কি করি, কেমন করে ওকে বাঁচাই—
কে আছে এখানে...কেউ নেই...আমার কেউ নেই আজ...

হাঁটু পাড়িয়া সেইখানে বসিয়া পড়ি

লিলি। স্বামী! আমার স্বামী

সেইখানে লুটাইয়া পড়িল। শেকলটা নড়িয়া
উঠিল, তাহার শব্দে লিলি চমকাইয়া উঠিয়া চাহিয়া
দেখিল

নীচু থেকে কে উঠে আসচে। কে! কে!

ললিতের হাত দেখা দিল

তুমি! ওগো তুমি এসেচ।

ললিতের মাথা দেখা দিল, মুখ

ললিত। লিলি! তুমি এখানে!

লিলি। ওগো! তুমি আমায় ক্ষমা কর।

ললিত উঠিতেই লিলি তার পায়ের তলায় পড়িল।

ললিত তাকে তুলিতে তুলিতে কহিল

ললিত। ওঠ লিলি! তোমার ওপর আমি রাগ করিনি। তুমি
আমায় ভুল বুঝেছিলে?

লিলি। সে ভুল আমার ভেঙে গেছে।

ললিত। ভালোই হয়েছে। এখন আমরা সুখে থাকতে পারব।
এইবার ওই পথ ধরে তুমি ওপরে উঠে যাও। মিনতি নীচে রয়েছে, আরো
অনেক লোক রয়েছে, বাকেটে করে তাদের তুলতে হবে। জেন যোরাবার
লোক নেই। আমাদের তা নামাতেও হবে তুলতেও হবে। তুমি যাও।

লিলি। আমি যাবনা।

স্বামী-স্ত্রী

ললিত। লিলি, আর সময় নষ্ট করোনা। নীচে মিনতি, আরো অনেক লোক, প্রতি মুহূর্তেই তাদের প্রাণ বিপন্ন, এরা সব পালিয়েচে— একা আমায় অনেক কাজ করতে হবে।

লিলি। আমি তোমাকে সাহায্য করব।

ললিত। তুমি! তুমিত তা পারবে না। আর তা ছাড়া...

লিলি। বল, তা ছাড়া?

ললিত। তা ছাড়া এখানেও যে-কোন সময়ে বিপদ ঘটতে পারে।

লিলি। আর তোমাকে সেই বিপদে ফেলে রেখে, নিজের প্রাণ বাঁচাব?

ললিত। তাহলে থাক তুমি এইখানে দাঁড়িয়ে। বাকেটে মিনতি আসবে। তাতে টেনে তুলবে। আমি ক্রেন ঘোরাতে চলুম। এরা সবাই আমাদের ফেলে পালিয়েচে।

ললিত ছুটিয়া পিছন দিকে গেল

ভয় পেয়োনা লিলি।

লিলি। না, না, ভয় আর আমি করবনা, সব ভয় আমি জয় করিচি।

মোহন ছুটিয়া প্রবেশ করিল

মোহন। একি! আপনি এখানে একা দাঁড়িয়ে রয়েছেন কেন?

লিলি। মোহন! তুমি!

মোহন। হাঁ। আপনাদের বাড়ী গিয়ে শুনলুম, সাহেব, আপনি, মিনতি দেবী সবাই এখানে। ওপরে যারা দাঁড়িয়ে আছে, তাদের কেউ নামতে রাজী হোচ্ছিল না। আপনাদের কী দুঃসাহস!

স্বামী-স্ত্রী

লিলি। তোমারও সাহস কম নয়, মোহন। ওরা কেউ এলনা, কিন্তু তুমিত এলে !

মোহন। আসতে পারলুম মিনতি দেবীর জন্ত।

লিলি। কার জন্ত ?

মোহন। মিনতি দেবীর জন্ত। তিনি সেদিন আমায় যে শিক্ষা দিয়েছেন, তাই আমাকে মানুষ করে দিয়েছে। তিনি কোথায় ?

লিলি। মিনিদি নীচে।

মোহন। নীচে !

লিলি। এখনই উঠে আসবে। তাকে দেখতে পেলেই তুমি ধরে নামিয়ে আসবে।

মোহন। সাহেব ? তিনিও কি নীচে ?

লিলি। না, তিনি ক্রেন ঘোরাচ্ছেন।

মোহন। মিনতি দেবী নীচে গেলেন কেন ?

লিলি। তা তো জানিনা, হয়ত সাহেবকে খুঁজতে।

মোহন। মিনতি দেবীর মত মেয়ে আমি দেখিনি।

লিলি। এইবার ওপরে আসতে, সাহেব বাকট তুলছেন।

মোহন' গর্ভ দেখিয়া

মোহন। কিন্তু ওত মিনতি দেবী নয়।

লিলি। কে !

মোহন। দেখুন কে !

স্বামী-স্ত্রী

লিলি। যেই হোক ধরে নাবাও, মোহন।

বাকেট উপরে উঠিল। দেখা গেল একটা কুলী।

মোহন তাহাকে ধরিয়। নামাইল। ললিত ছুটিয়া
আসিল

ললিত। মিনতি! মিনতি!

লিলি। মিনিদিত আসেনি!

ললিত। তবে?

মোহন। এই কুলীটাই এল।

ললিত। মেমসাহেব কোথায়?

কুলী। এলেন না। আমাকে উঠতে বলেন।

ললিত। বাকেট নামিয়ে দাও মোহন। এইবার মিনতি আসবে।

আমি চল্লুম ক্রেন ঘোরাতে। লোকটাকে ওপরে পাঠিয়ে দাও।

ললিত চলিয়া গেল

মোহন। তুমি ওপরে উঠে বেতে পারবে?

কুলী। পারব।

মোহন। তবে যাও, আর দেবী করোনা।

লিলি। মোহন!

মোহন। বলুন!

লিলি। তুমিও ওপরে চলে যাও।

মোহন। মিনতি দেবীকে নীচে রেখে? আপনাদের এইখানে
ফেলে?

স্বামী-স্ত্রী

লিলি। সাহেব বলেচেন এখানেও বিপদের ভয় আছে। দেখচ
ওই আগুন!

মোহন। ও আগুন কি শুধু আমাকেই পোড়াবে? আপনাদের
নয়?

লিলি। তুমি ছেলেমানুষ মোহন।

মোহন। কিন্তু আপনার চেয়ে যে বড় তাত আপনি জানেন।

লিলি। ওই বাকেট ওপরে উঠচে, এইবার মিনিদি নিশ্চিতই এল।
মিনিদি!

মোহন। মিনতি দেবী!

বাকেট উপরে উঠিল

লিলি। মিনিদি ত নয় মোহন!

ললিত। (দূর হইতে) মিনতি এলে?

লিলি। ওগো, আসেনি, মিনিদি আসেনি।

ললিত ছুটিয়া আসিল

ললিত। আসেনি।

লিলি। কে এল ছাথ।

মোহন লোকটাকে নামাইয়া দিল

মোহন। যাও, ওপরে চলে যাও।

লিলি। মিনিদির কি হবে।

ললিত। মোহন!

মোহন। বলুন!

ললিত। ক্রেন ঘোরাতে পারবে?

স্বামী-স্ত্রী

মোহন । পারব !

ললিত । এস, তোমায় দেখিয়ে দি । তারপর আমি নেমে যাই ।

লিলি । তুমি !

ললিত । মিনতিকে নিয়ে আসি ।

লিলি । না, না, তোমাকে আমি যেতে দোব না ।

ললিত । মিনতির কি হবে, লিলি ?

লিলি । কেন সে আসছে না ? ইচ্ছে করে কেন সে বিপদ বরণ করে নেবে ?

ললিত । হয়ত সে আসবে না ।

মোহন । হয়ত তিনি এবার আসবেন ।

বলিয়া বাকেটটা নামাইয়া দিল ।

ললিত । শুধু এইবার আমি দেখব, লিলি ।

ললিত আবার ক্রেনের কাছে ছুটিয়া গেল ।

লিলি । মোহন !

মোহন । বলুন কি করতে হবে ।

লিলি । তুমি ওপরে যাবে না ?

মোহন । না, নীচে যাব । মিনতি দেবী এবার না এলে আমি নীচে গিয়ে তাঁকে নিয়ে আসব ।

লিলি । তুমি কেন যাবে, মোহন ?

মোহন । যাব তাঁকে শ্রদ্ধা করি বলে ।

লিলি । মোহন !

মোহন । বলুন ।

লিলি । তুমি বলেছিলে তুমি ক্রেন ঘোরাতে পার ।

মোহন । পারি বৈকি !

লিলি । তুমি যাবে সেই কাজে ?

মোহন । আপনি বল্লেনই যাব ।

লিলি । তুমি গিয়ে সাহেবকে আমার কাছে পাঠিয়ে দেবে ?

মোহন । এখুনি যাচ্ছি আমি ।

যে দিকে ললিত ছিল, সেই দিকে অগ্রসর হইল ।

লিলি । মোহন, শোন ।

মোহন ফিরিয়া আসিল

সাহেবকে কেন পাঠিয়ে দিতে বল্লুম, জান ?

মোহন । জানি । এ-সময়ে তাঁর আপনার কাছে থাকা ভালো বলে ।

লিলি । তুমি বুঝেচ, মোহন ।

মোহন । আগেকার মত আমি আর বোকা নেই ।

লিলি । হয়ত এখুনি একটা কিছু হয়ে যাবে । যতটুকু কাল বেঁচে থাকব আমি তাঁর পাশেই থাকতে চাই, মোহন ।

মোহন । আমি বুঝেচি । এখুনি তাঁকে পাঠিয়ে দিচ্ছি ।

মোহন যাইতে উত্তত হইল

লিলি । সেদিন বড় কড়া কথা বলেছিলুম ! তার জন্ত ক্ষমা কোরো ।

স্বামী-স্ত্রী

মোহন ফিরিয়া দাঁড়াইয়া শুনিল, তারপর কহিল

মোহন। সেদিন আপনারা আমাকে মাহুস হতে শিখিয়েচেন।
তার জন্য আমি আপনাদের কাছে কৃতজ্ঞ।

মোহন চলিয়া গেল

লিলি। মোহন আজ সত্যই মহান্।

একটি দাঁতহীন বৃদ্ধা আসিয়া লিলির সম্মুখে দাঁড়াইল

তুমি কে ?

বৃদ্ধা। কাদের বউ গা তুমি ?

লিলি। এটা আমাদেরই খনি।

বৃদ্ধা। পুড়ে যাবে! ছাই হয়ে যাবে!

লিলি ভয়ে পিছিয়ে গেল

লিলি। কি পুড়ে যাবে ?

বৃদ্ধা। এই যা দেখচ সব কিছু। তিন—তিনটে খনি আমি এগ্নি
করে পুড়তে দেখেচি। এটাও দেখতে এলুম, এটাও যাবে। নীচে যারা
আছে, তারা আর উঠবে না। ওই যে আগুন, ও আগুন আর নিভবে
না। আমি দেখেচি কিনা!

লিলি। তুমি কি চাও ?

বৃদ্ধা। কিছু না। দেখতে এসেছিলুম, দেখে গেলুম! তুমি বাছা
আর এখানে দাঁড়িয়ে থেকোনা। হুম করে আওয়াজ হবে আর সব
ফুরিয়ে যাবে। দেখেচি কিনা, তাই বলে গেলুম।

স্বামী-স্ত্রী

বৃদ্ধা চলিয়া যাইতে উচ্ছতা হইল ললিত দ্রুত
আগাইয়া আসিল

ললিত । কে যায় ? কে !

বৃদ্ধা ফিরিয়া দাঁড়াইল

তুমি কি চাও এখানে ?

বৃদ্ধা । দেখতে এসেছিলুম, দেখে গেলুম—আর বেশীক্ষণ নয় ।

বৃদ্ধা চলিয়া গেল

লিলি । আচ্ছা, সব লোক কি পাংগল হয়ে গেল ?

ললিত । এম্মি বিপদে মানুষের মাথা খারাপ হয়ে যায় ।

লিলি । এ বিপদ কখন ক্কাটবে ?

ললিত । হয়ত কাটবে না ।

লিলি । ওগো, আর কি হবে ?

ললিত । • যা হবে, তা ত হবেই লিলি । তুমি বল, আমাকে কেন
ডেকে পাঠিয়েচ ?

লিলি । শেষের সেই সময়ে তোমাকে কাছে পাব বলে ।

ললিত । তোমার ভয় হচ্ছে, লিলি ?

লিলি । না । তুমি পাশে রয়েচ, আমার কিসের ভয় ?

ললিত । • যদি আর উপরে উঠে যাওয়া না হয় ?

লিলি । তাতেই বা ক্ষতি কি ।

ললিত । হয়ত এইখানে এক সঙ্গেই হবে আমাদের সবার সমাধি—
আমার, তোমার, মিনতির, মোহনের আর আমার ওই মজুরদের ।

স্বামী-স্ত্রী

লিলি। ওদের নীচে ফেলে রেখে আমরা কেমন করে পাব ?
আমাদেরইত আশ্রিত ওরা ।

ললিত। কিন্তু আমি ঠিক জানি লিলি, আমার কর্মচারীরা সকলে
মিলে যদি চেষ্টা করত, তাহলে বহুলোককে তারা বাঁচাতে পারত ।

লিলি। চেষ্টা কেন তারা করচে না ?

ললিত। ঞাণের ভয়ে সবাই পালিয়েচে ।

লিলি। স্থাখ, এইবার হয়ত মিনিদি আসচে ।

ললিত। আমার ভয় হচ্ছে লিলি, মিনিতি হয়ত আর আসবে না ।

লিলি নীচের দিকে ঝুঁকিয়া দেখিয়া আর্দ্রনাদ করিয়া
উঠিল

লিলি। আসেনি ত !

ললিত। নীচের একটি লোককেও ফেলে রেখে সে উঠে আসবে না
—আমি তাকে জানি ।

লিলি। কিন্তু সব লোককে তোলবার সময় কি সে পাবে ?

ললিত। না ।

লিলি। তবে ?

ললিত। এবার আমিই নেবে যাব ।

লিলি। তুমি গেলেই কি সে আসবে ?

ললিত। একবার চেষ্টা করে কেন না দেখব ?

বাকট পিটের মুপের কাছে আসিল, লোকটাকে
নামাইয়া দিয়া ললিত করিল

যাও, ওপরে চলে যাও ।

লোকটা চলিয়া গেল। ললিত, বাকিটের চেন
ধরিল

ললিত। এবার লিলি।

লিলি। এবার...কি?

ললিত। এবার...বিদায়।

লিলি। না, না, ও-কথা তুমি বোলো না।

ললিত। মিনতি যদি আসে তাহলে সে এক*সৰ্ত্তে আসবে,
লিলি। সে বলবে একটি লোকও নীচে থাকতে সে ওপরে উঠবে না।
যদি প্রতিশ্রুতি দি একটি লোকও নীচে থাকতে দোব'না, তাহলে...

লিলি। তাহলে...ভাবচ, সে উঠে আসবে তোমাকে ফেলে?
মিনতি তা আসবে না। আর তুমি যদি নীচে যাও, তুমিও আসবার
অবসর পাবে না।

ললিত। তাহলেও কি আমাকে যেতে হয় না, লিলি? মিনতি
নীচে পড়ে থাকিলে তুমি, আমি, আমরা কেউ কি স্থির থাকতে পারি?

লিলি। না, তা পারি না।

ললিত। তবে কেন আমি যাব না?

লিলি। যুক্তি দিয়ে তা আমি তোমায় বোঝাতে পারব না—তবুও
আমি বলব তুমি যেও না, ওগো, তুমি যেয়ো না।

ললিতের কাঁধে মাথা রাখিয়া কাঁদিতে লাগিল।

মোহন আগাইয়া আসিল

মোহন। মিনতি দেবী এবারও এলেন না?

ললিত। *না মোহন, এবারও সে এলো না

স্বামী-স্ত্রী

লিলি। আমাদের সবারই যখন একই পরিণতি, তখন কার আসা-না-আসাকে বড় করে দেখে কি হবে ?

মোহন। আপনি কি বলছেন ?

লিলি। বলছি এই কথাই মোহন, যে, আজ আমাদের কার নিস্তার নেই। নীচে মিনিদির যা হবে, এখানে আমাদেরও ঠিক তাই-ই হবে। সবাই আমরা মরব। তাই, কখন কে কি ভাবে মরব, সেই আলোচনায় সময় নষ্ট না করে, যে কটি লোককে বাঁচাতে পারি তার চেষ্টা করাই কি ঠিক নয় ?

ললিত। মোহন, তুমি ক্রেনে যাও।

মোহন। ক্রেনটা আপনি একটিবার দেখে আসবেন ?

ললিত। কেন, খারাপ হয়ে গেছে নাকি ?

মোহন। একটিবার দেখে এলেই ভালো হয়।

ললিত। বেশ, আমি এখুনি দেখে আসছি।

বলিত ছুটিমা গেল

লিলি। ক্রেনটাও কি খারাপ হয়েছে, মোহন ?

মোহন। না।

লিলি। তবে তুমি মিথ্যে কথা বলে সাহেবকে সরিয়ে দিলে কেন ?

মোহন। সাহেবকে সরিয়ে না দিলে আমার উদ্দেশ্য সিদ্ধ হোত না।

লিলি। আবার কি উদ্দেশ্য নিয়ে তুমি এখানে এসেচ, মোহন !

বল তুমি। তোমাকে তা বলতেই হবে।

মোহন। আপনাকে বলব বলেই ত সাহেবকে সরিয়ে দিয়েছি।

শুশন।

লিলি। বল।

মোহন বাকেটটা পিটের মুখে টানিয়া এক পা
বাকেটে তুলিয়া দিল

ও তুমি কি করচ মোহন ?

মোহন। এই করব বলেই ত সাহেবকে সরিয়ে দিলুম—আমি চল্লম
নীচে মিনতি দেবীকে সঙ্গে না করে আর ওপরে উঠবনা।

লিলি। মিনতি তোমার কে ?

মোহন। যে আমাকে মানুষ হতে শিখিয়েছে, সে আমার
আরাধ্যা।

লিলি। না, না, মোহন, তুমি যেয়োনা।

মোহন। আর যদি না ফিরি, তাহলেও এই মোহনকে মনে
রাখবেন।

মোহন বাকেটে উঠিল, বাকেট হ হ করিয়া নীচে
নামিয়া গেল

লিলি। মোহন ! মোহন !

ললিত দৌড়াইয়া আসিল

ললিত। কি হয়েছে লিলি, মোহন কোথায় ?

লিলি। মোহন নীচে নেমে গেল !

ললিত। নীচে নেমে গেল !

লিলি। হাঁ বলে গেল, মিনিটিকে সঙ্গে না নিয়ে আর সে ওপরে
উঠবেনা।

স্বামী-স্ত্রী

ললিত। আমারই কর্তব্যের বোঝা মোহন তার কাঁধে তুলে নিল।

লিলি। মোহন যদি বলে যে সে ওপরে উঠবেনা, তাহলে মিনিদি নীচে থাকতে পারবেনা। আর মিনিদি উঠে এলে, মোহনও নীচে থাকবেনা। নীচের মজুরদের ভুল মোহনের কোন মাথা ব্যথা নাই।

ললিত। লিলি! শুষ্টে পাচ্ছ।

লিলি। হাঁ, নিচে যেন কী একটা ভীষণ কাণ্ড ঘটচে।

ললিত। লিলি!

লিলি। শেষের সেই সময় কি সত্যি ঘনিয়ে এল?

ললিত। লিলি! এানও তুমি ওপরে চলে যাও। ওপরে তোমার মা আছেন, তোমার বাবা আছেন।

লিলি। আর এখানে যে আছেন আমার স্বামী।

ললিতকে হুড়াইয়া ধরিল, সঙ্গে সঙ্গে ভীষণ একটা explosion—দারুণ আর্দ্রনাদ, তারপর সব স্থির, ধোঁয়ায় চারিদিক আচ্ছন্ন। ক্রমে ধোঁয়া কাটিয়া গেল।

ললিত। লিলি! লিলি!

লিলি। স্বামী।

ললিত। তুমি আর আমি ছাড়া কেউ হয়ত বেঁচে নাই।

লিলি। মিনিদি? মোহন? ওরা সব?

ললিত। কেউ নয়, লিলি। এর পর নীচে কেউ বেঁচে থাকতে পারেনা।

স্বামী-স্ত্রী

লিলি। কিন্তু আমরা কেন বেঁচে রইলুম? তুমি আর আমি এক সঙ্গে ছিলুম বলেই কি?

ললিত তাহার মুখের দিকে চাহিল তারপর কহিল

ললিত। হয়ত তাই।

লিলি। হয়ত আমাদের মিলনে বিচ্ছেদ ঘটাতে মৃত্যুরও মায়া হোলো।

ললিত। সর্বস্ব দিয়ে আজ তোমাকে পেলুম। কিন্তু আমাদের এই মিলনে সব চেয়ে যে সুখী হোতো, সে আজ কোথায় রইল, লিলি!

লিলি। তুমি ঠিকই বলেছিলে। ধূপের মতো নিজেকে পুড়িয়ে মিনিদি আমাদের আনন্দের অধিকারী করে গেল।

ললিত। মিনতি মানবী নয় লিলি, মিনতি দেবী।

লিলি। এস এই আশানে এক সঙ্গে মিলে উদ্দেশে তাকে প্রণাম করি।

দুইজনে মটতে মাথা নুয়াইয়া তাকে প্রণাম করিল—ধীরে ধীরে যবনিকা পড়িল।

পরিচালক—শ্রী দুর্গাদাস বন্দ্যোপাধ্যায়

সঙ্গীত রচয়িতা—শ্রী প্রণব রায়

সুর-শিল্পী—শ্রী তুলসী লাহিড়ী

প্রযোজক—দি ষ্টেজ প্রোডিউসার্স

সঙ্গীতী—শ্রী যশোবন্ত পরমাণিক

মঞ্চ-শিল্পী—শ্রী মণীন্দ্রনাথ দাস (নানু বাবু)

শ্রী কমল বন্দ্যোপাধ্যায়

অলোক-শিল্পী—

শ্রী কালীপদ বন্দ্যোপাধ্যায়

শ্রী প্রফুল্লচন্দ্র ঘোষ

শ্রী মধুরানাথ শেঠ

শ্রী সন্তোষকুমার গাঙ্গুলী

শ্রী বসন্ত মুখোপাধ্যায়

শ্রী শঙ্করকুমার ভট্টাচার্য্য

স্মারক—শ্রী কালীপদ বন্দ্যোপাধ্যায়

শ্রী দুলালচন্দ্র দাস

প্রথম রজনীর অভিনেতৃগ

মিঃ দাস—শ্রী সন্তোষ সিংহ

পার্বতী—শ্রী মতী জোাতি

মিসেস্ দাস—শ্রী মতী পদ্মাবতী

পরিচালিকা—শ্রী মতী মহামায়া

লিলি—শ্রী মতী রাণীবালা

১ম কণ্ঠসারী—শ্রী বিজয় মজুমদার

মিনতি—শ্রী মতী উষা বেনী

২য় কণ্ঠসারী—শ্রী শান্তি দাস গুপ্ত

ললিত—শ্রী দুর্গাদাস বন্দ্যোপাধ্যায়

৩য় কণ্ঠসারী—শ্রী শান্তি ভট্টাচার্য্য

মোহন—শ্রী জহর গাঙ্গুলী

সন্দার—শ্রী বিজয় কান্তিক দাস

শাস্তা—শ্রী মতী বেনা

বৃদ্ধা—শ্রী মতী সরস্বতী

